


سرائیکی  
ناول

# مرما جیون دی

محمد حفیظ خان



سینر وقار رھنے پورا کیے

03.10.2022

ناول

مرماجیون ٹوی

محمد حفیظ خان

بشکریہ

محمد حفیظ خان صاحب

وقار اسلم

0306-1446635

اس ناول کا یہ پہلا ایڈیشن اکادمی ادبیات پاکستان کے تعاون سے شائع کیا گیا

# مرماجیون ٹودی

سرائیکی ناول

محمد حفیظ خان

یکے از مطبوعات

ملتان انسٹی ٹیوٹ آف پالیسی اینڈ ریسرچ ملتان

# Mar Maa Jevan Di

(Saraiki Novel)

M.Hafeez Khan

Publishers:

**Multan Institute of Policy and Research**

62/B Sakhi Sultan Colony- Multan. 0333-5575024

Price: Rs. 600/-

ISBN 978-969-9782-23-7

مرماجیون ڈی

(سرائیکی ناول)

محمد حفیظ خان

پہلا ایڈیشن : ستمبر 2022ء

: ٹائٹل

: بی پی ایچ پرنٹرز، لاہور

: قیمت 600 روپے

ملتان انسٹی ٹیوٹ آف پالیسی اینڈ ریسرچ ملتان

0333-5575024

مرماجیونڈی  
ڈکھادم سبھائی دا

حقیقی تاریخی تناظر دے ہونے والے وی ایس ناول دے سکھے کردار تے مقامات فرضی ہن جیندے نال  
کہیں قسم دی کوئی وی مطابقت یا مماثلت محض اتفاقیہ ہوسی، جیندی ذمہ داری کہیں تے وی عائد نی تھیندی۔

اُنوی سوا کہتر وچ جن تے ناں تاں اوند ا محمد مرادر کھیا گیا لیکن اُنوی سواٹھاسی وچ اوندی غائبانہ جنازے دی نماز شہید فضل اللہ دے ناں نال پڑھی گئی تے قرآن پڑھن دا ثواب وی ہوندے ناں ارواح کیتا گیا کیوں جو مدرسہ حمید یہ دے ریکارڈ وچ ہن اونداناں وی ایہوتے شناخت وی ایہو۔ مسئلہ ہن اے ہانہ ہاجو اُوافغانستان دی جنگ وچ شہید تھی گیا ہا بلکہ رولا اے ہاجو پنجوی سالان توں بعد اوجیندا جاگدا آپڑیں دستی پاؤلیاں والی تحصیل جلال پور پیر والا ضلع ملتان واپس ول آیا ہا پر اتھ نہ اوکوں کوئی محمد مراد دے ناں نال سخریندا ہاتے نہ فضل اللہ دے ناں نال۔ پوری دستی وچ جیڑھا وی کوئی زری بھورا اوکوں جائز دا ہا اوی آن سو نہا تھی بیٹھا جو محمد مراد تاں اصلوں کولا بال ہئی ایہو کوئی یاراں بارہاں سالان داتے اے جیڑھا ہن د آن وڑے، بھاویں مراد ہے یا فضل اللہ، اے تاں نرا چھیلا ہے، کھبی بانہہ ارک کنوں کچی ہوئی، چٹیاں دی بجائے ادھ پیلے تے گنجڑے ہوئے والاں والی بغیر خط دی ڈاڑھی، دھوون دے باوجود تند میل کنوں ریخاں پگ وچوں باہر جھولدے چونڑیں، وڈے گھیر دی ڈھیر سارے ولاں والی بیٹھی ہوئے خاکی رنگ دی۔ لموار، تے اُتے ہوں رنگ دا چولا، پیراں وچ فوجی بوٹ تے اکھیں مسلسل جگارے کنوں پٹیاں ہویاں۔ شکلوں املک بہوش۔ لوکیں سمجھیا جو کوئی بھلیا چکیا افغانی کہیں و سری ہوئی سنگت دی گول وچ اے یا ول کوئی دہشت گرد کہیں واردات

کیتے ریکی کریندا دے پر جنیں ویلے اوکوں سرانیکی بولیندا ڈٹھونے تاں ویڑے تھی گئے جو اے جٹھول کتھوں آن لتھے۔

آکھن کوں تاں محمد مراد سدھا آپڑیں گھر ڈو گیا پر وستی دا نقشہ ای بدلیا ہویا ہا۔ کچے کوٹھیاں دی جاتے پکے مکان اُسرے کھڑے ہن دتے ڈھائی ترے دکاناں دے بزار وچ ہن توڑ تیں ونج وینڈر دکاناں ای دکاناں۔ اوکوں سمجھ ناں آندی پئی ہئی جو آپڑاں گھر گولے تاں کتھ گولے۔ فقیرے پولی دا گھر جتھ ہر ویلے اٹھ پتر اں تے ڈوں دھیاں دی چکیر باکڑ لگی راہندی ہئی، کنتے گیا۔ او ندے کنیں وچ آپنی ما بھاگ بھری دا کوکاراڑا ہن دی اوئیں دا اوئیں پوند ایسا ہا جیویں جو بالاں کنوں اختی تھی کراہیں او او ندے پو فقیرے دی چند کوں روندی ہئی۔ کیا کرے ہا، ہالی ہک بال دا چلہیانہ تھیندا تے ڈو جھاپیٹ وچ پئے ویندا۔ او شودی کرڑیندی کرڑیندی ہڈیاں دی مُٹھ تھی گئی پر او ند اپو پھیرا پاؤں توں باز آونا ہاتے نہ آیا۔

چوتھے بال توں بعد دائی صابلو فقیرے پاؤلی کوں کول بلہا سمجھایا جو ہن پنجواں بال تھیا تاں بھاگ بھری مرپوسی کیوں جو ایں واری بال تے او ندی جیر دے نال نال بچے دانی وی تلوں تھے کھسک تے اصلاں منہ وچ آگئی ہئی۔ پردائی صابلو دی چتا وئی دے باوجود جوان نے کم ہنگلی رکھیا تے گستری ڈاہ تے ونج کھڑا یوس۔ ڈاویں بال دے واری تاں بھاگ بھری مردے مردے پئی۔ بُت وچ رت دی پھینگ نہ رہی تاں چم نال مڑھیاں ہوئیاں ہڈیاں دے پنجر وچ ساہ کتھوں آوے ہا۔ بال وی جمیا تاں سوکڑے دیا ماریا تے بھاگ بھری وی پوری چو پھری بے ہوش تھئی رہی۔ دائی صابلو اُدھر بجی تاں ہسپتال نیون دا آکھ تے تلکن لگی پر فقیرے جھل گھدا۔

”کتھوں نیساں اکیوں میں ہسپتال! نہ پیسہ نہ لگا، ہن جو کر یسیس توں کر یسیس، مرن دی فکر نہ کر، مردی ہے تاں مرن ڈے، وٹے سلامت تاں رناں سے۔“

دائی صالو ڈٹھا جو بھجن دی جا کائے تاں ولدی جڑ دے بہہ تھئی پر طبیعت اوہلاں توہلاں، جوں  
جوں بھاگ بھری دے پیلے ڈڈامنہ کوڈید ہی تاں ہاں وات کوں آون لگ پوندا، پر کیا کریندی  
فقیر اپاؤلی عزرائیل وانگوں سرتے سوار ہا۔ اونے ہک واری ول تن ماریا۔

”گھر وچ کوئی شارک جتی سُتھرا گھيو ہوسی؟“

”بکھ کنوں ہنگن نی آندا تے دائی مائی سُتھرا گھيو منگدی اے۔“ فقیر از چکایا تھی کراہیں  
وڑ نیڈی تے پیراں بھرنے تھی بیٹھا۔

”ہک زمانہ ہا ساڈیاں تانیاں ڈینہہ رات چھکیاں راہندیاں ہن، فرصت نہ ملدی ہئی جو بندہ  
وٹو انزاں ای کر آوے، ہن جڈن دیاں اے وستی وچ مشینی لوماں لگن، پولیاں دی گالہہ ای  
کوئی نی سُنو دا، کڈ گئے تانزیاں تے کڈ گئے بانزیاں، سال دے سال ملک تے مخدوم صاحب بار  
وچوں خریت نہ کڈھن تاں پولیاں دا بیچار اُونیں ای اَلک کُرت تھی ونجے۔“

”فقیر یا! دیر تھیندی پئی اے، سُتھرے گھيو دی رتی بھوری وی مل پو وے ہاتاں ترو کڑی  
بزاکھ تاں ہاں بھل تھی پوندا، متاں اُٹھی پو وے۔“ دائی صالو نے ہک واری ول فقیرے کو  
ارداس کیتی پر اُونے سنی آن سنی کرتے ٹھک چھوڑیا۔ صالو ڈکھاری تھی تاں وین کرنے  
شروع کر ڈتوئیں۔

فضل اللہ لحظے کیتے محمد مراد بن گیا، چھی ست سالاں دا محمد مراد جیڑھا کھارے دے اُوڈھر تھی  
کراہیں سالہہ اندروں دائی صالو تے وین تے کو کیتی بیٹھا ہا۔ اوندے کنوں چار بھرا وڈے وی  
ہن پر سارے دے سارے چھو مار تے نم دے چھانورے تلے اوپرے بنزیاں بیٹھے  
ہن۔ مراد کوں سمجھ نہ آندی پئی ہئی جو اُوندا پو کیوں اُوندی ما کوں مارن چاہندے تے دائی  
صالو کوں کوں کیا آ پئی جو اُوندی ما کو جیندے جی رووے بیٹھی۔ او ایس گالہہ تے وی حیران ہا جو  
اوندی وڈے بھرا اوپرے کیوں بنزیاں بیٹھن۔ اَبے کنوں ڈردن یا مادامرن جیون اُناں  
کیتے مٹی دی مُٹھ اے۔ اُو بوا تھی تے کن سالہہ ڈولائی بیٹھا ہا جو بال تاں جمیں بھل اوند

رُواٹ کیوں نی آند اپیا! کتھائیں بال مو یا تاں نی جمیا؟ نویں جوڑ بال کوں مو یا سوچ تے پتانی  
 کیوں مراد کوں ایویں لگیا جو اناں دا اٹھ پہرا ٹکر کجھ بیا ونڈیجن تو بیچ گیا۔ پر لحظے لحظے بعد دانی  
 صابوں دے ابھرن والے وانناں وچوں کہیں کہیں ویل ہک نکی نکی کُوس کُوس تے مہین جے  
 رُواٹ نے مراد دی اے آس ترور چھوڑی، تازہ جایا بال، دھی ہایا پتر، ہالی جیندا ہا۔ کجھ کنوں  
 آئے خالی ڈکار نے مراد کوں ولدا فضل اللہ بنڑا کھڑا جیندی کجھ بیوی سال گزرن دے بعد  
 وی نہ مردی پئی ہئی۔ اُونے ایڈے اوڈے دید بھنوائی، چیتا رل گیا یا گھر ونجیا گیا، کجھ سمجھ نہ  
 آندی پئی ہئی۔

پوری وستی چودھار پھریا تاں بال اوندے پیچھوں لگ گئے۔ ”پٹھان ووئے پٹھان، پٹھان  
 ووئے پٹھان، تیزی کچھ وچ قران، توں وڈا بایان۔“ کجھ دیر تاں اُونے برداش کیتا پر جئیں  
 ویلے کجھ تے گرمی کنوں چھتا تھیا تاں بالاں ڈومنه کرتے کہیں عجیب جی زبان وچ ایس  
 طرحاں دھڑکا ون لگیا جیویں جو مندے کڈھیندا اپیا ہووے۔ بال ہک لحظے کیتے جھلیج تاں گئے  
 پر سمجھ نہ آندی پئی ہئی جو زبان کیہڑی ہے تے او اہدا کیا پے۔ بالاں کوں گنگ تھیا ڈٹھس توں  
 فضل اللہ کھل پیا۔ پشتو، دری تے روسی زبان دے رلوڑ مندے بھلا وستی پاؤلیاں دے بال  
 کتھوں سمجھدے۔ مراد کوں کھلدا ڈیکھ تے بال ولدے نروئے تھی گئے تے چھوٹیاں وڈیاں  
 بھکاں چاتے اوندے پاسے بھکا ون الگ پئے۔ ہک بال دے ہتھ پکار وڑا کیا آیا سدھا فضل اللہ  
 دے سر تے لگیا۔ پگ نال اتنا پچا تھیا جو زخم نہ تھیا پر روڑے دا دھک کوپر ہلا گیا۔ فضل اللہ نے  
 سر چھنڈ کیا تے کاوڑ کنوں چھتا تھی کراہیں ولدا محمد مراد بن گیا۔ سرائیکی وچ مندے آپ  
 کنوں آپے زبان وچوں نکلے تاں بال پہلے بوئے تھئے کہ اے پٹھان تاں کائنی پر جئیں ویلے  
 او کوں روڑے چنیدا ڈٹھونے تاں منٹ وچ ایڈے اوڈے جھج دھرک تے کھنڈ پٹنڈ گئے۔

سرتے لگے روڑے دے جچلانے او کوں بے حال کیتا تاں اُونے ہک چھانورے دی چھاں تلے  
 منڈھ نال ٹیک لاتے پگ لہا چھوڑی تے دھک آلی جا کوں ہتھ لاتے اوندی چوبھ تے ویڑھ

داندازہ لاؤن لگیا۔ دھک والی جانچ کراہیں چنگا بھلا بونیز ابن گئی تھی۔ اوکوں پیودی گھستی ہوئی  
ڈانگ دادھک یاد کیا آیا، فضل اللہ ہک واری ول محمد مراد بن گیا ہا۔ اوندے کنناں وچ ہک واری  
ول دانی صابو دیاں آر داساں ہن۔

ماکوں مرد اُسُن کراہیں اُو بزار ڈو بھیجا تے سدھا طیفے دی ہٹی تے وَنچ تے ساکن لگ پیا۔ طیفے دی لونئی تیلی دی دُکان بھاں بھاں کریندی پئی ہئی۔ طیفے مراد کوں دُٹھا تاں کھل پیا۔ ”وَل کیویں آون تھی گے میڈا مٹھا پتا سا! توں تاں آہدا ہاویں ہن اتھوں نیپسیں ای کونناں، کیویں میڈا مٹھا؟ آہدا ہاویں ناں!“

مراد نے جھون جھکی چاکیتی۔ ”ہک پاستھرا گھیو۔۔۔۔۔۔“

”سُتھرا گھیوتاں سے پر پیسے آندے نی!“ اُچی چوکی تے بیٹھا طیفانجھ اگوں تے سُر آیا۔

”اُدھارتے، میڈی مادی دوا۔۔۔۔۔۔“

”میڈی دواتوں چاکر، تیلڈی مادی دوا دابند و بست میں کر ڈینداں بلکہ ہن تک دی ساری اُدھار تے لیک پھیر ڈینداں، اندر آونج، ہٹی وچ، بزار سُنج تھئی پئی اے۔“

”میڈی ماہیوں بیمار اے۔“ مراد دیاں اکھیں وچ ارداس ہئی۔

”بیمارتاں میں وی بہوں ہاں میڈا مٹھا! حکیم آہدے پاؤلی دے چھو ہر دی ہک خوراک تے ول شفا ای شفا۔“ طیفّا گھ مارتے ہالی بیا کجھ آکھن دی کوشش کریندا ای پیا ہاپر اوں توں پہلے مراد نے اچا چیت دالیں والے بسپیاں تے پئی لوہے والی کنز جھی چاتے طیفے کوں بھکاویں ماری تے گھر ڈودھر وکڑی لا چھوڑئیں۔ گھر آتے اودانزیاں والی خالی پڑولی پچھوں لکد بیٹھا۔ ساہہ وچوں ہن نہ دائی صابو دے دیاں ارداساں ہن دتے نہ سجائے بال دے نکے نکے رنکار۔ ابا اوئیں دا اوئیں و نرینڈی تے بیٹھا اُدھارتے گھدے ہوئے لیمپ دے سگریٹ دے دھوئیں کوں ول ول توڑتیں اندر چھکن دی کوشش وچ ہا۔ ایس آن وچ بغیر در دروازے دے گھر

دے باہروں طیفے دکاندار دے بوکن دیاں آوازاں آون لگیاں جیڑھا جو و نکو و نک دے مندیاں  
نال فقیرے پاؤلی دے پورے خاندان کو لمبی ویندا ہا۔

کنز چھی طیفے دے متھے تے ایں طرحاں لگی جو ڈلیک تاں نہ پئی پر سبھے ہوئے چیر و چوں رت  
ضرور سمدی پئی ہئی۔ فقیرے پاؤلی نے مراد دی تاں کوئی گالہ نہ سُنزی پر تنور دی کڈڑیں  
نال مراد دیاں پسلیاں پاسے سُبّار کھیونس۔ ہک وار اُنک تے پلپیریں تے ونج لگیا تاں مراد چکر  
کھاندا ہو یا کیکر دیاں سُکیاں ڈھینگریاں تے ون ڈٹھا جیڑھیاں ردھے پکے واسطے مارتے چُنڈ  
وچ رکھیاں ہن۔ مراد ڈھینگریاں وچ ڈٹھا تاں لکر دے کڈے پورے بُت وچ لہہ  
گئے۔ مراد دیاں باکاں نکل گیاں۔ اوجوں چھی وانگ پتھکدا ہا کڈے بے وی و ہیر کریندے  
ہن۔ اے حال ڈیکھ تے فقیرے کوں تاں ترس نہ آیا پر طیفہ اُدھر تے کڈیری ڈوالریا تے  
روندے رڈ دے مراد کو باہر کڈھ آیا۔

فقیرا پاؤلی ول اُریا جو مراد کوں زپیڑ چاڑھے پر طیفہ سامنزیں آ گیا۔ ”مرن دی مارتاں ڈے  
چھوڑی ہن جانوں مر لیس کیا، چھوڑ ویندی کوں ویندی کر، میں ای چھوہر کوں ای معاف کیتا  
تے تیتا اُدھار دی، کجھ نہ آکھیں ہن ایکوں۔“ طیفے نے ویندے ویندے مراد کوں آپڑیں ہاں  
نال لاتا تے ول ڈوہائیں ہتھ اوندیاں گھباں تے پھیر تے متھے کوں چُچی گیا۔ فقیرے پاؤلی دے  
منہ تے تاں کھل آ گئی پر مراد کوں طیفے دے چُن دی چوبھ لکر دے کڈیاں کنوں ودھ  
درد ملی لگی۔ یو دی ماردی زپیڑ تے پورے بُت وچ لکر دے کڈیاں دے زہر دے باوجود  
اُونے اپڑیں متھے کوں ہتھ نال اُگھیا تے یو کوڈیدھے ہوئیں زمین تے تھک چھوڑیا جیڑھا ہن  
دی ول ول طیفے کنوں معافیاں منگدا پیا ہا۔

مراد ہک واری ول فضل اللہ بن گیا۔ ایڈی مند گزن دے باوجود نہ تاں اوندے بُت وچوں لکر  
دے کڈے نکلے ہن تے نہ طیفے دی اوند اُستھا چُن دی کریت مٹھی تھی ہئی۔ اُونے آپڑیں  
سرتے بنزیں بونیز تے ہتھ پھیریا تاں درد اُٹھر بجا ہو یا محسوس تھیا۔ فضل اللہ نے پگ ولدی

سرتے رکھی تے اکھیں کوں اتوہاں چاتے چھانورے کوڈ ٹھس، وُن اے دی نیم داہا۔ اوکوں  
بے اختیار آپڑیں گھروچ لگیا ہو یا نیم دا چھانوار یاد آ گیا۔ ایں تو پہلے جو اُو وِلدا فضل اللہ توں مراد  
بنزدا، اُو اُٹھی کھڑا تھیا۔ اوکوں آپڑاں گھر لبھڑاں ہا، آپڑیں بھیڑیں بھرا گولنزیں ہن، آپڑیں ما  
پُیو کوں وِلدے سروں نر ویا کرنا ہا، پُیو دے کھلے کھاوُن کیتے تے مادی جھولی وچ سر ڈے تے  
زو وُن کیتے تاں جوہاں تے پئی باری بھک پسیلی تھیوے، جیون جیون لگے وِلدے سروں  
جیون کیتے بھل پرے پرے توڑیں نہ تاں او ندے گھر دے کوئی آثار ہن تے نہ ای کوئی بیانم دا  
چھانوراجیڑھا اوکوں او ندے گھر تیں توڑ پُجاوے ہا۔



۱۹۷۸ء وچ سردار داؤد دی حکومت دے خلاف کمیونسٹ انقلاب دی کامیابی نال ای افغانستان وچ سیاسی بے چینی شروع تھی گئی۔ کیوں جو پاکستان تے ایران ڈوہیں امریکی اتحادی ہند ایس گاہوں نویں افغان حکومت کوں سیاسی تے جغرافیائی کلیسے توں بچاون کیتے سوویت یونین نے ۱۹۷۸ء وچ ای افغانستان نال دوستی داہک معاہدہ کر گھدا۔ افغانستان دی نویں حکومت تے اونداسوویت یونین نال معاہدہ بھلا امریکہ کوں کتھوں وارے آندا ہاجنناں دے درمیان سرد جنگ دی ہک لمبی تاریخ ہئی۔ ایس سانگے نویں افغان حکومت دے کمیونسٹ مہاند رے دے خلاف سرحدی علاقیاں وچ آباد قبائل دے مذہبی جذبات دا بھائیڑ بھڑکا اسلامی جہاد دی بنیاد رکھی گئی جیندے وچ شہری و سبیاں دے لوک وی شامل تھیندے گئے۔ معاملہ بیا بکھیا تاں ۱۹۷۹ء وچ صدر نور محمد ترکئی توں بعد حفیظ اللہ امین کوں گھن آندا گیا تے اوندی امداد کیتے افغان روس دوستی معاہدے دے تحت تربہ ہزار روسی فوج وی ۲۴ دسمبر ۱۹۷۹ء کوں کابل بھیج ڈتی گئی۔ کم نہ بنڑیا تاں ترے مہینیاں بعد حفیظ اللہ امین کوں ویندا کرتے حکومت ببرک کارمل کوں ڈے ڈتی گئی۔ دنیا تے حاکمیت دی امریکہ تے روس دی پرانی خواہش کوں افغانستان دا میدان ملیتاں امریکی اتحاد دے ملکاں دے میڈیا نے ایکوں اسلام تے کفر دی جنگ بنڑاؤتا۔

ہر جنگ طرحاں ایں جنگ کوں وی آپڑیں لبے اُچیرے رکھن کیتے بل چاہیدا ہا انساناں دی صورت۔ افغانستان وچ اے بل تھڑیا تاں جنگ دے وپاریاں نے ہر اُوں ملک وچ آپڑیں ہر کارے بھجائے جتھہ بکھ ننگ ای پکھیری اتے آبادی وی زیادہ۔ ایہو جے ملکاں وچ جیون توں آکے ہوئے لوکیں کوں مرن دا بہانہ چاہیدا ہوندے تے جے مرن توں پہلے رنج ٹکروی نصیب تھی ونجے تاں باقی دی بکھ دا آسرا اگلے جہان دے وعدیاں تے ہوندے۔ پاکستان وچ ایہو جے لوک سوائے سرائیکی وسیب دے بیا کتھ ہوسن جتھہ کھاون کوں روٹی ہووے یا نہ ہووے پر تریہہ سال دی عمر اں توڑیں بال ڈاڈا تھی ویندن۔ اے بال آپڑیں نال آپڑاں بلین گھن تے نی آندے بلکہ جمیاں آپڑیاں سبھیاں محرومیاں سمیت انسانی وسائل داکم ڈیندن جتھہ اُنّاں دا استعمال تے استحصال مایہوای کریندن۔

کجھ عرصے توڑیں افغانستان دے مقامی مجاہدین نے پیپلز ڈیموکریٹک پارٹی دی حکومت کو چنگی بستی ڈتی پر جنیں ویلے ببرک کارمل دی حکومت دی امداد کیتے پہلے توں موجود روسی فوجاں دی تعداد تریہہ ہزار توں ہک لکھ تھی گئی تاں ۱۹۸۲ء وچ ۲۸ لکھ افغان مہاجر پاکستان تے ۱۵ لکھ ایران ٹر گئے۔ اناں حالات وچ امریکی فتح تے روسی شکست واسطے ضروری تھی گیا جو روسی فوجاں نال دُوبدودی بجائے گوریل جنگ کیتی ونجے۔ چونکہ پہلے توں نارگٹ کیتے گئے انسانی خریداری دے مرکز ہالی بنزدے جُزدے ودے ہن لہذا اُنھوں دی بجائے آپڑیں حمایتی ملکاں وچوں ہر اُو بندہ کٹھا کرتے افغانستان پُجاؤ تا گیا جیڑھا آپڑیں ملک وچ حشر تپائی کھڑا ہا پر گالہہ بنی ناں جو اناں تاں پکھیرے لڑاکیاں کیتے آپنی جند بچاون اوّل ہا، کچی بھونی واسطے تاں آڑ بنگ چاہیدے ہن، موت حیاتی دی وچلی لکیر توں انجان، اُن سونے۔ جیندے ہن تاں جیندے ہن، مر گئے تاں کیوں یاد۔

انّاں ڈہناں ہک پاکستانی جم پل شیخ الفیہ باہر لے ملکوں ڈھگ سارے ڈالر، ڈھگ سارے ریال چاتے آیا تے مظفر گڑھ، ملتان توں لاتے رحیم یار خان توڑیں ہر اُوں دیہات وچ مدرسہ تے

سمیت بنزوان دے ناں تے کرنسی و ہیر کر چھوڑی کہ جتھ غربت وی ڈھیر تے ہر گھر وچ  
 بالاں دے آجڑای آجڑ۔ ایس اسکیم دے تحت جلال پور دی وستی پاؤلیاں وچ مدرسہ حمیدیہ دالیرا  
 بدھیا گیا۔ ڈیدھے ای ڈیدھے پہلے توں موجود کچی سمیت پکی تھی تے اُس رنگی، پڑچھیاں دی جا  
 تے قالیناں وچھ گیاں تے بجلی والے پکھیاں دے نال نال اے سی وی لگ گئے۔ مدرسے دی  
 عمارت بنی تاں ایندے متہم مولوی عبدالحنان داترے کمریاں دا پکا مکان وی تعمیر تھی  
 گیا۔ مدرسہ کیا ہا کئی ایکڑاں وچ بنزیا ہو یا پورا حویل ہا جیندیاں کندھاں قلعے طرحاں اُچیاں تے  
 ہر ٹکرتے بُرجی، بُرجی وی ایڈی چوڑی جو ترے بندے کھلے بہہ کراہیں ہر پاسے نگاہ رکھ سگن  
 ۔ مدرسے داکو وڈا دروازہ وی کندھاں دے حساب نال اُچا اُسار یا گیا جیڑھا چوی گھنٹے بند راہندا  
 ۔ بس آندیاں ویندیاں کیسے ہک چھوٹی جی طاقی آندر ڈو کھل دی تے بالاں دے مایو اُتھائیں نال  
 بنزے ہوئے ہک چھوٹے جے کمرے وچ ملاقات کر گھندے، آندر و نجن دی اجازت کہیں  
 کون نہ ہئی۔ مدرسے وچ داخل تھے ہوئے بال وی جڈاں دے داخل تھے ہن، باہروں نہ  
 نکلتے ہن۔ مایو کون وی کیا فکر، اُلٹا جان چھٹی پئی ہئی تے مہینے دے پنجاہ روپے اتر مل ویندے  
 ہن۔

مولوی عبدالحنان کون ہک سال وچ سو بال مدرسے وچ داخل کرن دانارگٹ ڈٹا گیا ہا لیکن  
 اُونے سَت آٹھ مہینیاں وچ ای ہک سو چالی داخل کر ڈکھائے۔ اناں ہک سو چالیہاں وچ محمد  
 مراد سمیت فقیرے پاؤلی دے بیچ پتروں شامل ہن۔ ڈاھ بالاں وچوں ادھیاں داروٹی مانی تے  
 کپڑے لٹے دا خرچہ گھٹیا تاں فقیرے کجھ ساہنیا پر سکھ داساہ تاں اُون ویلے نکلتا جڈاں جو ہر  
 مہینے اڈھائی سو روپے وی اوندے کھیسے وچ پوون لگے۔ پنجاہ روپے فی بال وظیفہ ہا جیڑھا اُو  
 اتوں اتوں مولوی صاحب کنوں گھن آندا ہا۔ اے گاہہ بنی جو اوند اا نگھوٹھا بیچ سو روپے دی  
 وصولی تے لوایا ویندا۔ فقیرے کوشش کیتی جو اوندے باقی بیچ بالاں وچوں ترے کون وی  
 مدرسے وچ داخلہ مل ونجے جیڑھے کجھ کجھ سیانزیں تھی گے ہن پر مولوی عبدالحنان صاف

جواب ڈے ڈتا۔ اوندے مطابق ڈاھ سال توں وڈی عمر اں دابال ای مدرسے داخل تھی سگدا ہا، اوں توں گھٹ کا نہا۔ فقیرے دی اے مستدوی نہ منی گئی جو باقی دے بالاں دیاں عمر اں وڈیاں لکھ چھوڑیجن کیوں جو مولوی کوں ڈر ہاکہ کہیں ویلے ای گرانٹ آلے مارکہ اچاچیت آن وڑے تاں اوندی نوکری دا کیا بنڑی۔

مدرسہ وی بن گیا تے مسیت وی۔ طالب وی آکھی گئی تعداد کنوں وڈھ مدرسے داخل تھی گئے پر ہالی توڑیں حکم مطابق روز دی رپورٹ گھنن کیتے ٹیلی فون دی شرط پوری نہ تھیندی پئی ہئی۔ ہک تاں دیہات وچ فون لو اوں اوکھا جو نہ اتھ ٹیلی فون دا کھباتے نہ کوئی تار۔ ڈو جھا خود متہم مولوی عبدالحنان وی نہ چاہندا ہا جو مدرسے وچ ٹیلی فون لگے۔ ایویں روز خواخواہ دی بچھہ پریتیت توں جان ویندی ہئی۔ ول وی محکمے کوں درخواست وی ڈے آیتے مزید تاکید دے طور تے وفاقی وزیر مذہبی امور نال اسلام آباد ملاقات وی کر آیا لیکن شیخ الفہد داتا کیدی خط ہر ڈوجھے ہفتے آئی ویندا۔

ہک جیہاڑے اچانک خبر آئی جو گرانٹ ڈیون والے ملکہ توں ہک بہوں وڈے عالم پاکستان دے دورے تے آندے پن۔ مدرسہ حمیدیہ دے مولوی عبدالحنان سمیت وسیب وچ کھولے گئے اسی مدرسیاں دے متہم صاحبان داساہ سک گیا جو ہن تاں مدرسیاں دامعائہ وی تھیں تے آڈٹ وی، کوئی ڈھل گس نکل آئی تاں سارا حق حساب ڈیونڑاں پوسی۔ سب توں وڈا مسئلہ ٹیلی فون نہ لگن دا ہا۔ ایس مد وچ ڈتی گئی چنگی بھلی رقم تاراں سودھی کئی کھبے لاؤن کیتے سے ہی پر ہن تئیں تاراں لگیاں تے نہ کھبے تے نہ ای ٹیلی فون۔

مدرسیاں دے متہم مولویاں نے اُکی ویندی ڈیکھ تے کنڈھ پُولی کیتی تے آپڑیاں آپڑیاں علاقیاں دے ڈویژنل انجینئر ٹیلی فون دے دفتراں وچ گوڈے نواتے بہہ گئے جو ٹیلی فون لگسی تاں ول اٹھسوں۔ محکمے دا جواب وی آپڑیں جادل کوں لگدا ہا جو جتھ نہ ڈیناں تے نہ پیر اتھ نویں ڈویلپمنٹ اسکیم دے فنڈ آون توں پہلے فون لگے تاں کیتھوں لگے۔ مولویاں دا تقاضا

زندگی موت دامنہ بنزیاں گالہ اے کی جو ہک ہک گھنچ گھن کر اہیں محکمہ نزدیکی کاٹن  
 فیکٹریاں دے نمبر ترے ڈیہناں کیتے بند کرتے اناں دے پیر توں تار چھک کر اہیں فون  
 مدرسیاں وچ لاتے چالو کر ڈیے، ہک واری عالم صاحب دادورہ بھگت گیاں ول نویں اسکیم  
 دے آون تک ڈٹھی ویسی۔ مولوی ٹھہ گئے تاں مدرسیاں وچ ٹیلی فون دا گھنٹیاں کھڑکن لگ  
 پیا۔ اوڈے محکمہ دے افسراں نے وی ہنگ پھٹکڑی لاتے بغیر اتنا کما گھدا جو سبھے پرائیاں تھی  
 گیاں۔

گرانٹ ڈیون والے ملک دے وڈے عالم دے دورے تے سرکاری پروٹوکول دے آرڈر  
 آئے تاں اناں مدرسیاں دے متہم مولوی صاحبان دی دھج آج بنزں گئی۔ عالم صاحب دے  
 دورے توں پہلے اے سی، ڈپٹی کمشنر تے کمشنر دے دوریاں نے مولوی عبدالحنان دی  
 ستھڑن تے مائے داکم کیتا۔ جتھ پٹواری گالہ نہ سُنڑ داہا اتھ تحصیلدار دی ڈیوٹی لگ گئی جو عالم  
 صاحب دے دورے تک مدرسے تے ڈیوٹی کر لسی تے کھاؤن پیون دے شایان شان  
 انتظامات توں علاوہ اوسارے کھنڈے ودھدے بند و بست ای مد پٹواریاں وچوں کر چھوڑ لسی  
 جیڑھے مولوی عبدالحنان نہ کر سگیا ہا۔ سبھی بھٹریڑ دے باوجود مولوی عبدالحنان یڑ ویلیاں  
 وٹینداؤ داہا جو سرکاری پروٹوکول دے آرڈر ڈو ڈیہنہ پہلے آویندے تاں ٹیلی فون لو آون کیتے  
 لگھ روپیہ تاں نہ ڈیونڑاں پوندا۔ کاوڑتاں اوکوں موضع دے پٹواری تے پولیس چوکی دے  
 انچارج افضل اے ایس آئی تے وی ہئی جیڑھے مدرسے تے مسیت دی تعمیر دے دوران  
 اوکوں کئی حیلیاں بہانیاں نال زچ کیتی رکھیندے ہن پر ہن دوستی پاؤلیاں دے ذیلدار کنوں  
 لاتے حوالدار پٹواری توڑیں سب کوں کند تھی گئے جو مولوی دی پہنچ تاں اوں جاتیں اے  
 جتھ ہر کوئی سر نہوا کھڑدے۔

مولوی عبدالحنان دی ہوا بنی تاں مدرسے وچ داخل تھئے بالاں دے مایو دی ہوا وی خواخواہ  
 بنزں گئی۔ اناں کیتے ایہو گالہ ای ماؤن دی کاناہی جونیک جاتوں آئے ایڈے وڈے عالم دی

سرپرستی وچ اُناں دے بال حافظ بن کراہیں آخرت وچ اُناں دی بخشش دا سَوَب  
 بنزں۔ جیڑھے عالم کوں دنیا ہزاراں روپے خرچ کرتے ایڈاپرے ڈیکھن ویندی ہئی اُو خود تُو  
 تے اُناں دے بالاں دے سراں تے ہتھ رکھن آگئے۔ ایں موقع تے اُو سبھے لوک  
 منجھارے تھی آپڑیں آپ کوں بد قسمت سمجھدے پئے ہن کہ جنساں نے مولوی  
 عبدالحنان دے وَل وَل آکھن دے باوجود آپڑیں بالاں کوں مدرسے داخل نہ کیتا ہا۔

عالم صاحب دورے تے آئے تاں اُناں دے نال ویسی و سَنیک تے ہن گرانٹ ڈیون والے  
 ملک دے شیخ الفقه مولانا عبد القدیر تے ڈوں ترے بے اصحاب وی ہن۔ مدرسے دے  
 اندرونی حصے وچ داخلے ویلے کمشنر، ڈپٹی کمشنر، ڈی آئی جی تے ایں ایس پی توں علاوہ انتظامیہ  
 دے بے افسراں نے حضرت صاحب دے نال و نجن دی کوشش کیتی پر اُناں کوں باہر لے  
 حصے وچ ای روک ڈتا گیا کہ جتھ بالاں دی ملاقات اُناں دے مایو نال کرائی ویندی ہئی۔  
 وڈے افسراں نے بہوں وٹ کھاد اپر اُنوں آرڈر ایہو ہاجو جیویں حضرت صاحب دا عملہ آکھے،  
 اُوئیں کرنے۔

حضرت صاحب نے اندر لے حصے وچ کافی دیر توں انتظار کریندے طالباء دی ڈسی ہوئی تعداد  
 کوں ڈٹھاتاں چہرے تے اطمینان دار نگ بگھن لگ پیا۔ نویاں سیتیاں ہوئیاں وردیاں تے  
 سرتے لاتھی گول ٹوپی اُتے چار خانیاں والے رومال نے طالباء کوں سجا سنوارتاں کھڑایا پر  
 جنیں ویلے حضرت صاحب نے بالاں دی جسمانی کثرت، نیزہ بازی تے گھڑ سواری بارے  
 بچھیا تاں مولوی عبدالحنان داوات پٹیا دا پیارہ گیا۔ اُو نے شیخ الفقه دے منہ ڈوڈٹھاپر اُتھ کر وی  
 کوئی خیر دی خبر نہ ہئی۔ اُو نے سر نہواتے گالہہ بنزوان دی کوشش کیتی پر بن نہ سکی۔ کجھ دیر  
 دی نراضگی توں بعد مولوی عبدالحنان کوں ایں یقین دہانی تے ہک موقع بیا ملیا جو مذہبی تعلیم  
 دے نال نال اِنساں طالباء کوں ہر قسم دی جسمانی ورزش نال اتنا چُست تے سخت جان بنزاں  
 ڈتاؤنجے جو جہاد تے بھیجن دی صورت وچ اے دُشمن کنوں ہینزیں نہ پوون۔

جتھ خیر دی خبر اے ہئی جو ویندے ویندے حضرت عالم صاحب نے مدرسے دی سالانہ گرانٹ وچ چنگا بھلاؤ دھارا کر ڈتا اتھ مولوی عبدالحنان کیتے پریشانی اے وی ہئی جو صوبائی سطح تے ہک مقامی حضرت صاحب کول ایس علاقے دے سبھے مدرسیاں دا نگران مقرر کر ڈتا گیا ہاجینے بغیر اطلاع ڈتے اتھوں دے دورے وی کرنے ہن تے بچھہ پر تیت وی۔ ضابطہ اے وی لاگو تھیا جو کوئی وی متہم پنج ہزار روپے توں ودھ دی رقم نگران دی منظوری کنوں بغیر کوئی نا خرچ کر سگسی۔ ایندے باوجود حضرت صاحب دادورہ وستی پاؤلیاں دے مولوی عبدالحنان کیتے ایس لحاظ نال سودمند ریہا جو نہ صرف انتظامی افسراں نال اوندی رس پت جڑ گئی بلکہ سماجی طور تے وی ہک بکڑے پن ملا دے ناں نال مشہور شخص مقامی یونین کونسل دے چیئرمین کنوں ای ودھ حیثیت دا تھی بیٹھا۔ باقی دا ہنر او خود جائز دا ہا جو ایس سماجی حیثیت کول سیاسی اثر رسوخ وچ کیویں بدلنے۔ تہوں آندیاں ڈیہناں وچ ضلع دی انتظامیہ طرفوں اوہراں کمیٹی دا ممبر یا چیئرمین نامزد تھیون لگ گیا جتھ سیاسی تے مذہبی رواداری یا امن امان دے معاملات طے تھیندے ہن۔ گالہہ اوں ویلے ٹھکی جڈا جو او مولوی عبدالحنان تو مولانا عبدالحنان تھی کراہیں صوبے دی رویت ہلال کمیٹی دا ممبر بن تے اوندے پروٹوکول دی چس چاون لگیا۔



محمد مراد کوں آپڑاں گھرتاں نہ لہجیا پر اُونے مدرسہ حمید یہ گول گھدا۔ لیکن ہن دے اُو مدرسہ حمید یہ نہ رہیا بلکہ مدرسہ رحمانیہ تھی چکیا ہا۔ مدرسے دیاں کندھاں وی دریشی توں بعد پنج پنچ فٹ پنچ ریہاں تے ایندا قلعہ نما دروازہ وی لوہے دے چھوٹے جیسے پنچ فٹ اُچے تے ڈاھ فٹ موکلے گیٹ وچ تبدیل تھی چکیا ہا جیڑھا چوٹی گھنٹے بند راہون دی بجائے ہن دی پھانک تھیایا ہا۔

اُو کافی دیر تیں گیٹ دے باہروں کھڑا رہیا۔ اُو کوں سمجھ نہ آندی پئی ہئی جو ایندے اندر محمد مراد بن تے ونجے یا فضل اللہ بن تے۔ کافی دیر تیں چیتا گردان ای ریہاتاں اُو چپ کرتے اندر وڑ گیا۔ گیٹ دے اندر وی کوئی نہ ہا جیڑھا اُو کوں ہٹکے ہا۔ اُونے محمد مراد بن تے سبجے کھجے ڈٹھا، ملاقات دا کمرہ اُوکیں دا اُوکیں ہا۔ اوندے وچ وچھے ہوئے پڑتھجھے ڈیکھ تے اُو کوں آپڑیں مایو یاد آگئے جیڑھے ملاقات کیتے اتھائیں آن باہندے ہن۔ اُو کوں آپڑیں پیو دیاں اکھیں وچ کدھائیں وی آپڑیں کیتے مونجھ یا لین دی سکد نظر نہ آئی ہئی۔ اُو صرف مدرسے طرفوں لین والے وظیفے دی چھک تے آندا ہا جنیں ویلے جو اوندی ما بھاگ بھری آون سیتی اُو کوں ہاں نال لیندی، بھاکل پیندی، منہ متھا جھیندی تے ونجن تیں اوندے منہ ڈو تر تر ڈیدھی راہندی۔ ہڈیاں دی مٹھ تھئی بھاگ بھری تھوڑا جیڑدی تے ولدی ساکن بہہ راہندی جو وجود وچ ساہ

ای کاٹا ہا۔ ڈاھواں بال جمیندی اونیچ تاں پئی ہئی پر کہیں مہینے کھڑے توں اٹھن جوگی نہ رہ گئی۔ ایں حالت وچ ای اوند اپیو سارا ڈینہ اوندی چند کول پٹیندا رہندا جو چندری زن کھٹتے آہلی پئی اے تے ردھن پکاؤن اچ موت پوندی نس۔ پر اوندے وچ ساہ ہووے ہاتاں اٹھے ہا۔ چھی مہینیاں توں بعد ایویں ذری جتی ساہ پٹئیں، کھڑے توں پیر ایویں بھونئیں تے لون دی دیر ہئی جو فقیرے نے اوندے مرن جیون دی پروا کیتے بغیر اوکوں یار ہویں پھیری ول گبھن کر کھڑایا۔

سکیاں چنگماں تے گھڑے جیڈا ڈھ چاتے او جئیں ویلے وی ملاقات توں بعد مدرسے وچوں و نجرں لگدی تاں اکھیں اکھیں وچ اوکوں ایویں مکیندی جیویں آندی ملاقات توڑیں اوکوں پتر دی شکل ولاڈیکھن دا یقین نہ ہووے۔ کیا خبر جیسے کہ مرے۔ پودے ابھرتے مادا صبر ڈیکھ تے مراد اول کریندا جو کڈہائیں تاں او ایں ظالم دا گانا بھن جو گا تھی راہی۔ اوئیں تاں مراد کون وڈے اوندے چار بھرا بنے وی مدرسے وچ داخل تھے ہن پر ماوندی چھڑا مراد کوں ای ہاں نال لا باہندی بھادیں ایں گالہوں جو اے اناں سبھرائیں کون نکڑا ہا۔ بھادیں اے گالہوں جو پورے جھگے وچ مراد ای اوندی خبر گیری کریندا ہا، جئیں و بھگے لگدا اوندے پیر گھٹن آن باہندا، کپڑے دھوپویندا تے اناں روٹیاں وی تھپ رکھیندا ہا۔ مراد دے مدرسے داخل تھیون نال جتھ فقیرے دا جھگاڑ لیا اتھ جھگے توں ودھ اوندی مابھاگ بھری رل گئی۔

باہروں آئے وڈے عالم صاحب دے دورے کوں ہالی مہینہ سوا مہینہ ای گزریا ہو سی جو مراد تے اوندے بھرانواں کوں خبر تھی جو اناں دی مایا ہواں بال جمیندی مر گئی اے۔ اے خبر ای مدرسے اوں ویلے پہنچی جڈاں جو اوندی ما کوں گزرے چار ڈینہ تھی گے ہن۔ قل کندھانی کیا تھیونی ہئی شودی کوں پورن دے بعد کچی قبر تے کہیں نے پانی دا ترکاوی نہ کیتا۔ فقیرے پاؤلی اتناوی نہ کیتا جو اناں پتراں کوں موئی مادی شکل ڈکھاڈیوے ہاجناں دے وظیفے

دی کمائی خود کلہا، بکلی ویندا ہا۔ موئی مادائُن تے مراد دے باقی بھرتاں ایویں اوپرے تھی ریے جیویں جو مرن والی اُنّاں دی مائی نہ ہئی۔ شاید اُو اُنّاں واسطے اُنّاں ڈینہاں ای مر گئی ہئی جڈاں جو ہک دے بعد ہک نواں بال جماون دے عذاب وِچ اوکوں سُرت ای نہ رہ گئی جو اُنّاں دادھیان رکھ سکے ہا۔ اوکوں یاد رکھن دا ہوش کتھر رہیا ہا جو پیٹ وِچ پے بال توں پہلے وی کوئی بے روندے رڑ دے، گلوں منجھوں ننگے، بکھ کنوں کُوس کُوس کریندے تے آپڑیں ای گھوں متر نال لمبرے ہوئے بال جمائی ووی ہئی۔ چارے وڈے پتراں دے چیتے وِچ شئیت مہربان مادا کوئی بچھاواں بنڑیاں ای کاٹنا ہا۔ اُنّاں کوں تاں شئیت مادے وجود دی اُوں گرمائش دا احساس ای کاٹنا تھیا ہوسی جیڑھا آپڑیں بالاں کیتے پالے وِچ سیک تے ہنڈلے وِچ ٹھڈی ہیل بن ویندے۔ بکھ تے بیماریاں دی ماری ہوئی عورت جیڑھی آپڑیں آپ کنوں ای آواز ہووے آپڑیں آپ کوں سنبھالے یا بالاں دی گلید کوں سنبھالے۔ ایں تے اُتر وِ تھ پُجو دے اُوں وجود نے کر ڈکھائی جیڑھا جو صرف جھنڑاں کاں، دھکے دھوڑے تے لٹر پو لے واسطے ای گھر وڑ دا ہا۔ اُتھ کر کہیں وی بال کیتے مایو دا ہوون یا نہ ہوون بھلا ہک برابر تھیوے ہا یا نہ تھوے ہا۔

پر چارے وڈیاں توں ہسٹ کر اہیں مراد پتہ نی کیندے اُتے گیا ہا۔ تھئی تاں ہوندے نال ای اُوہو جیڑھی اوندے توں وڈے چار بالاں نال تھئی پر اے بھراواں کنوں کُٹھجی دے باوجود ای اُنّاں دا پاند نہ چھوڑیندا۔ مادا کھلا بُجا آج پر مجال اے بال پاسا مار پسیدا تھیوے اُلٹا جھولی وِچ سر ڈے تے کہیں وی چیک باک تو بغیر ہنجوں دھاوے ہاپیا۔ پُجو آوے ہاتاں اوندی ز پیڑ آج چیندا جیڑھا گالہہ گالہہ تے گچی وِچ ہتھ پاء، کئی کئی دیر اُتوں تے لڑکا کھڑیندا ہا۔ پھٹک پھٹک تے نِکے جنے بال دے آہنے باہروں آو بندے پر وِل وی اُو پُجو دی سر ہاندی تھیار اہوے ہا جو کہیں ویلے تاں آپڑیں گڑ والی تھیلی وِچ زری بھورا گڑ دا اوندی زبان تے وی رکھ چھوڑیسی جیڑھا جو اُو حقہ بکھاوون ویلے تماخو وِچ رلیندا ہا۔ نکی جنی چند دا اے ورتا وڈیکھ کر اہیں

فقیرے دے ہاں کون تاں کجھ تھیانہ تھیپر بھاگ بھری دے ہاں کون ابجھاہتھ پیا جو آپ  
کنوں آپے اوندے کیتے جاوِلی تھیندی گئی۔ مراد چھی ست سالاں دیا تھیانہ بھاگ بھری  
فقیرے دے کھلے بچے کنوں ڈکھاری تھی تے اوندے نال ایویں گل گچی لگ تے روندی  
جیویں کوئی دھی ماں کو ڈکھ سُنزیندی اے۔ عجیب طرحاں دی جابزائی ہے مراد نے مادے  
دل وچ، ہک ویلے اوند اپو وی ہاتے ماوی، بھین وی ہئی تے بھراوی، پُتر وی ہئی تے سہیلی  
وی۔ مدرسے اُونیں تاں بھاگ بھری دے پنج پُتر داخل تھئے پر مراد دے گھر وچ نہ راہون نال  
اُوکوں ایویں لگیا جو جمل جہان وچ اُوکا کھی رہ گئی ہے۔ اَمَلک بے آسراتے بے وسیلہ۔ تہوں اُو  
مہینے دے ڈکھ آپڑیں سینے وچ لکا کر ایہیں جئیں ویلے پُتر اُن دی ملاقات کون ویندی تاں مراد  
کون اِس کیتے ہاں نال لا باہندی جو اوندے کچھ آکھے بغیر، اوندیاں اکھیں وچ تردیاں ہوئیاں  
ہنجواں کون ڈٹھے بغیر اومادے ہاں دی ہواڑ کون محسوس کر سگسی۔

مراد وی مادے مرن توں بعد اُون تانگھ کنوں ای محروم تھی گیا جیندی تڈتے اُو آپڑیں منشا دے  
خلاف اتھ مدرسے داخل تھیایا ہا۔ شروع شروع وچ تاں اے آس وی ہئی پئی جو پنج بھرانوں  
دے وظیفیاں دے پُودے کھیسے وچ و نجن توں بعد شاید سکھ داساہ اوندی ماکوں ای آوے پر  
جئیں ویلے اے پتہ لگیا جو وظیفیاں دے پیسے فقیر اپاؤلی لکڑ لڑوان تے خرچ کر ڈیندے تاں  
مراد کیتے دنیا دی سب توں وڈی خوشی مہینے دے مہینے ماکوں ڈیکھن تے اوندے نال جڑ باہون  
دی سکھ تیں سُنکڑتے رہ گئی۔ ماکوں ڈیکھن تے اوندے ہوؤن کون محسوس کرن دی تانگھ نہ  
رہی تاں مراد نے اللہ نال وی رُسیماں پاگھدا۔ مدرسے وچ باجماعت نماز دی پابندی ہئی پر اُو  
عین نماز ویلے طہارت خانے وڑ ویندیا ایڈے اڈے اِس طرحاں اُوڈھر تھیندا جو قاری  
صاحب کون نہ تاں پتہ لگے تے نہ اُنات تیں کوئی بئی خبر پہنچے۔ مدرسے وچ نماز دانہ پڑھنا بھلا  
کیویں لگیا رہ سگدا ہا۔ خود اوندے وڈے بھرا صدیق نے اوندی شکایت قاری صاحب تک پہنچا  
ڈتی۔

قاری صاحب نے پہلی سزا ایہودی جو گکڑ بنڑا چیل اُتے پانی دا بھریا ہو یا گھڑار کھا چھوڑیا۔ مراد سختی دی تاب نہ گھن آیا تے چیل ٹوٹے تھیون لگی تاں ایں طرحاں اُچا جھکیا تھیا جو پانی والا نواں کورا گھڑا فرش تھے ٹھے تھی کر اہیں ٹوٹے ٹوٹے تھی گیا۔ قاری صاحب دی کاوڑ کون ہن بھلا کون جھلے۔ گالہہ متہم مولانا عبدالحمنان توڑیں پہنچ گئی۔ مراد کون جُلان لاتے ہک حجرے وچ ڈھک ڈتا گیا۔ نماز پڑھاؤن کیتے ڈوں تگڑے طالب اُوکوں جماعت ویلے حجرے وچوں کڈھ آندے تے جماعت تھیون توں بعد اُوکوں وُلدا حجرے پُچا ڈتا ویندا۔ پیراں وچ جُلا ناں بچھوں مراد کون چھیکڑی صف وچ کھڑا کیتا ویندا پر پہلے ڈینہہ ای ڈوں نمازاں توں بعد عشا دی نماز دے فرضاں دے وچ ای اُونے اللہ جائزیں بہانہ کیتا یا سئی سچ، کھڑا کھڑا صف تے زڑپ تھیا۔ سچ کھے کھڑے طالباں نے سلام پھیریا تے اوکوں اُٹھاؤن لگے پر لگیا ایویں جو اُو بے ہوش تھی گے۔

قاری صاحب دعامنگ فارغ تھئے تے ہالی سُنٹاں کیتے کھڑے تھی کر اہیں نیت کریندے ای پے ہن جو اُناں کوں مراد دی حرکت دی اطلاع ملی۔ قاری صاحب دے آکھن تے اوکوں صف توں چاتے پکے فرش تے لٹا کر اہیں پانی دے چھنڈے منہ تے مارے گئے۔ مراد نہ پُھر کیا تاں پانی دی بھری ہوئی بالٹی اُوندے منہ تے ناساں اُتے اُچی دھار بنڑاتے دھاڑتی گئی۔ مراد داسا ہٹارے وات آیا تاں پھڑک تے اُٹھی بیٹھا۔ بس اُوندا اُٹھن ہا جو قاری صاحب دے اشارے تے چار پنچ تگڑے طالباں نے مراد کوں تَنگیاں ٹولی چاتا تے پچھلے حجرے دے سامٹیں موندھا لٹاتے ٹالسی دیاں چھمکاں نال اوندے پُتڑاں کوں ایں طرحاں پنجیا گیا جیویں جو پنجیرا دستی پیٹنے تے کپاہہ نہیندے۔ سنی سُنٹھڑاں تے مہین چھمکاں دی پنجائڑ نے سُنٹھڑاں کوں تاں چچھرے چچھرے کیتا پر اوندے نال نال مراد دے پُتڑاں توں وی رت دیاں پھینگاں سمن لگ پیاں۔ ایندے باوجود مراد دے منہ وچوں نہ تو کوئی بلارا نکلیا تے نہ کوئی دھاڑ پٹ یا کُکار اڑا۔ چھوہرنے ڈند جھپیرا صلوں سریر چائیکاٹی۔ مجال اے کیتھائیں کوئی اُف دی گنجائش

بنی ہووے۔ طالبان جنیں ویلے ڈٹھا جو مرن دی ایڈی مارتوں بعد ہن کجھہ بیا کیتا تاں کتھائیں  
سرے نہ چڑھے تاں قاری صاحب دی اجازت نال مراد کوں چاتے ولدا حجرے وچ سٹ ڈتا  
گیا۔

ایں ساری گزری وہانی تے جے کوئی خوش ہن تاں مراد دے چارے بھرا۔ اُنّاں کوں چس  
تاں نہ آئی پر جو کجھ محسوس تھیا او چس کنوں گھٹ نہ ہا۔ ایویں لگیا جو اُنّاں کوں اُنّاں ساریاں  
محر میاں دا ولدا مل گئے جیڑھیاں اُنّاں دی مانے اُنّاں کوں آپڑیں کنوں پرے تے مراد کوں  
نیڑے کرتے پیدا کیتیاں ہن۔ او چارے عجیب جی کیفیت وچوں گزر دے پے ہن کہ جتھ  
کوئی رشتہ اُنّاں کیتے کوئی رشتہ نہ ریہا ہا، نہ مانہ پوتے نہ ای مراد سمیت کوئی بھین بھرا۔ کہیں  
دامرن کہیں داجیون، کہیں دی خوشی کہیں دا ڈکھ اُنّاں واسطے اُوئیں تاں جماند رو کجھ نہ ہاپر اُنّاں  
دے ذہن وچ اگیا اے کنڈیری دا بُونا ہن دَرِگ تے کنڈیاں دا سمجھا جنگل جج گیا ہا جتھ کوئی  
رشتہ کوئی تعلق لر لیر تے جھنوں جھن تھے بغیر اندر وڑای نہ سگدا ہا۔

ہا! ہک تعلق، ہک سانجھ اُنّاں چاراں وچ ضرور بن گئی ہئی۔ لا غرضائی تے لا تعلقی دی سانجھ۔  
او چارے کئی طرحاں دی سوچ تے کئی طرحاں دے ورتاؤ دے ہوندے ہوئے وی ہک  
کوئتا ہن۔ او سبھے پختگی طرحاں جانزدے ہن جو وقت آون تے او چارے نہ صرف ہک بے  
کوں جانوں مار سگدن بلکہ بکھے ہوون تاں ہک بے دا گوشت تک کھاون توں نہ ا جھکسن۔ آج  
توں بعد اُنّاں چاریاں وچ، ہمیشہ اُنّاں توں آنج راہون والا مراد وی اُنّاں جیہا تھی گیا۔ پر ہک  
فرق نال۔ اُنّاں چاریاں دے ذہناں وچ پہلے کنڈیری دا بُونا جیسا تے ول او خود کنڈیاں دا جنگل  
بن گئے پر مراد دے دل وچ تاں نکلے لا توں مادی محبت دا بُونیا پھپھڑیا جیڑھا مدر سے آتے تاں گھ  
داؤن بن گیا ہاپر اوندی موت توں بعد ہن داؤ ہوتا گھ داؤن ہک بہوں وڈی کنڈیری دی صورت  
جھو جھدا کھڑا ہا۔ آکھن کوں تاں ہن پنچے بھرا کئی بیڑی دے سوار نظر دے ہن پر اُنّاں دے  
اندر جوڑ کنڈیاں دا زہر آپو و نکا ہا۔ مراد، جیڑھا زہر دی ایں کھید وچ کافی دیر دے بعد شامل

تھیا پراپس کھیڈ دی اندھی دوڑ وچ او آپڑیں وٹ تے ہوندے ہوئے وی سب توں اگو نہا تھی  
 چکیا ہا۔ جیں طرحاں اُونے بہوش سمجھے و نجن والے طالباں دی مرن مارتے سریر جھلی ہئی  
 اوندے تے چھڑے اُوہے حیران نہ ہن بلکہ قاری صاحب دے نال نال متہم مدرسہ مولانا  
 عبدالحنان کوں کنای تھئے تے پریشانی وی جو اے چھوہر کجھ ڈینہہ بیامدرسہ وچ رہ گیا تاں  
 بیاں طالباں کوں وی بدراہ کر لئی۔ مراد کون کجھ گبھر و طالب تے کجھ نینگر ملاں جیڑھے  
 اوکوں کولاتے مسکین چھوہر جان اوندے تے ٹھکر مریندے ہن، ایں واقعے توں اُووی کنی  
 کرن تے مجبور تھی گئے۔

مراد کوں اٹھ پہراں توں بعد آپڑیں آپ دی سُر ت آئی تاں اُو خود وی حیران ہا جو اوندے بُت  
 وچ مار پچاون دا اے گن کتھوں آئے۔ درد دی اخیر دے باوجود اوندے منہ وچوں چیکاں  
 کیوں نی نکلیاں۔ مرن مار دی حد نین تے وی اُو سریر کیوں جھل گھندے۔ اوندے کولے  
 بُت وچ ایڈی جان کتھوں آئی جو جھمکاں چم چیرتے بُت وچ لہہ گیاں پراونے دھاڑتاں کیا،  
 ڈسکی وی نہ بھری۔ آندے پنچ چھی ڈینہوار وی اُو حجرے وچ بیار یہا پراوکوں ٹکرمانی پچا و نجن  
 دے باوجود کہیں نے وی اوکوں پنچ وقتی جماعت وچ نیون دی کوشش نہ کیتی۔ مدرسہ دے  
 نظام دے خلاف اے مراد دی پہلی بغاوت ہئی جیڑھی کامیاب تھی چکی ہئی۔ اے گاہہ بئی جو  
 جھمکاں دے زخم ٹھیک تھیون توں بعد وی اُو نماز باجماعت وچ شامل تھیون تاں لگیا پرا  
 کریند اول وی آپڑیں ہئی، چھیکڑی صف وچ کھڑناتے فرض نماز توں بعد ایڈے اُوڈے تھی  
 و نجرال۔ مدرسہ دی انتظامیہ خود وی کوشش کریندی جو نہ تاں اُو بے طالباں کوں نظر  
 آوے تے نہ ای اُناں دے سامنزیں اونداز کر تھیوے۔

ایں دوران ڈو جھی بغاوت مراد نے پُیو نال کیتی۔ مہینے بعد تھیون والی ملاقات وچ وی اُو  
 اوندے سامنزیں و نجن کوں تیار کو نہا۔ معاملہ قاری صاحب تیں گیا پراونے وی سنی اُن سنی  
 کر ڈتی۔ باقی پتراں نے مراد دا سارا حال حوال آپڑیں آپڑیں انداز وچ ایں طرحاں سُنڈایا جو

تصور وار مراد ای بنڑیا پر فقیرے پاؤلی نے معاملہ مدرسے تے پاؤن دی کوشش کیتی جو چار چھلڑ واد ہول ویسن پر مولوی عبدالحمنان نے قاری صاحب کنوں کھڑکا ڈوایا جو ڈھیر لمبر کیتس توں وظیفے دے اڈھائی سو روپائیوں توں وی ویسی۔ فقیرے سُنڑیاں چھو مار کراہیں اڈھائی سو روپے ٹیک وچ بدھے تے فروٹ تھی گیا۔

کچھ ڈیہناں بعد اطلاع تھی جو مدرسہ حمیدیہ دے پنجوی طالباں کوں پشاور دے نیڑے کہیں وڈے مدرسے بھجوا ڈتا گئے جتھ درس ڈیون کیتے پوری دنیا وچوں چونڑویں عالم سڈائے گن جیڑھے درس دے نال نال کافراں دے خلاف جہاد دی تربیت وی ڈیسن۔ جے اناں خوش نصیباں وچ کوئی دل نال اعلیٰ تربیت کر گیا تاں او کوں جہادی فوج وچ وڈا عہدہ وی ملی تے موٹی تنخواہ وی۔ اناں پنجوی طالباں وچ پہلاناں مراد داہاتے باقی دے چوکی وی اُوہے ہند جیڑھے کہیں نہ وجہ نال مدرسہ حمیدیہ دے کنٹرول وچ نہ رہ گے ہند۔

فقیرا پاؤلی ولا بھجدا بھجدا آیا تے مدرسے دے درتے کوکارا ڈاگھت تے بہہ گیا جو میڈامو بھی پتر میکوں واپس کرو۔ قاری صاحب نے مدرسے دے نویں خزانچی کوں نال بلہاتے فقیرے کو اندر سڈایا تے آون سیتی پنج سو روپے داساوانوٹ اوندی تلی تے چار کھیا ایں خوشخبری دے نال جو وڈے مدرسے دی ٹیم آئی ہئی، طالباں دا امتحان تھئے تے اوند اباں مراد پورے مدرسے وچوں سب توں اگوں ریہے۔ اعلیٰ تعلیم کیتے ہن داوا تھ نہ پڑھی بلکہ وڈے مدرسے پڑھی تے وظیفہ وی پنجاہ دی بجائے پنج سو روپے، دعا کر باقی دے بال وی چون وچ آگئے تاں اوندے اڈھائی ہزار کھرے۔

فقیرا کچھ آکھن دی بجائے قاری صاحب دے پیراں وچ ڈھسہ پیا ایں ارداس دے نال جو جتنا جلدی تھی سکے کہیں نہ کہیں طرحاں اوندے باقی پتراں کوں وی وڈے مدرسے بھجوا یا ونجے۔



۱۹۷۹ء توں بعد گھٹ و دھ ستر لکھ افغانی، مہاجر تھی تے زیادہ تر طور خم دے رستے پاکستان آن وڑے۔ پاکستانی حکومت نے وی اکھ نوٹی کیتی تے اے مار کاہر اؤں جاتے دیرے لاتے بہہ گے کہ جتھ کوئی ونج ویند ژدگ نظریا۔ جنہاں کول چار پیسے چنگے تے پڑھے لکھے ہن اناں کول امریکہ، یورپ تے نیٹو دے ممبر ملکاں نے آپڑیں کول پناہ چاڈتی، جیڑھے ڈوجھے درجے تے آندے ہن اناں پاکستانی شناختی کارڈ بنز و اتھوں دے وڈے شہر اں خاص طور تے پشاور، اسلام آباد، کوئٹہ، لاہور تے کراچی وچ جائیداد اں گھن کراہیں و لدے کار و بار شروع کر ڈتو نے تے جیڑھے املک غریب ہن تے کجھ ڈے گھن نہ سگدے ہن اؤکلیاں لاڈینہ کول روٹی روزی تے مزدوری کیتے نیڑے دے ہزاراں وچ کھنڈ پند ویندے ہن۔ اناں دی اکثریت تاں صوبہ سرحد وچ رہ گئی پر ول وی چنگی بھلی تعداد پنجاب دے اناں علاقیاں وچ آتے آباد تھی گئی جیڑھے جو صوبہ سرحد توں نیڑے پوندے ہن۔

حکومت نے وی نہ تاں اناں دی آمد رفت تے کوئی روک ٹوک کیتی تے نہ ای بی کوئی کہیں قسم پابندی، جیندے نتیجے وچ ہر قسم دانا جائز اسلحہ تے نت نویں قسم دی منشیات پاکستان دے چپے چپے وچ نکلے دھڑی تھی گئی۔ حکومت کول ہوش اؤں ویلے آیا جڈاں جو ۱۹۸۲ء وچ اقوام متحدہ دے ہائی کمیشن برائے مہاجرین (UNHCR) نے اناں مہاجراں دی امداد

کہتے انہاں دی رجسٹریشن دی شرط لازمی کیتی۔ لہذا فوری طور تے اسی دے نیڑے تیزے افغان مہاجر کیمپ بنڑاتے ہر پاسے کھنڈے پینڈے ہوئے افغان مہاجراں کوں انہاں کیمپاں وچ راہون دا پابند کیتا گیا۔ ہر خاندان کو مہاجر کیمپ دا کارڈ جاری کرتے جتھہ انہاں دا مخصوص نمبر الاٹ کیتا گیا اتھہ انہاں کیتے مفت راشن، علاج معالجہ، دوا داروتے کپڑے لتے داوی وافر بندوبست کر ڈتا گیا۔ افغانیاں دی رجسٹریشن تھیون نال ای پوری دنیا دے امداد ڈیون والے اداریاں نے وی امدادی سامان پچاؤن ایچ کوئی و سلائی نہ کیتی۔

اتنی زیادہ امداد دیاں خبراں ایڈے اوڈے کھنڈیاں تاں او مہاجر وی کیمپاں وچ وڑ آئے جیڑھے جو ایس کنوں پہلے مختلف شہری علاقیاں وچ تیزی تاڈا بنڑاتے سکھے تھے بیٹھے ہن۔ انہاں وچوں ہک کیمپ کوٹ چاندنہ وی ہا جیڑھے ڈاھ وڈے مہاجر کیمپاں وچ شمار تھیندا ہا۔ ڈو ہزار اکہتر ایکڑاں تے در گیا ہو یا اے کیمپ کالا باغ کنوں پنج کلومیٹر تے میانوالی کنوں پچو نجاہ کلومیٹر دے فاصلے تے قائم کیتا گیا۔ افغان مہاجراں دا اے کیمپ کالا باغ تے اونڈے نیڑے تیزے دے علاقیاں دی ثقافت، تہذیب، معاشرت تے معاش تے بہوں بری طرحاں اثر انداز تھیا۔ ڈیدھے ای ڈیدھے اے کیمپ بیاں کیمپاں طرحاں ہر قسم دے روسی سامان، فرنیچر، ایئر کنڈیشنر، قالین کمبلاں، کپڑیاں تے کراکری دامر کزن گیا۔ روسی سامان دے ناں تے اتھ بیاں مکاں دا سمگل تھیا ہو یا کپڑا، ڈرائی فروٹ توں علاوہ کابلی چرس، افیم تے ہیروئن وی سرعام وکن لگ گئی۔ ادائے پوائے دا جتی وی جرائم پیشہ طبقہ ہا اوسارے داسارا ایس کم وچ زردھ گیا۔ کوٹ چاندنہ وچ جتھہ مہاجراں دی چاندی تھئی اتھ پلس تے کیمپ دے نگران عملے نے وی رنج تے اگلیاں بچھلیاں پڑایاں کیتیاں۔ کوٹ چاندنہ کیمپ وچ ہک سرے کنوں لاتے ڈوجھے سرے توڑیں کئی فرلانگ لمبے ہزار بن گئے جتھہ سارا ڈینہہ پرے پرے توں آئے گاہکاں دیاں لائناں لگیاں راہندیاں۔ پر اے بنی گاہہ جو گاہک دی گڈی تے بے نیلی یار تتی بتی کاسنی تاں کیمپ وچوں نکدے سارا ای پلس والے جھل گھنڈے تے سمگل تھئے ہوئے سامان تے

آپڑاں بغیر ر سید دا جرمانہ لائے بغیر و نجن ای نہ ڈیندے۔ رتی یا نیلی بتی والی گڈی وچ بے شک  
 املک ملکہ لٹ و نجو، بچھن دی کیندی جرات، ہتھوں ٹھوکواں سلوٹ وی نال ماریاں  
 ویندا۔ جنساں مہاجراں کیمپ دے نگران نال آئی سٹی کرتے گھر دی جی زیادہ لکھوا گھدے یا  
 راہندے کیمپ کنوں باہر ہن تے اندراج اندر داکیتا ہویا ہئی اُناں نے وی غیر ملکی امداد دی  
 دھوڑاں طرح پٹی جو ڈھگ سارا سماں گھن کراہیں سدھا بزار دیاں دکاناں تے وینج کراہیں  
 نوٹ وٹ گھندے۔ نوبت ایں جا بچی جو ابھھے سہولت کار وی میدان وچ آگئے جیڑھے  
 آپڑاں اتر رکھ کراہیں، مطلوبہ سماں جتھ آکھوا تھائیں پچھا ڈیندے۔

کوٹ چاند نہ سمیت سبھے افغان مہاجر کیمپاں وچ جے ایہوں کاروبار ای تھیون ہاپے تاں ول  
 ای خیر ہئی لیکن ہولے ڈاڈھے خبراں ہلن لگ گیاں جو اناں کیمپاں وچوں ہر عمر دی چھوہر مل  
 وکدی پئی اے۔ مل دی حد تیں تاں گاہہ ٹھیک ہئی پر وکن وکاؤن آلی گاہہ محض سوچ تے  
 ثقافت دا فرق ہا۔ افغانستاں آئے مہاجر آپڑیاں دھیریں دائلہ ضرور وٹیندے ہن پر نکاح  
 پاتے بغیر چھوہر کوں ٹوریا نہ ویندا ہا۔ اے اوئیں ہاجیویں بہوں ساریاں ثقافتاں وچ ہندوی  
 دھمی بھین دے بدلے وٹہ یا نلکہ گھنن دار و اج ہے پیا۔ اے ہن پر نیجمن والے دی نیت جو  
 اوکوں باندی بنڑاں تے رکھے، چکلے وچ بلہاوے یا اگوں وینج چھوڑے، چھوہر دے مایپونے  
 کیتھوں پوند کرنی ہوندی۔

ایں سارا دھندا بھلا حکومتی کارندیاں دی سرپرستی دے سوا کیویں تھی سگدا، لہذا جیڑھے چھوہر  
 دیہہ ہزار وچ پر نیندی اوندے تے ڈوں ہزار کیمپ دے نگران عملے دا تے پنج سو کنوں  
 ہزار تیں ناکے تے بیٹھے پلسیاں دا ہوندا۔ افغان چھوہریں دے سو ہنڑپ تے بہوں ای گھٹ  
 پیسیاں نال اُناں دی خرید دی ہوا ہر پاسے گھلی تاں شادیاں دے شوقیناں دے نال نال او  
 سارے دلال تے بردہ فروش وی ایں کم تے نکل پئے جیڑھے کچھ سال پہلے بنگالی عورتاں کوں

سندھ تے سرائیکی وسیب دے دیہاتی علاقیاں وِچ وچندے ریہے ہن۔ ڈیدھے ای ڈیدھے  
مہاجر کیمپاں وِچ نینگریں دی تعداد گھندی گئی تے باقی ادھ کھڑ عورتاں ای آن بچیاں۔

ایں صورت حال وِچ مولوی عبدالحنان کتھاں بچھوں راہون والاہا، اونہ پاشادیاں پہلے  
ہن پیاں، چوڈاں پندرہاں سالوں دیاں ڈوں لویاں چھوہریں اُو کوٹ چاند نہ دے مہاجر کیمپ  
وچوں پرنج آیا۔ ذالیں ہن چھمی تھیاں تاں اونے پہلیاں ڈوہائیں بختاور تے امینہ کول طلاق  
ڈے اُناں دے پیکے ٹور چھوڑیا۔ ڈوں ذالیں پیکے گیاں تاں آپڑیں آٹھ بال مولوی کول سٹی  
گیاں۔ پہلی وچوں پنچ تے ڈو جھی وچوں ترے، تریکھی تے چو تھی دے ڈوں ڈوں بالاں نال  
رل بیٹھے تاں ہک گھر وچ بارہاں بالاں نے نویاں کنواریں سمیت مولوی عبدالحنان داجیون وی  
حرام کر ڈتا۔ ضروری تھی گیا جو نویاں کنواریں کول پُراڑیاں توں آنج رکھیا ونجے ناں تاں پُے  
ہوئے بدام دی جھلی ہوئی گلی طرحاں دیاں اے چھوہریں وی میلیاں چکڑ تھی ویسن۔

مولوی صاحب کول پیسہ مانون دانہ ہالہذا نہناں دے وِچ ای پہلے گھر دے نال ہم دیوار ڈوں  
کوٹھیاں دانواں گھر تعمیر تھی گیا۔ ہک کوٹھابی بی خانزادی کیتے تے ڈو جھابی بی گل جان کیتے۔  
مولوی صاحب دا ڈھیر وقت نویں گھر گزرن لگیا تے باقی دیاں ڈوں زبیدہ تے نسیم ایویں  
وسریاں جیویں اُناں دا وجود ای نہ ہووے۔ ڈوں چار مہینے تاں اُناں چپ چاکیتی پرول اُناں نے  
وی بالاں دے ہتھ مولوی صاحب کول کھٹی ودھی دے سنیسے اُوں ویلے بھیجن شروع کر  
ڈتے جڈاں جو اوبلاولیاں دا موڈ بڑا تے افغانزیں دے گھر وِچ باہندا۔ وڈے وڈے تے  
سمجھدار دھیاں پُتر جنیں ویلے مسکدے اکھیں نال ڈوہائیں افغان چھوہریں تے ول آپڑیں پُپو  
کول ڈیدھے تاں اُو بہوں بیلا پوندا۔

مولوی عبدالحنان سمجھدا دا سبھ کجھ ہا جو اے سنیسے کہیں تھوڑ دے کائنی بلکہ پُوس تے  
ساڑے دے ہن جو اُونویاں تے نینگر ذالیں نال بہہ تے وی آرام تے۔ بے وِسلائی نال بہہ نہ  
سگے۔ اُوئیں کیہڑی تھوڑ ہی جیڑھی اُناں کول اُوڈتی بیٹھاہا، ہر شے وافر۔ جے کجھ نہ ہاں محض

اوند اُناں دے کول سمن باہو نزلں۔ سچی گالہہ وی ایہا ہئی جو جڈن دیاں اودو افغانزیں اوندے گھر آیا ہن اوند اکہیں بے پاسے روح رجوع ای نہ تھیندا ہا۔ پہلیاں ذالیں داتاں سوچ تے وی اُکوں ایویں لگدا جیویں ہند تئیں گڈیں نال گزرا کریندا ریہا ہووے۔ رناں تاں اے ہن چٹیاں چٹورتے گرو لیاں، جیویں مکھن وچ ماکھی رلاتے سچے گھیو وچ تر دے ولاں آلے پُراٹھے تے رکھ تے کھاندے بیٹھے ہووے۔ بس ہکا گالہہ ہئی جو اُناں دی زبان سمجھ نہ آندی ہئی لیکن کجھ ڈہنناں وچ اتنا تھی گیا جو اویکوں تے اے اُناں کوں سمجھن دے نال نال اُوہک بے دی بولی وی سمجھن لگ گئے۔ افغانزیں دا کھاون پکاون وی پہلے پہلے مولوی عبدالحنان کوں کجھ بئی طرحاں دا لگدا ہا پر کجھ ڈہنناں بعد اے کجھ چس پئی جو ویسی بھاجیاں دا سواد وی بے سوادا تھی تے رہ گیا۔ اے ڈوہیں بھاویں جو عمر دیاں گھٹ ہن پر اناں وچ نہ تاں آپس وچ کوئی ساڑ سڑ پاتے نہ لڑائی جیڑھا۔ مولوی صاحب گھر پیر رکھے ہاتے ڈوہائیں اولوں گھولوں، ہک پیر گھنڈی پئی اے تے ڈو جھی سر۔ جے سر گھنڈا ون دارو نہ ہوندا تے مولوی دی طبیعت دا اندازہ لا کر اپیں ڈوہیں جنگھاں کوں مروڑے ڈیون لگ پوندیاں۔ جنیں ویلے جو مولوی صاحب دیاں پُرائیاں ذالیں تاں اوکوں گھر وڑ دا ڈیکھ متھے تے پئی بدھ گھنڈیاں جیویں جو کہیں دا مکی مرض دیاں ماریاں ہوون۔ اویں سارا ڈینہہ کو کجھ ہوندیاں، پر جنیں ویلے مولوی در پُدا ویندا اوند اوری واری تالو چا گھنڈیاں، ہک بے دا گلیہ، شکلمتاں تے لڑائی جھیرے تے حضرت صاحب کوں ولد مدرسے دَنج تے ساہ پڑاں پوندا، پر جڈن دیاں افغانزیں آیاں، ہے ہے کل کل توں جان چھٹ پئی۔

وڈی ذال وچوں مولوی صاحب دا وڈا پتر بلال ہوسی کوئی تیرہ چوڑاں سالوں دا پر مادے لاڈ پاروں سمجھا گیا جو مدرسے دی شکل نہ ڈٹھس۔ ہک ڈینہہ اُو آپڑیں مادا سنیہا چاتے پہلے مدرسے گیا پر پُیو کوں اتھ نہ ڈیکھ تے نویاں مانواں دا کنڈا آن کھڑ کالیں۔ سنیہا کیا ہا مطالبہ ہا جو شریعت

موجب عدت دا خرچہ آپڑیں ذمے ہوندے ہوئے وی اُونے ادا کی تا۔ ہن بندہ بن تے خرچہ ڈیوے نہ تاں اوند اسارا ایجا بجا وڈے حضرت صاحب کول لکھ پٹھیا ویسی۔

مولوی عبدالحنان دل ای دل وچ پریشان تاں بہوں تھیا جو عدت دے دوران خرچہ نہ منگن والیاں کول عدت دے بعد خرچہ کنیں یاد وڈا وڈتے۔ چلو ترے بھیجو تھی کول تاں خرچہ منگن ٹھاہندے پر پہلیاں ڈوہیں طلاق گھڑیں توں بعد کیڑھے منہ نال خرچہ منگدن۔ خرچہ تاں خرچے دی جاتے ریہا پر اے وڈے حضرت صاحب کول شکایت آتے اتجے بیجے دی دھمکی، اتنا سوچن جو گیاں اُوڈوہیں رنڈڑیں کائنی، تے ول کون ہے جیڑھا ناں کول پٹھی پٹی پڑھا آپڑیں لائن تے چاڑھی کھڑے۔

ایندے باوجود مولوی عبدالحنان نے آپڑیں پریشانی تے گویڑ کول چہرے توں ظاہر نہ تھیون ڈتا۔ بلال کول سڈ بلہاون دی کوشش کیتس پر اُوہک پاسے تھی کراہیں آپڑیاں تویاں مانواں کول متھے تے تریڈھی پاڈیڈھا ریہا۔ ایسے تاں اُوچٹیاں بلائیں ہن جنہاں نے اوندی مادا چنگا بھلا ہسدا وسدا گھر اُجاڑ کھڑائے۔ خانزادی تے گل جان نے آپڑیں سیگے مترائے پتر کو متھے تے تریڈھی پا آپڑیں ڈوڈیڈھا ڈٹھتاں کھل پیاں۔ بلال دادل کیتا جو وُج تے اناں چٹیاں بلائیں دے جٹے دُند بھن تے گھروں کڈھ چھوڑے پر پیو دے ہونڈیاں ہالی ایڈی جرات ممکن نہ ہئی۔

”ہا آبا! اماں آہدی پئی ہئی جو اساراں سارے ہن ہوندے کول ای راہسوں تے ہر بال دا ہزار روپیہ مہینے دا خرچہ ہن اُووی تہا کول ڈیونڑاں پوسی۔“ اے سبھو کجھ آہدے ہویاں نہ تاں بلال دیاں اکھیں وُج کوئی شرم حیا ہئی تے نہ لالچا، اوند بلارا تاں ایویں ہاجیویں کوئی عدالتی سیلف قرتی دے وارنٹ چاتے آیا کھڑا ہووے۔

مولوی عبدالحنان کا وڑ کرن دی بجائے اصلوں بیلا پئے گیا۔ بختاور تے امینہ دے مطالبیاں دے بچھوں کون اے تے کون اوندی شکایت وڈے حضرت صاحب کول لواون چاہندے،

کہیں گویڑاچ ای نہ آندا پیاہا۔ مویاں گائیں کوں تھنا ڈے کون اناں دارا ہندا ساہندا کھیر  
ڈوہون دے چکر وچ ہے، کجھ سمجھ نہ آندی پئی ہئی۔

دل وی کجھ جزو دے بغیر مولوی صاحب نے کھیسے وچوں پنجاہ روپے دانوٹ کڈھ تے بال  
کوں ڈیون دی کوشش کیتس پر اواندے پاسے ڈٹھے بغیر ای گھروں باہر نکل گیا۔ ویندیاں  
ہویاں وی اوندیاں نگاہیں خانزادی تے گل جان تے ہن جیڑھیاں کہیں ویلے اوکوں تے کہیں  
ویلے مولوی صاحب کوں ڈیدھیاں پیاں ہن۔ مولوی عبدالحنان نے پچھکی جی کھل نال پنجاہ  
دے نوٹ کوں ولدا کھیسے وچ پاتا تے افغانزیاں کوں ہنکل مارئیں جو پکیا رو دھا چا آون، نکھ  
ڈاڈھی لگی کھڑی اے۔

مولوی عبدالحنان دی ہنکل سُنڑ تے خانزادی تے بی بی گل جان نے ہک بے دیاں اکھیں وچ  
ڈٹھاتے کھل کوں زورے مسائیں روکن دی کوشش وچ مسک پیاں۔



فضل اللہ ڈیڈھی لنگھ کراہیں مدرسے دے اندر لے صحن وچ آگیا جیندے چار چنیرے بکوساڑ  
 دے بیرک نما کمریاں دی تندیر ہئی جنہاں دے اگوں دھپ مینہ کنوں بچن کیتے ست فٹ  
 موکلا برآمدہ وی بنڑیا ہویا ہا۔ اے کمرے حجرے سڈیندے ہن۔ اناں وچ اُوکیں تاں سارے  
 طالب راہندے ہن پر کجھ حجرے جیڑھے لبان دی بجائے چوڑائی رخ بنڑے ہوئے ہن  
 اناں وچ مدرسے دے چھڑے چھانڈ اُستاد راہندے ہن۔ اناں دی اکثریت پرانی ہوئی ہئی پر  
 کہیں نہ کہیں سوب اوبالاں بچیاں کون نال نہ رکھن تے مجبور ہن۔ باقی دے جیڑھے وڈکے  
 ڈھیر اُلاسی دے مارے ہن یا عمر اں دے اُو حصے وچ ہن جتھ گھر والی دے بنا گزران مشکل  
 تھی ویندی ہاے، اُو مدرسے دے پچھاڑے آلے پاسے آپڑیں آپڑیں مکاناں وچ راہندے  
 پے ہن۔ شروع شروع وچ تاں اے مکان کچے بنڑیں پر جیویں جیویں پرانی جنگ دا دھن  
 و سن شروع تھیا، اے کچیاں توں پکے تے پکیاں توں ماربل تے ٹائلاں والے بن گئے۔ پہلے  
 جتھ مٹی دے تیل والا لیمپ بلدا ہاں اُتھ کر ہن ڈیوب لائناں تے اے سی لگ گئے۔

ڈوپہرویلے مدرسے دا صحن وی بھاں بھاں کریندا پیا ہا۔ ”طالب شاید حجریاں وچ ہوسن۔“  
 فضل اللہ سوچیا تے ول چودہاں دید بھویندے ہوئے اوندی نگاہ آپڑیں حجرے تے ون بکی۔  
 پنجوی سال گزرن کل دی گاہہ لگن لگی۔ اُوہک واری ول فضل اللہ توں محمد مراد بن گیا۔ ایں

حجرے وچ اُونے نو بے طالباں دے نال آپڑیں پونے ڈوں سال ماکنوں بغیر گزارے  
ہن۔ اُوکوں آج وی یاد ہا جو متہم صاحب نے اُوکوں آپڑیں چارے وڈے بھراواں دے نال  
حجرہ ڈیون دا حکم کیتا ہا پر اوندے بھراواں نے پہلی رات ای کوں ایس طرح مرن مار ڈتی جو باقی  
دا پھر اُونے مدرسے دی مسیت دے فرش تے سُم تے گزاریا۔ مراد حیران تھینداں جو  
اوندے بھراوندی جان دے ویری کیوں ہن۔ بہوں دیر بعد کئی سال جنگ وچ گزارتے  
اُوکوں سمجھ آئی جو بھینزیں بھراواں دارشتہ کوئی ہک ماپو دے گھر جمن نال فی جُڑداتے نہای  
ہک پُودا نطفہ یاہڑی مادے تھنزاں دا کھیر ایس رشتے دی بنیاد رکھیندے بلکہ اے رشتہ جمن  
دے بعد دی کہیں سانجھ نال پھپھڑدے، نزویا تھیندے تے بھینی بھری دا آن لکھیاتے آن  
ڈٹھا جوگ طے کریندے۔ ضروری نی جو سکے بھینی بھراپوری حیاتی ہوں خلوص نال بھین  
بھرا ہندے ہوئے حیاتی گزار سگن جیندی گھٹی اُناں دے ماپو اُناں کوں لئی ہئی تے  
ضروری اے وی نی جو اُن ڈٹھے تے اوپرے لوک سکے بھراواں کنوں ودھ تے رشتہ نہ جوڑ  
سگن۔

اُوکوں یاد ہا جو آندی رات اُوکوں ہک اچھے حجرے وچ واڑ ڈتا گیا جتھ نو بے طالب پہلے کنوں  
راہندے پے ہن۔ سارے دے سارے اُوں توں عمراں وچ وڈے تے املک دھچر۔ عشا  
توں بعد طالباں کوں ہما دادرس ڈتا وینداتے درس توں بعد اُناں کوں ہلکی بھٹکی جھج و صرگ  
تے تھوڑی بہتی کثرت کرائی ویندی جو جیڑھے طالب درس ویلے گھلاں کھاندے پے  
ہوندے ہن اوسمن توں پہلے روٹی مانی ہضم کرتے حجرے وچ وٹن۔

اوپرے طالباں نال گزاری ہوئی پہلی رات نے اوندی جیون دی سوچ کوں ای ڈالے پھالے  
کر ڈتا۔ اُوں رات سب توں وڈے دھچرنے جییں طرحاں اُوکوں ڈلتا یا، ایس ذلالت کوں بھل  
و نچواں اوندے وس وچ نہ ریہا۔ ہوں رات آپڑیں نال تھیون والی زور زبردستی دا دھک  
اسجھاکاری ہا جو باقی دی عمراں کئی کئی طرحاں نال ایندا حساب چکا وں دے باوجود اُدھار دا کھاتہ

مگن کوں ای نہ آندا پیا ہا۔ مراد اوں رات دے چھیکڑی پہر وچ وی کھلے آسمان تلے بہہ کے رونداریا۔ اوکوں آپڑیں آپ کنوں ای کریت تھیندی پئی ہئی۔ آپڑیں پلیٹی دے احساس نے تلمسڑیں دا کم کیتا تے اوں بال دے اندر کجھ عجیب طرحاں دی تروڑ پھر وڑ کیتی جیڑھا خود بلوغت دی پوڑی تے پیرتاں رکھ چکیا ہا لیکن ہالی تیں آپڑیں وجود وچ آون والی تبدیلی کوں سمجھن دی اہلیت نہ رکھیندا ہا۔ اوکوں لگیا جو اوسب توں ہینزداں اے، کمزور تے بے وس جیڑھا کل رات بھراویں کنوں کھلے کھا کھڑا ہاتے آج دی رات ہک ہوندے نال دے طالب نے محض آپڑیں عمراں تے طاقت دے زور تے اوکوں ملے ہوئے آٹے طرحاں مندھ تے رکھ چھوڑیا۔

مراد کوں ڈکھتاں ایس گاہہ دا ہاجو حجرے وچ موجود آٹھ بے طالبان نے وی اوکوں دچھر کنوں بچاؤن دی کوئی کوشش نہ کیتی، ڈوں چار تاں اُلٹا کھلدے ریہے، ہک ڈوں نے آپڑیں واری لاؤن کیتے وی کھڑاند کیتی تے باقی چھسوماری ایویں تھی گے جو جیویں کجھ تھیندا ای نی پیا۔ مراد کوں آپڑیں تے کھلن یا واری دی کھڑاند کرن والیاں تے ایڈی یڑو ملی کاٹنا ہئی جتنی جو اوکوں مچھ مارتے باہون والیاں تے ہئی۔ اوند اخیال ہا جو ایسے اولوک ہوندن نہ ہتے، اچھے یا بُرے، کہیں ہک دی وٹب نہ کرتے بُرے دا حوصلہ ودھیندن۔

سویرے نماز ویلے تیں ہنجوں وہاؤن دے بعد مراد نے دل ای دل وچ ہک فیصلہ کیتا تے ہنجوں آگھ چھوڑے۔ اوند اخیال ہا جو جسامت دے لحاظ نال اوبھادیں کمزور ہے پر ارادے دے لحاظ نال کائنی۔ اے سوچ کراہیں او سویرے جماعت وچ شامل تھیون دی بجائے برآمدے دے ہک تھبے دے اوڈھر تھی بیٹھا۔ نماز تے ول سویر دے درس توں بعد جنیں ویلے استاد تے طالب زراں کیتے آپڑیاں آپڑیاں جنیں دوونجن لگے، اوکھبے دی اوٹ وچوں نکلیاتے سدھاقاری صاحب کول ونج تے رات دی گزری وہانی سُنراڈتی۔ کمال اے ہئی جو اوندی آگھ وچوں نہ کوئی ہنج ہئی تے نہ اوندے چہرے تے کہیں ذلالت دا احساس، بس ڈکھ ہاتے ظالم کو

سزاؤ یواؤن دا مستحکم ارادہ۔ قاری صاحب نے ساری گالہہ سُزئی تے سُن تے ایویں تھی گیا جو جیویں کوئی گالہہ تھئی ای کائنی۔ قاری صاحب گھر ڈو وِجَن لگیا تاں مراد دے بُت وِج پتہ نی کیتھوں ایڈی جرات آئی جو اوند اہتھ پکڑ گھدا۔ قاری صاحب نے متھے تے تریڑی پاتے مراد کوں ڈٹھاتے ہتھ چھڑواتے وِجَن لگا۔ مراد ڈوں قدم چاتے اوندے سامنزیں آگیا۔

”توں رمضان دی گالہہ کریندا پئی ناں!“ قاری صاحب نے ہولے جیہا بچھیا۔ مراد نے گچی تلوں تے ہلاڈٹی۔

”توں او کوں نوی جائز دا، اُو کوں ہے تے کیتھوں آئے، اے تیکوں کوئی ڈسیسے وی کائنا، ایں گالہوں چُپ رہ تے پی وِج گالہہ کوں۔“ قاری صاحب مراد دی گالہہ دا جواب سُزئی بغیر ای اگوں تے ٹر گیا۔ مراد کجھ دیر تاں ڈکھارا تھی اُتھائیں کھڑا رہاتے ول کجھ نیت تے متہم مدرسہ مولوی عبدالحنان دے گھر آ لے پاسے ٹرپیا۔

مولوی عبدالحنان دی عادت ہئی جو سویرے دا نران اُو گھر دے باہر لے پراہ وِج بنی ہوئی چھتریں تلے کریندا ہا۔ ایں دوران گھر دا باہر لا دروازہ آدھ کھلیاتے آدھ بند راہندا۔ ایندی حکمت کیا ہئی اُو متہم صاحب دے علاوہ بیا کوئی نہ جائز دا ہا۔ مراد کجھ منٹاں وِج متہم صاحب دے دروازے تے ہا۔ آج دروازہ کجھ زیادہ ای ولپیا ہئی پر ول وی چو کھا سارا وِلیکھا ہاپیا۔ محمد مراد نے وِلیکھے وچوں جھات ماری تاں او کوں متہم صاحب نران کریندا بیٹھا نظر آیا۔ اُو دروازے کوں دھک تے اندر وڑ گیا۔ اندر اونے جو کجھ ڈٹھا اونے ایں بال دی چھر کی کیا پٹائی اونداتوں خون سِک تے رہ گیا۔

گھر دے باہر لے پراہ وِج بنی ہوئی ایں چھتریں تلے متہم صاحب ہک پاسوں قاری صاحب تے ڈو جھے پاسوں ہوں رمضان دچھر کوں نال بلہاتے نران کریندا بیٹھا ہا۔ متہم صاحب دی دروازے والے پاسے کنڈ ہئی جسیں ولے جو قاری صاحب تے رمضان ڈوہیں مراد دے

سامڑیں ہن۔ مراد کوں اندر آندا ڈیکھ تے قاری صاحب فوراً اشارہ کیتا۔ ”اے ہے، اے ہے  
حضرت صاحب اوچھوہر جیر دھار مضان دی شکایت چائی ودے۔“

متہم صاحب منہ وچ پئے گراں کوں چتھیندے ہوئے کچی گھماتے مراد کوں کوڑھیاں اکھیں  
نال ڈٹھا۔ اوندے متھے تے پیواٹ صاف ڈسیندا پیا ہا جو بچھ گچھ ہن مراد دی ای تھیونی  
اے۔ مراد و بلیاتاں اُلے پیریں بھجدا ہویا دروازے توں باہر نکل گیا۔ باہروں نکل تے وی او  
کھڑیا ناں بلکہ نکھے نکھے پیر چنیدا ہویا آپڑیں حجرے وچ و نجن دی بجائے مدر سے دی ہک نکر تے  
بنڑیں ہوئے ثقاویاں وچوں ہک ثقاویے وچ وڑ گیا۔ حوضی دی ٹوٹی وچوں لکڑی کلی جھکئیں  
تاں ٹھڈے پانی دی دھار اوندے ٹوٹن توں تھیندی ہوئی بُت تیں واہندی گئی۔ کجھ دیر پہلے  
دی ساری مایوسی، کاوڑ تے بے وسی ہک دم بُت تے پوون والے پانی دے نال ویہہ  
گے۔ حوضی وچ پانی مگن تیں مراد ٹوٹی تلے کھڑا رہا۔ پاکی تے پلیٹی دا جیر دھا مطلب اوکوں  
آج تیں سمجھ نہ آیا ہا و پانی دھا و ن دے نال ای سمجھ آ گیا۔ بارے بھک تھئے وجود وچوں ذلالت  
تے مایوسی دا بار میل وانگوں لتھاتاں ہک لحظے کیتے پورا بُت ہولا بھل تھی گیا۔

پر اے سبھو احساس لحظے کھن داہا۔ جنیں ویلے اوندے ثقاویے دی کندھ توں آپڑیں کپڑے  
لہاتے ولدے پاتے تاں پتہ نیں کتھوں تے کیویں اوندے دماغ وچ وا جھلوڑیاں نے گتکا  
کھینڈن شروع کر ڈتا۔ مراد کوں ایویں لگیا جو ڈھیر سارے کابلی ڈینجھو اوندے ڈوہائیں کنلاں  
دے باہروں شاں شاں لائی کھڑن یا جیویں کہیں گاڈی دا پوری طرحاں بکھیا ہو یا کالا انجن  
آپڑیں وافر بھاپ کوں اوندیاں کنلاں دے وچ کڈھیندا پئے۔ مراد ڈوہائیں کنلاں تے ڈوہائیں  
ہتھال دیاں تکیاں رکھتے پیراں بھرنے فرش تے بہہ تاں رہیا پر اوندے کنوں بیٹھانہ گیا۔  
درد دی ہک سیڑھ جئی اوندیاں چڈیاں وچوں نکلتی تے کپال توڑیں ڈلیندی پورے بُت وچ  
کھنڈ گئی۔ ہن تائیں شاید اوں کوں ایں تکلیف دا احساس ایں گاہوں نہ تھیا ہا جو کاوڑ تے

شر مساری دی انتہائی کیفیت نے اوکوں آپڑیں پکڑ وِچ مکولیا ہویا ہا۔ جنیں ویلے وی اوڑیں  
کیفیت وِچوں نکلتا ہن تیں پچائی ہوئی جسمانی پیر نے آپڑیں مچاڑتی۔

اے کیجھا عذاب ہا جنیں مراد کوں باکاں مار مار وِوَن تے مجبور کر ڈتا پر پرے پرے توڑیں کوئی  
نہ ہا جیڑھا اوکوں سر تے ہتھ پھیر ہاں نال لاوے ہا۔ مراد کوں آپڑیں ماہوں یاد آئی جیڑھی  
اوکوں تھو اپڈن تے وی برہنجوں وِوَن بہہ راہندی ہئی تے او ما کور وندا ڈیکھ تے آپڑاں  
درد بھل ویندا ہا۔ کافی دیر وِوَن توں بعد ہاں تے بیٹھا ہویا دکل پر و بھرا تھیا تاں جوانی دی  
پُر سانگ دے پہلے ڈاکے تے پیر رکھ تے تلوں ڈوئلکدے ہوئے مراد کوں یقین تھی گیا جو  
ما باجوں جیون ایڈا سا کھڑا کائی۔ سکی مادے ہوندے ہوئے وی پُوقصائی تے وڈے بھرا جان  
دے دشمن بنے رین تاں ول جیون چھڑا مدر سے وِچ رہ تے روز نویں کاتی تلے آون داناں  
تاں نی۔

”تے ول کیا کرتیجے؟“ مراد نے ایڈے اوڈے ڈیدھے ہویاں خود توں سوال کیتا۔ جواب  
تاں کہیں پاسوں کوئی نہ ملیا پر ہن تیں وِیہہ چکے ہنجواں نے کا وڑتے شر مساری کوں کتھائیں  
دھو چھوڑیا ہا۔ اوکوں ایویں لگیا جو ماوندے نال پر ذری بھورا پر و بھری تھی اوکوں تر تر ڈیدھی  
پئی اے پر نیڑے نی آندی۔ شاید پنے کنوں ڈردی اے جو مو بھی پتر کوں سینے نال لائیں تاں  
اوکوں یڑو پئی چڑھی پَر ول وی اکھیں اکھیں وِچ جیون دا حوصلہ ڈیندی پئی ہئی، تسلی ڈیندی  
پئی ہئی۔

مراد اٹھی کھڑا تھیا۔ پہر ڈینہہ دا چڑھ آیا ہا، مدر سے وِچ درس شروع تھی چکیا ہا پر اوندی کہیں  
خبر نہ کیتی تے نہ ای نائب متہم خالد توفیقی نے اوندی گول کیتے طالبان کوں اوندے بچھوں لاتا  
یا اوندے گولن دی آہر کیتی۔ لگدا ہا جو اوندے سویر دے بلارے توں متہم تے قاری صاحب  
سمیت سبھے ڈر گین جو آج ایں چھوہر کوں درس وِچ چواہو سے تاں کتھائیں رولا نہ  
پاڈیوے۔ مراد نے ٹرن کیتے قدم چاتے تاں ول دی تکلیف جاگ پئی۔ اوچڈے چیر پیر تے

پیر رکھیندا تھاوے دے پچھلے پاس لنگھ گیا جتھاں ہک پُرانا کھوہاتے کھودے اُتے نم دا ہک گھاناؤن۔ متہم صاحب نے پانی کیتے نواں بور کراؤن دی بجائے کھوہ وچ پائپ پو اُتے موٹر لا ڈتی جو ٹینکی بھریندی راہوے۔ جیڑھے طالب ثقاویاں تے دھاؤن کیتے آندے ہن دُناں کڈھائیں کھووالے پاس جھاتی پاتی ہووے تاں پاتی ہووے، پچھوں ونج تے کہیں نہ ڈٹھا ہو سی۔ مراد اوکھا سوکھا تھی کراہیں کھودے پچھاڑے کنوں گیتے نم دے ون نال ٹیک لاتے بہہ گیا۔ ٹھڈی چھاں تے ہر پاسے چپ نال مراد اور دہنبیاں پوری رات دے جاگے ہوئے چھوہردی اکھ لگ گئی۔

پتائیں اوکتنی دیر تیں اتھ ستیا ریہا۔ اکھ کھلی تاں اندھارا تھی چکیا ہا۔ لگھ اندھارا محسوس کرتے اوندی چھر کی نکل گئی۔ اوکوں لگیا جیویں کہیں غمستان دی منہ کھلی ہوئی قبر وچ سٹ ڈتا گیا ہووے جیندے اُتے بہوں سارے فرشتے ہک دم جھنڈ تھی کراہیں اوندے کنوں سوال جواب کریندے پے ہو وں پر او جواب ڈیندا تاں کیندا جواب ڈیندا جو کہیں دی کوئی گالہہ سمجھ ای نہ آندی پئی ہئی۔ مراد نے گھبراتے سر چھنڈ کیا پر اوندے اُتے جھم تھے فرشتے سُنجاڑیں نہ ویندے پے ہن۔

یکدم ٹھڈے پانی دی کوئی وڈی ساری بالٹی اوندے سر تے کہیں نے ویٹ چھوڑی۔ پانی ہایا ول کوئی قبر دا عذاب جو جیویں اوکوں برف دے بلاک وچ سُماتے برف دے کارخانے وچ واڑ ڈتا گیا ہووے۔ اوند او جو دوسمن لگ گیا ہا۔ اے نندر ہئی تاں کیجھی نندر ہئی جو پٹیندی ای نہ پئی ہئی یا ول موت ہئی تاں کیجھی موت جیندے بعد اوکوں فرشتے وی جگانہ پے سگدے ہن۔

ایں آن وچ مراد کوں ایویں لگیا جو کوئی بہوں ای خوفناک آوازاں ہن جیڑھیاں اوندے کنڈاں دی بجائے بُت دے ہک ہک مسام وچ تھوئیاں طرحاں لہندیاں پن۔ درد دی کوئی سیرھ ہئی جیڑھی اوندے اندر جِراں کریندی اوندی روح تک ویندی پئی ہئی۔ نہ جان او کیہڑا لحظہ ہا جو

آخر اوندیاں اکھیں نہ صرف کھل گیا بلکہ انہاں وچ دید وی آ گئی۔ بھل دید دے ہوندے  
ہویاں وی نہ تاں بُت دا دردِ ہنسیا تے نہ روح دے وین گے۔ نہ ختم تھیون والی ہک ایجھی اچوی  
ہئی جو سر کنوں پیرا تیں سارے ماس کوں کھتوری ویندی ہئی۔ ایویں لگدا ہا جیویں کوئی ہڈیاں  
بھن تے اناں وچوں مکھ کڈھیندا پیا ہووے۔



فضل اللہ نے سبھو کجھ بھلاون کیتے سر چھنڈ کیا تے مدرسے دے دالان وچ آگیا۔ اوہ پورا بُت پگھرو پانی تھیون دے باوجود منہ مٹھتے تے ہک پھینگ وی نہ ہئی۔ آج پنجویں ورہیاں بعد او آپڑیں اتھ لکانز دے ڈسٹناں کوں بھلاڈیون چاہندا ہاپر نہ ذہن منیندا ہاتے نہ وجود بھلیندا ہا۔ اُونے ثقاویں تے پُرائز کھو والے پاسے نگاہ بھنوائی۔ اُتھ کھوہا، نہ نم دا گھاناؤن تے نہ ثقاویاں دی تندیر۔ املک پدھر جتھ کھڑاویاں سلماں دافریش لاڈتا گیا ہا۔ شاید کہیں بنی ٹکروچ کہیں نویں طرز دے ثقاویں بن گئے ہوسن، پانی چھٹکن والیاں موٹراں کیتے کوئی نواں بور تھیا ہوسی پراس گالہ دی کیا خبر جو اس عرصے وچ جیڑھے نویں مراداناں ججریاں وچ آپڑیں دچھر سنگتیاں دے جبر دانسانہ بڑیں ہوسن اوہن کیڑے ون تلے جھپ کراہیں آپڑیں تکلیف بھلاون کیتے باکاں مار مار روئدے ہوسن۔

فضل اللہ کافی دیر تیں دالان دے آدھ وچ کھڑا رہا۔ ہک یاد کنوں پاند چھڑویندا تاں بنی سارے آکھڑ دی۔ ایہو دالان ہاجتھ پنجویں سال پہلے خمیس دے ڈینہہ دیگر ویلے دی نماز توں بعد او کوں مدرسے وچوں کوچ دی حکم نما خبر سُنرائی گئی۔ کوئی پکی خبر نہ ہئی جو اوہ دے سمیت پنجویں طالباں کوں کڈے پٹھیا ویندا پئے۔ بس ایہو کجھ اطلاع ہئی جو راتیں عشا توں بعد ہک کوسٹر آسی تے اناں کوں کہیں وڈے مدرسے بھجواڈتا ویسی۔ کجھ طالب چکدے ہند جیویں خبر

رکھیندے ہوؤں جو انناں معتبہ طالبان کون کہیں وڈی سزا کیتے روانہ کیتا ویندا پئے۔ کئی سنگتی مونجھے وی ہن جو آج انناں دی سنگت دا پندھ مکدا پیا ہاتے ول میلے مقدر راں دی کھیڈ لیکن ابجھے سنگتی بہوں گھٹ ہن، باقی سنگت نہ ہئی محض نال درس گھنن والے طالب ای ہن۔ سب توں عجیب رویہ اونڈے چارے بھراواں دا ہا۔ انناں کون خبر تھئی تاں چارے کٹھے تھی اونڈے کول آن بیٹھے تے اُلٹا اونڈا تالوں چاون دی کوشش کیتی جو نہ ابجھیاں حرکتاں کرے ہا تے نہ اے ڈینہہ ڈیکھڑاں پوے ہا۔ پتہ نی انناں کیویں سمجھ گھدا جو مراد اُتھوں و نجران خیر دا کائی، کجھ نہ کجھ پٹھا ضرور اے۔

مغرب دی نماز توں بعد پتہ وگیا جو وڈے مدرسے ڈو کیندی کیندی تیاری اے۔ قاری صاحب نے انناں سبھڑائیں کون جماعت توں بعد بیٹھے راہون کول آکھیا۔ مغرب دے بعد دادرس موقوف تھیا تاں باقی دے طالب وی خوشی خوشی اُٹھی گئے جو آج دے درس توں جان چھٹی۔ جنیں ویلے وڈے مدرسے دی چُون توں علاوہ باقی دے سب اُٹھی گئے تاں مراد نے دید بھوائی، اُتھ موجود سبھے اوہے طالب ہن جیڑھے کہیں نہ کہیں ویلے آپ توں وڈے چھوہراں خاص کردھچر گروپ دے خلاف شکایتی ریہے ہن۔

بھادویں جو قاری صاحب تے نائب متہم خالد توفیقی اُتھ موجود ہن پر ول وی انناں وچوں کوئی وی انناں طالبان نال آلویندا نہ پیا ہا۔ ہر پاسے چُپ۔ بس اوہے طالب پریشان مہاند ریاں نال کہیں ویلے ہک بے کون تے کہیں ویلے قاری صاحب تے نائب متہم کول ڈیکھدے پئے ہن جیوں کہیں دا انتظار ہووے۔

کافی دیر توڑیں قاری صاحب تے نائب متہم ہک بے دے کنڈاں وچ کھس بھس کریندے ریہے۔ جنیں ویلے عشا دی اذان وچوں ادھا گھنٹہ رہ گیا تاں متہم مدرسہ مولانا عبدالحنان وی اُتھائیں آگیا۔ اونڈے آون دے بعد وی اوتریہے آپس وچ کوئی صلاح مشورہ کریندے ریہے۔ ڈاھ منٹ بے گزرے تاں مدرسے دا وڈا گیٹ کھلیا تے ڈوں کو سڑتے ہک سنگل کیمین ڈالہ

اندر آن وڑے۔ متہم صاحب کون شاید اناں دا انتظار ہئی۔ کوسڑ تے ڈالے دے نال  
 ڈرائیوراں توں علاوہ ڈاہ بارہ بندے بے وی ہن۔ شکلوں اصلوں بہوش تے مونڈھیاں تے  
 کلاشکوفاں لٹکیاں ہوئیاں۔ اناں کون ڈیدھے سارای نائِب متہم مدرسے دے صدر دروازے  
 والے پاسے ٹر گیا۔ ہک ہک نال آؤجی توں بعد نائِب متہم اناں کون نال لاتے دروازے دے  
 نال بڑیں ہوئے ملاقات والے کمرے وچ وڑ گیا پر ایں پاسے مسیت دے دلاں وچ بیٹھے  
 ہوئے پنجوی طالبان دی بکھڑی کنب تے رہ گئی۔ سبھڑائیں کون یقین تھی گیا جو اے گڈیاں  
 ایویں خیری نی آیاں، اناں کون ای نیون آئیں۔

ایں توں پہلے جو طالب کوئی گالہہ کریندے قاری صاحب نے اٹھی کراہیں گفتگو شروع کر ڈتی  
 جیندے وچ دینی تعلیم، کافراں دے خلاف جہاد تے آپڑیں استاد تے وڈیاں دے عمل دی  
 پیروی تے زور دتا گیا۔ زور ایں گالہہ تے وی ہاجو دنیا تے آون دے بعد جنساں بالاں کون عام  
 لوکیں دی رہنمائی کیتے چن گھداویندا اویہ ای او خوش قسمت ہوندن جنساں کیتے جنت بنی  
 تے دوزخ دی بھارام تھئی۔ ابجھے چنے ہوئے طالبان کیتے اصل کم خلقِ خدا دی رہنمائی  
 ہے۔ اے کوئی عام تام انسان کائنی، اے نیکی تے بھلائی دادرس ڈیون والے ہن۔ اناں تے  
 بس آپڑیاں استادان دا حکم فرض اے جیڑھا پو دے احکامات توں وی اترتے افضل ہے۔

اوندے بعد متہم صاحب نے وی قاری صاحب دی گالہہ اگوں تے ٹوری تے طالبان کون  
 نصیحت کیتی جو وڈے مدرسے وچ تے اوں ایں مدرسہ حمیدیہ داناں روشن کریں تے کوئی  
 سمجھا کم نہ کریں جیڑھا وڈیاں دی نافرمانی تے ایں مدرسے دی رسوائی دا باعث ہووے۔ جیں  
 کہیں نے اتھ کوئی غلط حرکت کیتی ہئی تے ول وی اوکوں معافی ملی رہی تے درگزر تھیا اواے نہ  
 سمجھے جو اوکوں وڈے مدرسے وی معافی ملی۔ اوں مدرسے دے آپڑیں اصول تے ضابطے ہن  
 جتھ معافی دی گنجائش کائنی۔

مراد سمیت ہر طالب ایہو سمجھیا جو چھیکڑی گالہہ صرف ہوندے واسطے کیتی گئی اے، ایں پاروں سارے وسم تے رہ گئے۔ پہلے داشک تے ول کجھ کجھ پک ہن املک یقین وچ بدل گیا ہا جو جتھ اناں کوں پٹھیا ویندا پے اُتھ اناں واسطے واقعی کوئی خیر دی خبر کاسی۔ ڈوں ترے طالب پیتلے نکلے تے روون پئے گئے، ہک ڈوں نے آپڑیں مایو نال ملن دی خواہش کیتی جیڑھی ہوں ویلے ای اے آکھ تے رد کر ڈتی گئی جو حق دے طالب دی نہ کوئی ماتے نہ کوئی پیو۔

مراد دا دل کیتا جو او آپ توں چھوٹے بھینڑیں بھراواں کوں ہک واری مل گھنے ول پتہ نی ڈیکھن نصیب وچ ہے وی یا کاسنا پر اوندی اے خواہش زبان تے نہ آسکی۔ جتھ مایو کوں ملن دی عرضی رد کر ڈتی گئی اے اُتھ بھین بھرا کیہڑے کھاتے وچ۔ مراد نے اکھیں وچ تر آیاں ہنجاں کوں گیت ڈے کراہیں ہاں تے اُواں باری بھک چار کھی جیڑھی ہن تیں ہر اوکھے ویلے اُوکوں ڈکھ پیچاؤن دا حوصلہ ڈیندی رہی اے۔

عشادی اذان کنوں ڈاھ منٹ پہلے جھٹھی ڈتی گئی جو راج روٹی کھاؤن دی بجائے اُنلگر خانے وچ ہلک بھلکا نران کر گھنن جیڑھا لے سفر وچ اُلٹیاں نہ کرن پاروں خاص طور تے اناں واسطے بنزایا گیا ہا۔ نران کیا ہا! مور ہی دی پتلی دال دے نال ترے روٹیاں دی جاتے چھڑی ہک روٹی تے اتوں پھودنے والے قہوے دے ڈوں گھٹ۔ ہالی او آپڑاں وضو نواں کرن توں بعد ولدے مسیت ڈوونجن توں پہلے آپڑاں لیر التابدھیندے ای پئے ہن جو قاری صاحب دا حکم ملیا سبھو کجھ اتھائیں راہی، بس ڈوں کپڑیاں وچ ای ونجیسی کیوں جو اگوں وڈے مدر سے وچ سے کپڑے تے سے بھتیاں۔

مراد ایڈا ڈکھارا آپڑیں وسیب توں نکھڑن تے نہ ہاجتنا ایں حکم توں بعد تھیا۔ اوند اکل نجل جہان ہک سپراں والا چولا تے ہک صافا ہاجیندی ہک ٹکرتے اوندی موئی مانے آپڑیں ہتھ نال سیپ کڈھیا ہا۔ چولا بھادیں جو لندا تھی گیا ہا پر اوندے گلے تے کڈھے ہوئے نیکے سپراں والے ہار وچوں اوندی مادی خوشبو ہن وی آندی ہی۔ ماہرن توں بعد اے چولا تے صافا اوندے کیتے ما

داوجود بن گئے ہن دجنساں کوں گل نال لاتے مادے ہوؤن دا احساس تھیندا ہا۔ مراد کوں سمجھ نہ آندی پئی ہئی جو انناں کوں نال کیویں نیوے۔ اوسر پکڑتے تخت پوش تے بہہ گیا جیندے اُتے بچھلا ڈھ سال اونے راتیں کوں گھٹ سَم تے ڈھیر جاگ تے گزارا یا ہاپر اوں اُنس توں محروم رہیا جیڑھا ایں عمراں وِچ جئیں تے شئیں نال تھی ویندے۔ اے تخت پوش او کوں آپڑیں اَبے طرحاں جا پدا ہا جیندے مرن دی دعا اوہر رات کریندا رہیا پر مرماگئی۔ مادے مرن توں بعد اُونے کوئی وی خواہش کرن دے نال نال دعا منگنی وی چھوڑ ڈتی پر آج عرصے توں بعد پتانی کیویں اوندی خواہش خود بخود دعا بن گئی۔ اونے ہتھ کھڑے ول وی نہ کیتے بس ہنجواں نال پُسیاں ہو یا اکھیں اُتوں تے چاتیاں تے اندھارے حجرے وِچ دُسکن پئے گیا۔ شئیت آج او ڈوجھے پھیری آپڑیں ماکنوں ول وِچھڑن دا حوصلہ ہار بیٹھا ہا۔

ہیں آن وِچ حجریاں دے باہروں عشادی جماعت کھڑی تھیون دا ہوکا تھیا تاں مراد دی چھر کی نکل گئی۔ پتانی کیتھوں اوندے دماغ وِچ کھین جی کھیمی، اونے نکھے نکھے آپڑاں چولا لہایا تے ما دے سیپ کڈھائی والے چولے کوں پاؤن دی کوشش کیتس پر اولندا تھیون پاروں کچھاں وِچ بھس گیا۔ اتنی دیر وِچ باہروں جماعت توں پہلے نکیر پڑھیں دی اواز آئی۔ مراد بیاوی ول گیا پر ول وی کہیں نہ کہیں طریقے چولے کوں ولد لہاتے آپڑیں کندھ تے کھنڈا لئیں تے اوندیاں ڈوبائیں بہیں کوں سینے تے ولاتے گنڈھ ڈے ڈٹس۔ چولا اوندے بُت دے نال چمبرہ گیا ہا۔ ایندے اُتوں اونے مدرسے والا چولا چا پاتا۔ کیتھاؤں محسوس نہ تھیندا اپیا ہا جو ایندے تلے وی کوئی بیا چولا اے۔

آپڑیں اَنکل دی کامیابی تے اوندیاں اکھیں ولدیاں پُسیاں پر اے ہنجو ڈکھ دے نہ ہن بلکہ خوشی دے ہن۔ رومالا آجن۔ بچدا ہا، او کوں ویڑھ سیڑھ تے اونے چولے دے کھیسے وِچ گھتیا تے بھجدا ہو یا حجرے وِچوں نکل تے جماعت دی چھیکڑی صف وِچ شامل تھی گیا۔ ہن داو کوں نہ تاں کوئی غم رہیا تے نہ کوئی فکر یا اندیشہ۔ ایویں لگدا ہا جیویں ماؤ کوں ہاں نال لاتی بیٹھی اے۔

نماز توں بعد معمول دادرس آج عشاء دے بعد وی موقوف رہیا۔ سبھے طالبان کون حجریاں وچ  
 وُنجن دی تاکید توں بعد باقی دے پنجوی طالبان کون ہک پاسے بلہا ڈتا گیا۔ جیڑھے اوپرے  
 بندے شام کون نظرے ہن اوہن آپڑیں اسلئے سمیت سمیت وچوں نکل تے ولدے صدر  
 دروازے والے پاسے وُنج تے کھڑ گئے جیویں جو کہیں دا انتظار کریندے پئے ہوون۔ کجھ کجھ  
 اندھارے تے کجھ کجھ سو جھلے دے باوجود اُنّاں دے مہاند ریاں توں جیڑھی بکی شے ظاہر ہئی او  
 صرف دہشت ہئی جیکوں ڈیکھ ڈیکھ اناں وچوں اکثر طالبان دی بھپڑی کنبدی پئی ہئی پر او کجھ  
 ای نہ کر سگدے ہن سواتر تر مدرسے دے متہم، نائب متہم تے قاری صاحب کون ارداسی  
 نگاہیں نال ڈیکھن دے جیڑھے کافی دیر توں ہک واری ول سر نال سر جوڑ کراہیں کوئی  
 معاملات طے کرن دی کوشش کریندے پئے ہن۔

اُنّاں کون ایں طرحاں فکر مند ڈیکھ تے کجھ طالبان کون آس تھی گئی جو شئییت ہن وڈے  
 مدرسے نہ و نجران پووے جیندا نہ تاں اے پتہ ہا جو ہے کتھاں تے نہ اے خبر جو اُتھوں جیندا  
 وُلن نصیب وچ ہے وی یا کائناں۔ ہک اَن ڈٹھی منزل ہئی جیندی کوکڑوا کرناوی کم از کم اناں  
 طالبان کیتے ممکن نہ ہا۔ معاملہ جوں جوں لمبر پکڑیندا ویندا ہا اُنیں طالبان دی اکثریت کون  
 یقین تھیندا ویندا ہا جو ہن شئییت نہ و نجران پووے پر جے تیں مدرسے وچ کو سڑتے اوپرے  
 بہوش موجود ہن، کجھ وی تھی سگدا ہا۔

اُنّاں سبھرائیں طالبان وچوں جے کوئی بے فکر ہاتاں او چھڑا مراد ہا۔ اوکوں تسلی ہئی جو ہن  
 بھاویں جتھاں وی وُنجیں، ماوندے نال ہو سی۔ گھردا کوئی فرد ہن اووندے کیتے کوئی اہمیت نہ  
 رکھیندا ہا وِل وی پتانی کیوں اوندا خیال ہا جو عشاء دی جماعت توں بعد جئیں ویلے درس موقوف  
 کرتے اناں پنجوی طالبان توں علاوہ باقیان کون حجریاں وچ وُنجن دا آکھیا گیا تاں اووندے بھرا  
 اوکوں مگلاون کیتے ضرور آسن پر اُنّاں وچوں کوئی وی اووندے پاسے نہ آیا۔ ترے وڈیاں نے  
 تاں منہ پھیر تے ڈیکھن وی گوارا نہ کیتا پر اوں توں وڈا چوتھے نمبر والا سکندر اوکوں حجریاں

دے برامدے توڑیں گچی بھنوا بھنواؤ کوں ڈیدھا گیا۔ مراد کوں ایویں لگیا جو اُو اوندے کول  
 آون چاہندے، کجھ آکھن چاہندے، مگلاؤن چاہندے پر وڈیاں تر یہاں کنوں خُم کھاندے یا  
 شئیت مدر سے دی انتظامیہ کنوں ڈردے جو ویندیاں بھرا کوں مل پیتاں پتانی اُو وی ہوں صف  
 وِچ شمار نہ تھیوے جیندے وِچ مراد دا شمار ہا۔

ایں کنوں ودھ مراد کوں ای سوچن دا موقع نہ ملیا۔ اچاچیت نائب متہم اُٹھی کھڑا تھیاتے سبھے  
 طالباں کوں کوسٹراں والے پاسے وِچن دا حکم تھیا۔ ہک ڈوں طالباں نے گھبراتے ٹٹی ٹورا  
 کرن دی موکل منگی پر تاکید تھئی جو متہم صاحب دے پیراں کوں ہتھ لا کر اہیں کوسٹرو وِچ بہو،  
 باقی دے معاملات ہن درستے وِچ۔ سبھے طالباں قطار بنرائی تے ہک ہک کرتے صف تے بیٹھے  
 متہم تے قاری صاحبان دے پیراں کوں اجازت منگن دے انداز وِچ ہتھ لا کوسٹرو والے پاسے  
 روانہ تھیندے گئے۔ مراد سب توں چھیکڑ وِچ ہا، اُو متہم تے قاری صاحبان کنے آون دی  
 بجائے اُتھاؤں مڑ کر اہیں مدر سے دے صدر دروازے وِچ تیار کھڑی کوسٹرو آ لے پاسے ٹریا۔



فضل اللہ نے میل کنوں ریخاں تھئے آپڑیں چولے دے کھیسے وچوں ملل دار و مال کڈھتے  
منہ متھے تے آئے پگھر کوں اُگھیا۔ کڈھائیں چٹار یہار و مال میل کنوں کجھ بیایا چکڑ تھی گیا پر  
اوندے ہک کونے تے بدرنگ تھئے رنگاں نال کڈھیا ہویا سیپ صاف نظر دایا ہا۔ پگھر اُگھج  
تاں گیا پر لکھنے کھن کیتے کیوں جو کجھ لکھتیاں دے بعد گرمی نے اوندے منہ متھے دے مساماں  
کوں ولدی سروں کھول ڈتا۔ اُونے مڑتے صدر دروازے آلے پاسے ڈٹھا پر نہ ہن اُو صدر  
دروازہ تے نہ اُو مولوی عبدالحنان دی دہشت پر اوکوں ایویں لگیا جو اُتھاں ہن دوی ڈوں  
کو سٹراں تے ہک ڈالہ کھڑے تھیا۔

فضل اللہ نے آپڑیاں اکھیں کوں ڈوبائیں ہتھاں نال ملیا۔ سامڑیں ملاقات والے پر انڑیں  
کمرے وچوں کوئی بندہ نکلیا آندا ہا۔ لگدا ایویں ہا جیویں چو کیدار ہووے۔  
”میاں کیتھوں آئیں، کیوں ملڑیں تے اندر ایویں بچھ گچھ دے بغیر کیوں وڑا ایں، ہیں کون  
توں؟“ فضل اللہ داخلہ دیکھ کر اہیں اُو گھبرا گیا ہا۔

”فضل اللہ نے اوکوں غور نال ڈٹھا، ایویں کوئی پنجوی چھوی سالان دانیگر ہو سی۔ اُو کھل پیا۔  
”لگدے میڈی شکل تے میڈے مہاندرے نے تیکوں و بلا ڈتے۔“  
”میاں گھٹ گاہہ کرتے کم دی گاہہ کر، توں اندر کیوں آئیں تے ملڑاں کیوں اے۔“ نینگر

دے چہرے تے واقعی گھبراہٹ ہئی پر ول وی اُو فضل اللہ دے سامڑیں آتے کھڑ گیا۔ اوندی اِرک کنوں کچھ ہوئی بانہہ اوکوں بیاوی پریشان کریندی پئی ہئی۔

”میکوں ایند اتاں پتانی جو میں کیوں ملڑیں، ثنیت آپڑیں آپ کوں ملڑیں، آپدے آپ دے ڈڈھ، پونے ڈوں سال گولڑن جیڑھے پنجوی سال پہلے میں اتھ وِسار گیا ہم، آپڑیں چار بھراواں کوں گولڑیں جنہاں میکوں وِسار ڈتاہا، ثنیت متہم مولوی عبدالحنان کوں گولنے جئیں میڈی زندگی کوں ہک پل وی نہ زندہ راہون ڈتا، میں اُوں دھچھڑ طالب کوں لبھڑیں جئیں میکوں ہمیشاں کیتے تخت پوش تے موندھا سٹا چھوڑیا، میں آپڑیں پُبو کو ملنے جئیں یارہاں بال جما چھڑا میڈی ما کوں نہ مار یا بلکہ پورے گھر کوں غمستان بنڑا ڈتاہا۔“

نینگر اُدھر تیج گیا۔ اوکوں فضل اللہ دی کوئی گالہہ وی سمجھ نہ آندی پئی ہئی۔

”کیوں! اتنا کجھ کافی اے ملاقات کیتے یا بیا کجھ دُساں؟“

”میں تیکوں متہم صاحب کنیں گھن چلداں، باقی دیاں گالیں اُتھائیں وُنج کریں۔“ اے آکھ تے نینگر نے اوندے سجے ہتھ وُنج ہتھ پاتاتے اُوں پاسے ٹریبا جتھاں کہیں ویلے مولوی عبدالحنان دا گھر ہونداہا۔ فضل اللہ مسکیتے نینگر دے ہتھ وچوں ہتھ چھڑواتے اوندے نال ٹریبا۔

متہم داسن تے اوندے بُت وُنج اُو سارے قرضے جاگ پئے جنہاں دے چکاوَن دا ویلا آن پہنچیاہا۔ آج توں پنجوی سال پہلے پنجاہ پچو پنجاہ دا مولوی عبدالحنان ہن پنچبھتر اسی دے پیٹے وُنج تاں ضرور ہوسی۔ نفرت دی ہک سیڑھ اوندے تن بدن وُنج سریراں تاں کھڑی کریندی پئی ہئی پر دشمن دے بڈھیے دا سوچ تے دل نہ کرینداہا جو اُو اوندے کنوں بدلہ گھنے بھاویں جو اُونے اوندی حیاتی کوں جیندے جی دوزخ وُنج پاتے اوکوں ہک ابجھی جنگ دابل بنڑا ڈتاہا جتھ اوندی حیثیت ہک وکانڑیں ہوئے جنگجو توں زیادہ کوسناہئی۔ پر اے لوکاں کیتے لڑی گئی ایں جنگ وُنج پوری دنیا توں کٹھے کیتے گئے کرائے دے قاتل وی ہن پر سرائیکی وسیب وچوں

افغانستان بھیجے گئے ہزاراں مراد ادا دی حیثیت اُناں کرائے دے قاتلاں توں وی بدتر ہئی۔  
 فضل اللہ کوں اُتھائیں وُج تے زندگی وِچ پہلی داری افغانیاں دے سلوک نال سمجھ آئی جو تنخواہ  
 دار سپاہی، کرائے تے گھدے ہوئے قاتل تے زر خرید جنگجو وِچ فرق کیا ہوندے۔ جتھ سو  
 فیصد موت دا یقین ہوندا ہا اُتھ زر خرید کوں بھیجیا ویندا ہا، جتھ محض امکان ہوندا اُتھ کرائے  
 دے جنگجو آں کوں پٹھیا ویندا تے جتھ چھڑا مال متاع و لالہ نوڑاں یا قیدیاں کوں کوہن دی کھیڈ  
 کھیڈیں ہوندا تاں آپڑیں بندیاں کوں اگوں کیتا ویندا۔ فضل اللہ حیران ای رہیا جو اے کیہڑا  
 جہاد اے جیڑھا کرائے دے قاتلاں تے زر خرید جنگجو آں کوں اگلے مورچیاں تے بھوجی  
 ڈے تے کیتا ویندا پئے۔

متہم صاحب دا گھر فضل اللہ دے سامڑیں ہا۔ او کوں اوڈیہاڑا آج وی یاد ہاں جڈاں جو اودھچر  
 طالب دی دھاں چاتے مولوی عبدالحمنان دے گھر آن وڑیا ہا۔ پر ہن گھر دیاں کندھاں اُچیاں  
 تھیں چکیاں ہن تے چوی گھنٹے کھلے ر ہن والے لکڑ دے پھانک دی جاتے لگیا لوہے دا گیٹ  
 اندروں بند ہا۔

”کیندا ڈر پئے گئے متہم صاحب کوں! سینکڑاں طالباں دی زندگی برباد کرن والے کوں آپڑیں  
 زندگی کڈن توں پیاری تھی گئی اے؟“ فضل اللہ کوں وٹ تاں بہوں چڑھیا پر اے سوچ تے  
 چپ رہیا جو شہادت بذمے وِچ موت کو نیڑے ڈیکھ تے زندگی نال پیار و دھ ویندا ہو سی۔  
 ”اللہ کرے اُتھ ہوں ڈیہاڑے طرحاں قاری صاحب وی بیٹھا ہووے تے نائب متہم وی، او  
 سبھے او کوں بکی جا مکرن تے ڈیکھ سگن جو کہیں پرانے پُتر کوں چار لگیاں کیتے ایڈی وڈی جنگ دا  
 بل بنزاں تے وِج نال اوں بال تے کیا گزردی اے۔“

کئی واری اونے اے وی سوچیا ہا جو جیندیاں پاکستان وِچ دامن وِچ مل گیا تاں اُناں ساریاں کوں  
 او ایویں چُن چُن تے مریسی جیویں افغانستان وِچ اوندے سنگتی طالباں کوں چُن چُن تے ماریا  
 کیا ہا۔ اوندے کیتے حیرت دی گالہہ تاں اے ہی جو اُناں کوں چھڑا روسیاں نے نہ ماریا ہا بلکہ

روسیاں دے وئجن توں بعد جنیں ویلے مجاہداں دے مختلف جتھیاں نے کابل تے قبضے کیتے آپس وچ جنگ شروع کیتی تاں پاکستان وچوں ویتچے گئے انہاں غلام مجاہداں دا ڈھیر جانی زبان تھیا۔ جیڑھے بچ گئے انہاں دا تختہ ۱۹۹۶ء وچ طالبان دی حکومت بنزن تے چو یا جو کوئی یقین ای نہ کریند اہا جو اوہن وی شمالی اتحاد دے احمد شاہ مسعود نال بہن یا او ندے مخالف گلبدین حکمت یار یا حامد کرزئی نال۔

کہیں کہیں ویلے جڈاں کوئی دشمن قیدی نہ تھیند اتاں چھڑا موت دا تماشا لاون کیتے انہاں وچوں کہیں ہک کون پکڑتے ذبح کرن توں بعد جنیں ویلے پورے بُت دا خون نکل راہند اتاں اوندی شہ رگ وچ پٹرول بھرتے تیلی لاڈتی ویندی۔ سرکپی لاش دے انگ انگ وچ بھا بھڑکدی تاں لاش چو چوتے پھڑکدی۔ ایکوں ”ر قص بسمل“ داناں ڈے کراہیں سارے محکے پٹاکے مارن دے نال نال ہوائی فائرنگ وی کریندے تے جنیں ویلے خوشی آپڑیں عروج تے پہنچدی تاں اوبد نصیب دی سری نال فٹ بال کھیڈی ویندی۔ ویب توں گئے انہاں غلام مجاہداں کون کجھ پتہ نہ ہوند ا جو کل کیندی سرکپی لاش دا ”ر قص بسمل“ ڈٹھا ویسی۔

آپڑیں آپ کون انہاں آقاواں توں بچاؤن کیتے غلام مجاہداں دی پوری کوشش ویندی جو جان مارتے روز کوئی نہ کوئی سمجھا قیدی قابو کیتی رکھن جیندے پاروں انہاں دی جان بچ رہی ہووے پر ول وی کڈھائیں نہ کڈھائیں انہاں وچوں کہیں بد نصیب دی واری آری ویندی کیوں جو چھوٹی کنوں چھوٹی غلطی گول تے وڈی کنوں وڈی سزا دیوڑاں انہاں واسطے کوئی مسئلہ ای نہ ہا۔ بس کہیں ہینڈیں دا پکڑ وچ آوڑاں ضروری ہوند اہا۔ جنیں ویلے وی کوئی سمجھی نوبت آندی تے فضل اللہ امکانی موت کنوں بچ نکلتاں سوچیندا ضرور جو انہاں ویتچے گئے مجاہداں وچوں آج کہیں مولوی عبدالحمنان، کہیں قاری یا کہیں نائب متہم دا پتر بھرا ہوند اتاں انہاں دے دل تے کیا گزردی جنیں ویلے اوندی لاش اتھ کاں کتے کھاندے تے اتھ پاکستان وچ انہاں کون مبارک کاں ڈتیاں ویندیاں جو انہاں دا پتر شہید تھی گئے۔ نہ صرف مبارک کاں بلکہ اوندی غائبانہ نماز

جنازہ پڑھاتے اُنّاں کوں وی بے مسکین ماپو طرھاں جنت دی بشارت ڈتی ویندی تاں جو باقی دی عمر اُوہیں بشارت تے ای خوش راہون اے سوچے بغیر جو اُنّاں کوں جنت دی بشارت دا موجب خود کیسو جی موت مر یا ہو سی۔ پر کیتھوں! اتیجھی سوچ دے آون تے وی نلا کول تقدیس دا گوپا ہوندا جیرھا اکھیں دے نال نال دماغ تے وی چڑھا ڈتا ویندا جو کوئی اتیجھی جاآن کجی نہ راہوے جئیں وچوں حقیقت دی ہوا ای لگھ سکے۔

افغانستان وچ کمر دے محاذ تے لڑ دیاں ہویاں فضل اللہ کوں ہک مجاہد سنگتی ڈسیا جو ویب دے نینگر چھوہرتے چھوہریں ہمیشہ کنوں چڑھ مار کرن والیاں دانشانہ رہ گن۔ اتھ جیرھا وی حملہ آور آئے اونے نینگراں کوں باہنی تے باہنا بنڑا آپڑیں ملکاں وچ وی بچیا۔ سکندر مقدونی کنوں لاتے محمود غزنوی تے شہاب الدین غوری سبھڑائیں نے ایہو کم کیتا۔ غزنوی دور وچ تاں ملتان وچوں اتنے نینگر چھوہر چھوہریں غلام تے کنیزاں بنڑاں غزنی بھجوائے گئے جو تاجراں کوں سمجھ نہ آندی ہئی اُو ملتان آئے وِڈن یا غزنی گئے وِڈن۔

فضل اللہ سوچ وچ پئے ویندا جو ساڈے آج دے بردہ فروشاں کنوں اُوہے اگلے زمانیاں والے سکندر، غزنوی تے غوری وی بھلے، اُنّاں دی غلامی وچ جیون دی آس تاں راہندی ہئی، ہن تاں اُو وی کا کئی جو اُنّاں کوں محض کجی بھونی دی مار دے طور تے یقینی موت واسطے وی بچیا گیا ہا۔ ”کیجھے لوک ہن اے ساڈے آپڑیں جو قتل تھیون واسطے آپڑیں نینگراں کوں پرانے ملکاں وچ اوپریاں دی آپس دی جنگ کو جہاد دانّاں ڈے تے وچیندے رہ گن، اِنّاں کنوں تو اُوہے چڑھ مار والے وی چنگے جو قیدی بنڑاں اگوں تے وچیندے ہن، دھوکا ڈے کراہیں تاں نہ گھن ویندے ہن۔“

نینگر نے گیٹ کھڑکا ون دی بجائے تھبے دی اوٹ وچ لگی ہوئی بجلی آلی گھنٹی تے بٹن تے انگل رکھی تاں ایندی اواز کیتھائیں پروں سنوں آندی محسوس تھئی۔ فضل اللہ وی آپڑیاں سوچاں وچوں باہر آتے مراد بنڑن دی کوشش کرن لگیا پر متہم دے درتے آتے ہن داوندے کنوں

مراد بنڑناں مشکل پیا لگدا ہا۔ اوول ول مراد دی جون وچ آون دی کوشش کریندا پر اندر دے کڑا ہٹ اوکوں مراد بنڑن نہ ڈیندی پئی ہئی۔ اونے سر چھنڈ کیا تے ایں طرحاں آپڑیں آپ کوں آپڑیں کھمباں وچ لکا گھدا جو لگے ناں او کیتھوں کیتھوں پھنڑاے تے کیتھوں کیتھوں کپیا ٹکلیا ہوئے۔

ڈوں ترے واری دی گھنٹی دے بعد گیٹ کو اندروں کھولن دی آواز آئی۔ فضل اللہ پوری طرحاں تیار ہا جو پنجوی سالان بعد اوں شخص کو ڈیکھ سکے جیڑھا اوندی آج دی ایں حالت دا ذمہ دار ہا۔

گیٹ ہک نوڈا سالان دے بال نے کھولیا ہا۔ اوندی نگاہ فضل اللہ تے پئی تاں چھرک گیا۔ جے او نینگر اوندے نال نہ ہووے ہاتاں شئیٹ او گیٹ ولد ابند کرتے جھج ونبے ہا پر سنا پو نینگر کوں ڈیکھ تے لحظے کھن واسطے رک تاں گیا پر اوندیاں خوفزدہ نگاہیں ول ول فضل اللہ آلے پاسے اٹھدیاں پیاں ہن۔ فضل اللہ کو لگیا جو ہن آپڑیں آپ کوں کھمباں وچ لکاؤن دا کوئی فائدہ کا ئنی، جو اوندی حالت تھی چکی اے اوندے بعد کھمب کھنڈاؤن وانزیں ای بھلے۔ چھوہر دیاں نگاہیں نے اوندے ایں حالت وچ جیون کوں رد کر چھوڑیا ہا۔

اوندا اٹھدا ساہ نکلیا جو جیڑھی گولی اوندی کبھی بانہہ وچ لگی ہئی او کیوں نہ ڈوں ترے انچ اندر ڈو دل والے پاسے آئی جو ایں روپ وچ جیون دی ساری خجالت، ساری ذلالت ای تک ونبے ہا۔ پنجوی سالان اوکوں ایں طرحاں کہیں نہ ڈٹھا ہا جیوں جو متہم دے گھروں باہر آون والے ایں چھوہر اوکوں ڈٹھاتے یکا ڈٹھی ای ویندا رہا۔

نینگر اوکوں ڈیا جو اے اوپر اتے مشکوک بندہ مدر سے وچ وڑیا ودا ہاتے او اوکوں پکڑتے متہم صاحب کنے پیش کرن واسطے گھن آئے۔ مسلسل فضل اللہ آلے پاسے ڈیدھے چھوہر نے پتہ نی نینگر دی گالہہ سنی یا نہ سنی، بہر حال کجھ لحظیاں بعد او گیٹ اندروں بند کرتے آگی تے جھج کیا۔

کافی دیر توڑیں باہر کوئی نہ آیا۔ نینگر دل ای دل وچ ایس خلجان وچ غرق ہا جو کیوں گھن آئے  
 ایس تے ویلے ایس منحوس دہشت گرد کوں، اودی اکھ نوٹی چا کرے ہا تاں کیا تھی ونجے ہا، اے  
 بانہہ کیا بہوش کیا پٹ ونجے ہا مدر سے دا، ایکوں اتھ گھن آتے اُلٹا آپڑیں گل وچ گلاواں پا  
 کھڑے۔ جنیں ویلے جو فضل اللہ آپڑیں جاتسلی وچ ہا، جنیں درتے اونے کجھ ڈینہہ بعد آونراں  
 ہا اتھ آج آگئے تاں ہیندے وچ ای شاید کوئی چنگائی ہووے۔

کجھ دیر بعد ول گیٹ کھلن دی اواز آئی تاں ہک پنیتری چھتری سالان دے چٹے گورے تے  
 باریش نوجوان نے باہر جھاتی پاتی تے سوال کرن دے انداز وچ نینگر کوں ڈٹھاتے ہک نگاہ  
 فضل اللہ تے وی پاتی۔ نینگر جیڑھا او کوں ڈیکھ مودب تھی چکیا ہا ساری کہانی کھول سنرائی۔  
 نوجوان نے بظاہر سنی اَن سنی کیتی پروڈے گیٹ دی چھوٹی طاقی دے اگوں ہٹ تے اُناں کوں  
 اندر آون دا اشارہ کیتا۔ نینگر نے پہلے فضل اللہ کو اندر و نجن دا اکھیاتے ول خود پچھوں وڑتے  
 طاقی کو بند کر چھوڑیا۔

فضل اللہ اندر وڑیا، نگاہ بھنوائی تاں ٹھڈا ساہ نکل گیا۔ پنجوی سال پہلے دی عمارت کئی واری دے  
 خرچیاں بعد بی وی نکھر آئی ہئی جنیں ویلے جو او خود ہک مس بھٹندے نینگر توں اُجڑے ہوئے  
 وجود دی باری بھک بن تے رہ گیا ہا۔ اندر دے پراہ دا سبزہ بیاوی ساوا تھی چکیا ہا پر گرمی دے  
 سوب اوندے آدھ وچ بنرائی گئی باہون دی جا آگی تے برآمدے دے نزدیک گھائے و نراں دی  
 چھاں تلے چار موڑھے رکھ تے بنرائی گئی ہئی۔

باریش نوجوان اُناں کوں اُتھائیں گھن گیا تے موڑھیاں تے باہون دا اکھ تے خود اندر لے  
 پاسے چلیا گیا۔ فضل اللہ تاں فوراً بہہ تھیا پر او کوں وٹھی آون والا نینگر ہوں احترام دی حالت  
 وچ کھڑا رہ گیا۔

فضل اللہ نے اوندے پاسے سوالیہ انداز وچ ڈٹھاپر ایویں لگدا اپیا ہا جو او اوندے پاسے ڈیکھن وی  
 نی چاہندا۔ فضل اللہ وی دلاں وچ لگے گھادے سونپ ڈودھیاں کرتے بہہ گیا۔ خاصی دیر دی

نجل خواری توں بعد شہوت دے درختاں دی ٹھڈی چھاہ تلے باہون داموقع ملیا تاں فضل اللہ  
 کوں گھلاں آون لگیاں تاں نینگر نے کاوڑ دے نال او کوں پٹ کھڑایا۔ اونے وبل تے اندر لے  
 پاسے ڈٹھاتاں اوہو نینگر آپڑیں کنوں کجھ وڈے ہک بے باریش نینگر نال باہر نکلیا آندے۔  
 ڈوہیں دیاں شکلاں تاں رلدیاں ہن پر فرق ڈاڑھی وچ موجود کجھ کجھ چٹے والاں داہا۔

فضل اللہ کوں گھن آیا نینگر کجھ بیاوی مودب تھی گیا پر فضل اللہ موڑے تے بیٹھارہ گیا۔  
 اندروں آون والے ڈوہیں باریش نوجوان وی السلام علیکم کرتے اوندے سامٹیں پئے  
 موڑھیاں تے بہہ گئے۔ کجھ لحظیاں تیں او فضل اللہ کوں تے فضل اللہ اناں کوں ڈیدھا  
 رہیا۔ آخر وڈے نوجوان نے او کوں گھن آوان والے نینگر ڈو کوڑھی اکھ نال ڈٹھا۔  
 ”سئیں! اے کوئی مشکوک بندہ اے تے مدرسے وڑ کراہیں کہیں واردات واسطے کو گھنداؤ دا  
 ہا۔“ نینگر وڈے نوجوان دے اکھیں داسنیا سمجھ تے وبل گیا ہا۔ وڈے نوجوان نے ہن ہنلائیں  
 اکھیں نال فضل اللہ کوں ڈٹھا۔

”میں کیا واردات کرنی! واردات تاں میڈے نال تھی ہی، پنجوی سال پہلے ایں جا، ایں مقام  
 تے، ایہو پکڑتے گھن آئے میکوں جو متہم صاحب کول پیش کرنے، سڈو متہم صاحب کوں،  
 بیٹھاں میں اتھائیں کر۔“ فضل اللہ نے اکھیں وچ اکھیں پاتے جواب ڈتا۔  
 ”توں گالہہ کر! میں ہی آں متہم ایں مدرسے دا۔“

وہلن دی واری ہن فضل اللہ دی ہی۔ ”پر او مولوی عبدالحمنان؟“  
 ”او کئی زمانے ہا، ہن میں ہاں۔“ بلال الرحمن!



مدرسہ رحمانیہ وستی شہید فضل اللہ پور دے مہمان خانے وچ ہفتہ گزارن دے بعد فضل اللہ آج آپڑیں جان اُتھوں مراد بن تے نکلیا ہا۔ نواں پُولا سلوار، سرتے نواں صافاتے پیراں وچ حلال گاؤے چم دی بنڑی ہوئی کنلاں چھیکویں جُتی، اے سبھو کجھ متہم بلال الرحمن دی مہربانی ہئی۔ ایں توں علاوہ وی اونے ڈوں جوڑے بے سوا سوہنے جے تھیلے وچ پا چھوڑے جیکوں مونڈے نال لٹکایا ونج سنگید اہا۔ خرچے واسطے کجھ رقم دے علاوہ اوندا سب توں وڈا احسان اوندے گھر والیاں وچوں باقی دی بچدی ہک بھین دا پتہ کراڈیون ہا جیڑھی لودھراں دی وستی لال کمال پرانی ہوئی ہئی۔

مدرسہ رحمانیہ وچ جیڑھا ہفتہ گزریا اوہک آنج کہانی ہئی۔ ۱۹۹۶ء وچ طالبان دی حکومت بنڑن تئیں تاں مولوی عبدالحمن تے ہر پاسوں ڈالراں دی برسات رہی۔ لگھ لگھ روپے فی طالب دے ملدے ہر ترے مینیاں دے بعد پنجویں تریہہ طالبان دا گروپ وڈے مدرسے دے نال تے افغان بارڈر دے پار قندھار دے الصدیق تربیتی کیمپ بھجوا یا ویندا جتھاں مختلف ملکاں تے مختلف علاقیاں دے غربت دے مارے ہوئے ہزاراں مسلمان نینگراں کوں کیمونسٹ روسیاں کنوں آپڑاں دین بچاون کیتے ”حق“ دی راہ وچ مارن توں زیادہ مرن دی تربیت ڈتی ویندی ہئی۔

امریکی سرپرستی وچ مختلف ملکوں دے سخت جان تربیت کاراں دی تربیت پاروں صرف ایس  
 ہک کیمپ وچوں ہر سال سولہ توں اٹھارہ ہزار تربیت یافتہ نینگر مجاہدین آپڑیں نوعیت دی  
 خطرناک ترین گوریلا جنگ دا بھوجن بن ویندے۔ ۱۹۷۹ء وچ روس دے قبضے دے خلاف  
 ”آپریشن سائیکلون“ دے ناں نال شروع کیتی گئی ایس امریکی مزاحمت کوں پہلے کجھ عرصے  
 اُونے دنیا تو خفیہ رکھیاتے اناں تربیتی کیمپاں وچ امریکہ نے آپڑیں اسلحے دی بجائے روسی اسلحہ  
 روس دے خلاف استعمال کیتا تے کہانی اے گھڑی جو جذبہ جہاد کوں سرشار مجاہدین بزدل  
 روسیاں کوں اناں دا اسلحہ کھستے اناں دے خلاف استعمال کریندے پن۔ حالانکہ اے او  
 اسلحہ ہاجیرہا ۱۹۷۳ء دی عرب اسرائیل جنگ رمضان وچ روس نے مصر تے شام کو اسرائیل  
 دے خلاف ڈتاہا۔ ویہہ ڈینہاں دی ایس جنگ وچ ڈھیر سارا روسی اسلحہ جتھ اسرائیل نے قابو کیتا  
 تے اُتھ مصر تے شام کول وی بیچ رہیا۔ ۱۹۷۹ء وچ ایہو اسلحہ امریکہ نے مل گھن کراہیں افغان  
 تربیتی کیمپاں وچ پُجا ڈتا۔ پر جڈاں مراد ۱۹۸۶ء وچ ایس کیمپ پہنچیا تاں صدر ریگن دی تبدیل  
 شدہ پالیسی توں بعد نواں امریکی اسلحہ وی اناں کیمپاں وچ سپلائی تھیون شروع تھی گیاہا۔  
 الصدیق کیمپ آون توں بعد جیڑھی پہلی تبدیلی مراد دی ذات تک آئی او اوندے ناں دی  
 تبدیلی ہئی۔

ہن او محمد مراد دی بجائے فضل اللہ ہا۔

بہوں مشکل ہا محمد مراد توں فضل اللہ بنزنا پر جئیں ویلے عرب تے افریقی ملکوں وچوں آئے  
 ہوئے مجاہدین نال آؤ جی تھئی تاں اناں دے ناواں کوں سُنز دے ہوئے او کوں آپڑاں ناں  
 عجیب تے اوپر الگن لگ گیا۔ اُتھوں مرتے نکلن دایقین تھیون توں بعد او اوئیں وی آپڑیں وستی  
 پاؤ لیاں والی شناخت بھل و نجن چاہنداہا۔

ہن اے شناخت ای او ندا سبھ کجھ ہئی۔ جو کجھ اُتھوں او قندھار دے کیمپ چا گیاہا اُتھوں تاں کجھ  
 وی ولاتے نہ چا آیا۔ چھڑا بانہہ کپیل بوتاہا جیندی وستی پاؤ لیاں وچ قبر نہ ہوندے ہوئے وی نہ

صرف تریہوی سال پہلے جنازہ پڑھایا گیا بلکہ اوندی ایڈی وڈی قربانی دی یاد وچ وستی دانناں وی شہید فضل اللہ پور کر ڈتا گیا۔ پر آج اوندی جماندرو شناخت بدلن آلے مولوی عبدالحمن دے پتر بلال الرحمن نے اوندے میلے کپڑیاں تے پُرانے فوجی بوٹاں کوں بھالاتے اوکوں نوں سروں مراد بنڑوان دی کوشش کیتی ہئی۔

مراد کول مراد ہوون دا کہو ثبوت اوندی مادا ڈتا ہو یا سیپ کڈھیا رومالا ہا۔ چنگی طرحاں دھوون توں بعد اوندی تند میل نکلتی تاں سیپ ولد الشک آیا پر فضل اللہ دے کپڑے جُتی ساڑتے آپڑیں جان اوندے ماضی کوں پورتے اوندی قبر بنڑوان دے باوجود فضل اللہ ہوون دا احساس نہ مراد پیا ہا۔ اوکوں ایویں لگدا ہا جو جیس مراد کوں اُو ولدے سروں جیواون دی کوشش کریندا پے اوندیاں تاں ہڈیاں وی گل سڑگن، جیڑھا ہن ڈسدا پے اُو فضل اللہ ای ہے جیکوں مارتے مراد بنڑوان ناممکن اے۔ باقی دی جیون جے کوئی ہے تاں اُو فضل اللہ ای کوں جیونا پوسی، مراد کوں کائناں۔

فضل اللہ ایس گالہہ تے وی حیران ہا کہ بلال الرحمن نہ صرف ملا سڈاون پسندنی کریندا بلکہ آپڑیں پُیو دے نال جُڑی ہوئی ہر شے نال انتہادی نفرت کریندے۔ کجھ خوشامدی اوندی غیر موجودگی وچ اوکوں علامہ صاحب وی سڈیندے ہن پر جیس ویلے اے گالہہ بلال الرحمن تیں پہنچی تاں اونے سختی نال منع کر ڈتا۔ ول وی خوشامدی باز نہ آئے تاں اوندے منع کرن وچ وی اُو سختی نہ رہی۔

سب توں زیادہ چڑا اوکوں پُیو دے نال کنوں چڑھدی ہئی۔ اوندی سوچ ہئی جو اوندے پُیو نے مذہب دے ناں تے کتنے غریب و سببی لوکاں دے جُھگے برباد کرتے لکھلاں روپے جوڑے پر حرام دی ایس کمائی نے خود اوکوں تے اوندے جُھگے کو برباد کر ڈتا۔ بلال الرحمن دی فضل اللہ نال جڑت وی آپڑیں پُیو نال نفرت دے ایریاں تے کھڑی تھئی ہئی۔

اوکوں مراد نال تھئی اُوں زیادتی دی وی سُن گن ہئی پئی جیندے اُتے اوندے پُیو نے چھڑی  
 مجرمانہ اکھ نوٹی ای نہ کیتی بلکہ ہک طرحاں رمضان دچھردی سرپرستی کیتی تے اوندے جرم کو  
 تحفظ دتا۔ شئی اے اوہو احساس جرم ہایا احساسِ ندامت جیندے لہا و نزیں ہن بلال الرحمن  
 لہا وں دی کوشش کریندا پیا ہا۔ اوندی کوشش ایہو ہئی جو فضل اللہ کوں آپڑیں کول مدرسے  
 وچ رکھے تے اوندے اندر موئے ہوئے مراد کوں ول جو ابلہا وے۔ تہوں اُو او کوں فضل اللہ  
 دی بجائے مراد سڈینداتے ہیں نال نال الویندا ہا۔

مراد دی جاتے کوئی بیا ہونداتوں اُو کوں مولوی عبدالحنان دے انجام تے خوشی تھیندی پر مراد  
 کوں نہ تاں کوئی حیرت تھئی تے نہ کوئی خوشی یا ارمان، بس جو اُو نے کیتا سوا وندا بھل چاہا پراس  
 ساری کھیڈ وچ جے کتھائیں کوئی حیرانگی آلی گالہہ ہئی تاں اُو نائب متہم خالد توفیقی دے کردار  
 دی ہئی۔ خالد توفیقی یاراں بارہاں سالوں داہو سی جڈن اُو مولوی عبدالحنان دی شاگردی تے  
 صحبت وچ آیا۔ اے اُو ویلا ہا جڈاں جو مدرسہ حمیدیہ وچ پندراں ویہہ طالب پڑھدے ہوسن  
 جنساں کیتے لنگر چلا و نزاں وی اوکھا ہا۔ علاقے دے زمیندار امداد تاں کریندے ہن پر نک  
 نال لیکے کڈھاتے جو مولوی صاحب ہمیشہ زیر بار راہوے تے اکھ چاتے گالہہ نہ کر سکے۔

اُنوں ڈہناں ہک تنظیم نے یتیم خانیاں وچوں بال کڈھواتے اُنوں کوں آپڑیں مسلک دے  
 دیہاتی مدرسیاں وچ داخل کرادوں داکم شروع کیتا۔ ایں تنظیم دی بظاہر سرپرستی تاں آڑھتیاں  
 دی ملک گیر تنظیم کریندی ہئی پر کجھ نہ کجھ فنڈنگ اُنوں ملکاں وچوں وی تھیندی ہئی جنساں  
 دی پاکستان دے سماجی تے سیاسی معاملات وچ دلچسپی اُنوں دی فارن پالیسی دا حصہ بن چکی  
 ہئی۔ خالد ہاتوں لاہور دے ہک یتیم خانے وچ پر اونداناواں نکلیا جلال پور دی وستی پاؤلیاں  
 دے مدرسہ حمیدیہ کیتے۔ ہک چٹا گورا، ککوریوں اکھیں تے بھورے والاں آلا بال مدرسے آیا  
 تاں صاف پچھا نزیں ویندا ہا جو اُو ایں مٹی دانی۔ لاہور دے یتیم خانے وچ وی اُو نوڈاہ سال  
 گزاری کھڑا ہا۔ کوئی نہ جائز داہاؤ کتھوں داہے تے اوندے مائیو کون ہن۔

سال سوا سال داہوسی جڈاں گلبرگ لاہور دی پلس کون ہک گرین بیلٹ تے روند اہو یا لبھیا  
 تاں اوندے بارے ونجے ہوئے بالاں دی رپٹ کرن توں بعد اوکوں امانتاً خالد دے ناں نال  
 یتیم خانے داخل کراڈتا گیا۔ جنیں ویلے کوئی اوندے پچھوں نہ آیا تاں او یتیم خانے دا حصہ بن  
 گیا۔ یتیم خانے وچ بس گزارے لائق اردو پڑھاون دا بندوبست ہا پیا اتھ اوندے استاد  
 عبدالرزاق توفیقی نے اوندے ناں دے نال توفیقی لاڈتا تے ایں طرحاں او پہلے خالد تے ول  
 خالد توفیقی بن گیا۔

مدرسہ حمیدیہ وچ آون دے بعد اونے جتھ سرائیکی تے عربی سکھی اتھ اوند اپیر اتنا بختاور  
 ثابت تھیا جو مولوی عبدالحنان کوں علاقے دے زمینداراں کنوں فصل منگن دی لوڑ نہ رہ  
 گئی۔ مسلکی تنظیم اتنا کجھ ڈے ڈیندی ہئی جو پنجاب سٹھ بالاں دا خرچہ کڈھ تے وی اتنا بچ ویندا ہا جو  
 کجھ بے مدرساں کوں ملازمت تے رکھراں مسئلہ نہ رہیا۔

مدرس پہلے ہک توں ڈوں تھئے تے ول ڈوں توں چار پر خالد توفیقی ول وی مولوی عبدالحنان دی  
 شاگردی آتے صحبت وچ ای رہیا۔ آپڑیں استاد کیتے متمم مدرسہ دا منصب وی خالد نے تجویز  
 کیتا جیڑھا ہن ڈیدھے ای ڈیدھے ستاراں اٹھاراں سالاں دا سوہنا گھبرو تھی گیا ہا۔ ایندے  
 جواب وچ مولوی عبدالحنان نے خالد کیتے نائب متمم دا منصب بنڑاتے اوکوں بیاں استادان دا  
 نگران مقرر کر چھوڑیا۔ عمراں وچ وڈے تے تعلیم وچ زیادہ استادان نے وٹ تاں بہوں کھادا  
 تے ڈوہائیں دے تعلق تے بہتان طرازی دیاں سازشاں وی کیتیاں پر جنیں ویلے خالد توفیقی  
 دے ہتھوں ہک استاد دی جھٹھی کراتے نواں استاد رکھ گھدا گیا تاں باقی سب کون کو تھی  
 گئی۔ کتھائیں چھوٹا موٹا بال ہاوی پیا تاں جھگ طرحاں بہہ گیا۔

مولوی عبدالحنان کوں خالد توفیقی دے معاملے وچ چھڑی باہروں دی مزاحمت تے سازشاں  
 درپیش نہ ہن، اوندیاں ڈوہائیں ذالیں وی ایں گجھی پکڑ وچ کہیں توں گھٹ ناں ہن۔ جنیں  
 ویلے خالد توفیقی مدرسے داخل کرایا گیا اوں ویلے مولوی عبدالحنان دی ہکو ذال بختاور بی بی ہی

پر او چھری ناں دی بختاور ہئی۔ اُناں ٹہناں غربت وی عروج تے، تے بال بچہ وی کئی سالوں تک نہ تھیا۔ جڈاں جو خالد مدرسے داخل تھیا تاں خوشحالی وی آئی تے مولوی صاحب نے امینہ بی بی نال ڈو جھانکاج وی کر گھدا جیڑھی مدرسے دے ہک استاد دی دھی ہئی۔ کرنا خدا ادا کیا تھیا جو امینہ بی بی کوں تاں اولاد نہ تھئی پر بختاور بی بی نے ترے سالوں وچ ڈوں بال جما کھڑائے۔

مولوی صاحب دی ڈو جھی شادی تے کجھ ڈیہاڑے تاں بختاور پھوکی توکی رہی پر جنیں ویلے ڈوں پتر جا گھد وئس تاں ڈوہائیں ذالیں وچ قربت ودھ گئی۔ ایں قربت داسبب اُناں دی خالد نال نفرت ہئی جیڑھا گھر آون توں بعد وی مولوی صاحب دے نال جڑیا رہندا۔

معاملات گھر دے ہووَن یا مدرسے دے جنیں ویلے ہر جا خالد توفیقی دی چلن لگی تاں پہلے مسئلے پیدا تھئے، ول ودھے تے چھیکڑ وچ نوبت ہاں یا ناں تے پہنچ گئی۔ بختاور بی بی ڈوں بال جاتے سودے بازی دی بہتر پوزیشن وچ ہئی تے امینہ اوندے نال لہذا مولوی صاحب کوں صاف صاف آکھ ڈتا گیا جو جنیں ویلے گھر آسوتاں خالد نال نہ آسی۔ ڈو جھے پاسے جنیں ویلے خالد آپڑیں کنوں وڈی عمر اں دے استاد اں دی ہر گالہہ تے پکڑ کرن لگیا تاں کجھ استاد استعفیٰ ڈے مدرسہ چھوڑ گئے۔ ہند جیڑھے نویں آئے او آپڑیاں شرطاں دی بجائے خالد توفیقی دیاں شرطاں تے آئے۔

مولوی صاحب نے ہک پاسے ذالیں دی مَنی تے ڈو جھے پاسے مدرسے دے معاملے آپڑیں ہتھ وچ گھدے تاں خالد توفیقی نے مدرسہ چھوڑن دی عرضی پیش کر ڈتی جیڑھا ہندو بیہہ باہوی سالوں داکٹرا نینگر تھی گیا ہا۔ تجربہ اوندے کول اتنا ہا جو آپڑاں مدرسہ بنزاون دے نال نال چنگی بھلی تنخواہ تے کہیں وی مدرسے کوں زمین توں چاتے آسمان تیں پُجاسگد اہا۔ سب توں اہم گالہہ اوندی کمپیوٹر استعمال کرن دی صلاحیت تے جگ جہان دیاں عطیات ڈیون والیاں تنظیمیں نال رابطے ہند جیڑھی وجہ نال مدرسہ حمیدیہ تے فنڈنگ دی اتنی بارش ہئی جو اوجھ دے خطبیاں وچ مقامی زمینداراں دے نال نال پلس تے انتظامیہ کوں وی اکھیں ڈکھاوَن

لگ پیا ہا۔ اے توفیق وی خالد دے سبب ہئی جو پُخت چھکے تے رکھن والے زمیندار تے بے دید  
انتظامیہ اوندے اگوں پچھوں پھرن لگ پئی ہئی۔ او بھلا کیویں خالد کون کتھائیں و نجن  
ڈیندا۔ اونے ساریاں مجبوریاں خالد دے اگوں چار کھیاں۔ خالد توفیقی نے استاد دیاں اکھیں  
وچ بنجو ڈٹھیاں تاں خود وی رووَن ہاکا تھی گیا۔ پلستھی مارتے بیٹھے استاد دے قدماں کون بوسہ  
ڈے کراہیں بولیا۔

”بس ایں نکی جئی گالہہ نے میڈے مرشد کون پریشان کر ڈتے! تاساں میڈا آکھا منوتاں سب  
کچھ میڈے تے چھوڑ ڈیو، جے ہک ہفتے وچ ہر پاسوں خیر دی خبر نہ آوے تاں میکوں بختیاں مار  
کڈھ چھوڑائے۔“

مولوی عبدالحمنان نے حیران تھی تے خالد کون ڈٹھا۔

”بس ہک شرط ہے جو میڈے کہیں معاملے وچ دخل نہ ڈیسو۔“

مولوی عبدالحمنان نے بنجواں نال پُسیاں ہویاں اکھیں نال گچی تلوں تے ہلا ڈتی۔

خالد توفیقی نے پتانی کیا کمال کیتا، ہر پاسے امن امان تھی گیا۔ مولوی صاحب دیاں ڈوہائیں  
ذالیں جیڑھیاں خالد داناں نہ گھسنن چاہندیاں ہن، ہن اوندیاں تعریفاں کریندیاں نہ  
تھکدیاں ہن تے جیڑھے استاد اوندی ہر ویلے دی پکڑ تے ناخوش ہن اوندے حسن انتظام تے  
انتظامی صلاحیتاں دے معترف تھی چکے ہن۔ مولوی عبدالحمنان آنج پریشان تے حیران جو  
ڈوں چار ڈھنساں وچ ابجھاتھیا کیا اے جو زمین اسماں تے اسماں زمین تھی گئے۔

”استاد جی! میں کچھ وی نی کیتا، چھڑا تہا ڈے گھر آون چھوڑے تے پیہیاں تے اناں چیزاں دی  
برسات کر چھوڑی اے جو جنساں کیتے اولو بھدیاں راہندیاں ہن۔“

”تے استاد صاحبان؟“ مولوی صاحب دے لہجے وچ خوشی والی حیرت ہئی۔

”استاداں دا کیا ہے، چھڑی اناں دی عارضی طور تے پکڑ چھوڑ ڈتی اے تے تنخواہ دے معاملے  
وچ کچھ ابجھے وعدے کیتین جیڑھے کڈھائیں پورے نی تھی سگدے۔“

مولوی صاحب مُک پیاتے اگو نہا تھی کراہیں آپڑیں شاگرد کوں ہاں نال لاتاتے اوند امتھانم گھدا۔

اے سبھے گالیں مراد کوں بلال الرحمن نہ ڈیاں، اوتاں پُودے ذکر تے ای موضوع بدل گھندا ہالکے اے تاں مدرسے دے موجود اُستاداں وچوں ہک قاری طیب نے چھی راتیں دی مسلسل پھرول دے بعد اوکوں بہہ سُنڑایاں۔ قاری طیب کوں پہلے تاں مراد تے اعتمادی کاٹناہا پر جئیں ویلے سُن بیٹھا جو مولوی عبدالحمن نے اوندے نال کیا زیادتیاں کیتیاں تے ہن دامتہم بلال الرحمن اوندی کیویں عزت کریندا پے تاں اوندے ہولے ڈاڈھے رات عشا دے بعد تھیون والی صحبت وچ حال حویلا ٹوٹے بٹکے کر سُنڑیندا ریہا۔

چھہر کی تاں مراد دی اُوں ویلے نکلتی جڈاں اوکوں پتا لگیا جو لگ بھگ بارہاں سال پہلے خالد توفیقی آپڑیں اُستاد دیاں ڈوہیں افغانی ذالیں نسا تے افغانستان جھج گئے۔ مزے دی گالہہ اے ہی جو پہلے اوئیں مولوی عبدالحمن دیاں ڈوہائیں وڈیاں ذالیں دا اعتماد حاصل کر اُناں کوں آپڑیں پے دے خلاف بھڑکیندا ریہا تے جئیں ویلے اُناں مولوی صاحب دیاں ناساں وچوں دھوں کڈھا وں شروع کیتا تاں اوکوں کوٹ چاند نہ کیمپ وچوں ڈوہیں افغانز پر نیجین دی پھٹکی ڈٹی، جئیں ویلے اُو افغانز پر نیج آیا توں ڈوہائیں وڈیاں کوں طلاق دی صلاح وی اوندے ڈٹی تے اُناں کنوں آپڑاں پُرا نزاں بدلہ چکا گھدا۔

ایویں ہک ہک کرتے جتنے وی پُرا نزیں اُستاد ہن، اُناں کوں مٹھا بن تے نوکری توں فارغ کریندا آیا تے ایں دوران پتانی کیہڑے ویلے ڈوہائیں افغانز نال رس پتے جوڑیے تے ہک رات چنگی بھلی مڈی ویہڑ کراہیں ڈوہیں کوں بھجا ویندا تھیا۔

مراد نے قاری طیب کوں بہوں کھتوریا جو مولوی صاحب دامتہم ناکیویں مکیا پر ایں توں ودھ اُوی نہ ڈسیندا ہا جو ڈاہ یارہاں سال پہلے اوشمالی وزیرستان گیا تے ول واپس نہ ولیا۔ سُنڑیج ایہو تھی

جو کہیں خود کش حملے وچ ماریا گئے، کیوں جو چھڑی خبر آئی، لاش ہالی تیں کہیں نی ڈٹھی۔ کوئی  
گوشت دی گنڈھڑی ہی جیکوں اُتھائیں کتھائیں بے لاڈتا گیا۔



بلال الرحمن نے بھادویں جو فضل اللہ کوں مراد بنڑوان کیتے اوند اخط ٹھپوایا، لمبے چوٹریں کپوا  
 حجامت کروائی پرؤل وی جنیں ویلے اوؤستی دے ویگناں والے اڈے تے پہنچیا تاں اُتھ بیٹھے  
 لوکاں وِچ رلدانہ پیاہا۔ صاف لگدا ہا جو جوان اتھوں داکا سنی۔ منہ مہاندرے تے جیویں عجیب  
 جیا کر اڑھاؤئیں ہڈت وِچ وی کہیں بئی قسم دی سختی ہئی۔ اوئیں جیویں وان دی وُنی ہوئی کھٹ  
 دی وڈوانی کوں چنگے بھلے وٹ ڈے تے جھکو چا۔ بوتے وِچ کیتھاؤں خم، نہ ملائمت نہ عاجزی  
 تے نہ کوئی جھک نوائی دلا پچھاواں۔

ویگن دے انتظار وِچ کھڑے ہوئے لوکاں نال وِچ تے کھڑیا تاں اوایکوں ڈیکھ کراہیں ہو لے  
 ہو لے ایڈے اوڈے تھی گئے۔ تھک گیا تاں چادے کوکھے تے پئی بیٹج تے باہون لگیا تاں  
 ڈیدھے ای ڈیدھے بیٹج دے نال نال کھوکھاوی خالی تھی گیا تے گاہک پرو بھرے تھی بیٹھے۔  
 اونے کھوکھے والے کنوں چا منگی تاں اونے اے آکھ تے پیسے گھنن توں انکار دِتا جو تَساں  
 ساڈے مہمان اوتے ول جلدی جلدی گیس والا اسٹو و بند کر، بسکٹ خطایاں والے ڈبے سانہ  
 کھوکھے دے بچھوں وِچ تے وٹوانا کرن بہہ گیا۔

فضل اللہ کوں سمجھ نہ آندی پئی ہئی جو لوک اوندے کنوں کیوں ڈردے پن۔ ایہو گویر  
 کریندے ہوئے اونے چادا جھیکڑی گھٹ بھریا تے پیالی کو بیٹج تے رکھیندے ہوئے سج ہتھ

نال کھیسے وچوں نساوردی دلی کڈھی تے اوکوں ڈوہائیں گوڈیاں وچ بھساتے پہلے کھو سچے ہتھ دی تڈ نال اوند اڈھکن لہایا تے ول وڈی ساری چونڈھی بھرتے منہ وچ کھبے پاسے زبان دے تلے رکھیس چا۔ کبھی گلہ تے ڈاڑھی دے وال ہوندیاں وی ایویں لگدا پیا باجیویں منہ وچ ڈوں ترے بلور کٹھے رکھی بیٹھا ہووے۔ ایس دوران اوندی ارک تیں کچل ہوئی کبھی بانہہ آپ کنوں آپے ایویں ہلد رہی تاں پرے پرے بیٹھے ہوئے لوکاں کوں اے وی پتہ لگ گیا جو اے پشتو نما سرانیکی بولن والا بانہہ کپیا بندہ ضرور کوئی دہشت گرداے۔

فضل اللہ ہالی نساوردے ٹھنگوردی چس چیندا ای پیا باجو کناں وچ وگیں آون دی آواز آئی پر اے وگیں اُونہ ہئی جیندا اوکوں انتظار ہا بلکہ اے تاں پلس دا ڈالہ ہا۔ بھاویں جو ڈرائیور توں علاوہ ڈالے وچ پلس دے ڈوں سپاہی ہن پر ول وی اتھ بیٹھے ہوئے لوکاں دی جان وچ جان آگئی۔ فضل اللہ پلس دی آمد دی وجہ کنوں بے خبر ولدی اکھ میٹھتے باقی دی آن گھلی نساورد کوں زبان دے زور نال گھولن بہہ تھیا۔

فضل اللہ کوں ڈیکھ تے پہلے تاں ڈوہیں سپاہی آجھکے تے اکھیں اکھیں وچ اوندے کول موجود اسلحے دا اندازہ لاون لگے پر جنیں ویلے ڈٹھوئے او مشکوک بندہ مست بیٹھے تاں جھج تے قابو کر گھدو نیں۔ ایس اچاچیت مصیبت نے فضل اللہ کوں بلا ڈتا۔ ایس توں پہلے جو آپڑیں جنگی تربیت دا قلمہ چیندا، اوندی کبھی بانہہ دانہ ہونزاں اوکوں ہینزاں کر اگیا تے سپاہیاں نے اوکوں قابو کر گھدا۔ فضل اللہ نے پشتو وچ پتہ نی کیا کچھ آکھیا، سرانیکی وچ وی بہوں الانزاں، پر جھوٹے جیڈے ڈوہیں سپاہیاں نے قابو کریندے کریندے اوندایت دی ٹٹول گھدا۔ جنیں ویلے یقین تھی گیا جو ایندے کول کچھ کائنی تاں چاتے ڈالے وچ سٹیونے سدھے پلس چوکی روانہ تھی گئے۔ وگیں سٹینڈ تے پرو بھرے تھیاں سواریاں وچ ہک نے اکڑتے باقی ڈو ڈٹھا جیویں موبائل فون تے پلس کوں اطلاع کرن دی شاباشی دا تقاضا پیا کریندا ہووے۔

فضل اللہ چوکی پہنچیا تاں تھانے جلال پور دالیں ایچ اوتے ڈی ایس پی وی اُتلے افسراں کوں  
اطلاع کرتے چوکی آپڑ چکے ہن۔ وستی وچ خبر ملی تاں خلقت چوکی دے باہروں جمع تھی گئی۔  
کہیں وی ممکنہ ناخوشگوار صورت حال توں بچن کیتے چوکی دادر وازہ اندروں بند کر ڈتا گیا۔  
باقاعدہ تفتیش توں پہلے ہک واری ول فضل اللہ دی جامہ تلاشی تھئی پر ہک نسوار دی ڈبلی، ڈوں  
ہزار روپے دے نوٹ تے ہک ململ داپر اناصافا کتنا جیندی نکر تے وڈا سارا سیپ کڈھیا ہویا ہا۔  
اوکوں ہالی تیں سمجھ ای نہ آندی پئی ہئی جو اوندے نال اے کیا تھیندا پے تے کیوں تھیندا  
پے۔

جیویں تلاشی کمی تاں اوندے نال، ولدیت، جائگانا تے شناختی کارڈ بارے بچھ گچھ شروع تھی  
گئی۔ اوندے لکھ ڈسایا جو اونداناں محمد مراد، پیو دانان فقیر پاؤلی تے ہیں وستی پاؤلیاں دار ہن والا  
ہاں پر کوئی وی اوندی گالہہ تے یقین نہ کریندا ایسا ہا۔ یقین نہ کرن دیاں اوکیں تاں کئی وجوہات  
ہن پر اوند اُترٹی بھنی سرانگی بولیندے بولیندے یکدم روانی نال پشتو بولنزاں، کوئی شناختی  
کارڈ دانہ ہوون تے ول ول آپڑاں لکانا وستی پاؤلیاں ڈسنزاں پلس کوں ہضم نہ تھیندا ایسا ہا۔  
کیوں جو ایں وستی دانان تاں تریہوی چوکی سال پہلے داشہید فضل اللہ پور تھی گیا ہاتے اتھ پلس  
چوکی وی ہیں نال بنزی تاں ول کون ہے جیڑھا آج وی ایکوں وستی پاؤلیاں والی  
سڈیندے۔

فضل اللہ لکھ ڈسایا جو اوند اگھر وستی دے سمجھ اُبھار والے پاسے ہاپر پلس کیتھوں منیندی کیوں  
جو سمجھ اُبھار والے پاسے تاں عرصے دی بہوں وڈی مارکیٹ بن گئی ہئی، اتھ کہیں داگھر کیتھوں  
آیا۔ طے تھیا جو وستی دے ناظم تے علاقے دے پرائیز نمبردار کو سڈا تے اوندی گالہہ دی  
تصدیق کیتی ونجے۔ ناظم آیا، اوکوں مراد دے سامڑیں کیتا گیا پر جیندی آپڑیں عمر تریہہ  
سالاں توں اُتے نہ ہئی اُو اوکوں کیتھوں سخریندا۔ ایہو حال نمبردار دا ہا۔ کہیں اکھیا جو موجودہ  
نمبردار دا ڈاڈا نمبردار جیندا ہے، اوکوں چوکی سڈایا ونجیں۔

ڈاڈا نمبردار کوئی اسی سالوں دا بڈھڑا تے ہک مد کنوں کھڑے تے پیا ہئی۔ اوکوں چواتے چوکی گھن آئے پر کالے موتیے د امر یض، اووی فضل اللہ کوں نہ سجاڑن سگیا۔ ہاتنی تصدیق ضرور کیتس کہ فقیرے پاؤلی دا گھر ہیں وستی وچ ہا جیڑھا کڈو کڑاں مر گیا۔ ذال پہلے رضا تھئی ہوئی ہس تے آٹھ نو پتر سارے دے سارے افغانی مجاہد بن اٹھائیں مارے گئے۔ ڈاڈے نمبردار اے وی ڈیا جو جڈاں اوند اپہلا پتر فضل اللہ افغانستان وچ مار یا گیا تاں اوندان غیبی جنازہ اُونے وی پڑھیا تے ول بچھے مولوی عبدالحمنان دی تجویز تے وستی دانان وستی پاؤلیاں توں وستی شہید فضل اللہ پور تھیا۔

ڈاڈے نمبردار نے فضل اللہ دانان گھدا تاں مراد پٹ اٹھیا جو اوہو ہے فضل اللہ۔ اوندی ایس گالہ تے ڈی ایس پی بہو تیا تے نال کھڑے مراد کوں تھپ مارن لگیا پر اے سوچ تے جھلیج گیا جو اوندے تاں ہک ہتھ وچ ہتھ کڑی ہے، ڈو جھے ٹنڈ نال کہیں کوں وی کوئی دھک پھٹ مار ڈتس تاں کیا بنڑی۔ ایس ایچ او آپڑیں صاحب داموڈ سمجھ گیا تے ڈاڈے نمبردار کوں روانہ کرتے مراد کوں ولد اتفتیش والے کمرے وچ گھن آیا تے کُرسی نال ایس طرحاں بدھ بلہایا جو پیرتے لتاں کُرسی دیاں جنگھاں نال تے دھڑٹکی نال۔ مراد لگھ بھٹکیا پر پلس دی ایلٹ فورس دے ٹیٹن جو آناں نے ہتھکڑی والی بانہہ بچھوں تے مروڑتے اوکوں وی کُرسی دی ٹکی نال بدھ چھوڑیا۔

”اچھاتے توں ہمیں شہید فضل اللہ؟“ ڈی ایس پی نے چباڑیاں کوں کڑکیندے ہوئے بچھیا۔

”جی! میں ہاں فضل اللہ۔“ مراد نے ولد دی بھٹکاری ماری پر پھٹک نہ سگیا۔

”میں شہید فضل اللہ بارے بچھدا پیاں، جیندے ناں تے ایس وستی دانان اے۔“ ڈی ایس پی کیتے کاوڑ جھلنی مشکل تھیندی ویندی اہئی۔

”میں ای ہو ساں! باقی دی گالہ تاں، مولوی عبدالحمنان کو پتا ہو سی۔“ مراد کوں سمجھ نہ آندی پئی ہئی جو انان پلسیاں کوں کیویں سمجھاوے۔ اوکوں رہ رہ تے قندھار جیل وچ گزرے ڈینہ

یاد آندے پے ہن جتھاں ایں طرحاں کاں کوڑا کرتے بندی خانیاں وچ سٹیاویندا جو گھوں متر،  
ای آپڑیں آپ نکلدارا ہندا۔

”توں شہید کیتھوں تھی گیوں! بیٹھاتاں میڈے سامڑیں ایں۔“ ڈی ایس پی کوں رہ رہتے  
مکئی چڑھدی پئی ہئی۔

”شہیدتاں میں وی تھی گیا ہم پر ول نچ پھوم۔“ مراد نے ول سمجھاؤن دی کوشش کیتی۔  
”اے کڈن دی گالہ اے؟“ ڈی ایس پی کوں شارت نال اجازت گھن کراہیں ایں پھیری  
ایس ایچ او بچھیا۔

”تھوڑے جیہاڑے تھئے ہوسن۔“ مراد نے کجھ سوچیندے ہوئے جواب دتا۔  
”وئے میں اوں فضل اللہ بارے بچھدا پیاں جیڑھا ترہیہوی سال پہلے افغان جنگ وچ شہید  
تھیاہا۔“ ڈی ایس پی ول دواہائیں ہتھاں نال سر پکڑتے بہہ تھیا۔

”اوندا مولوی عبدالحمنان کوں پتا ہوسی۔“ ایں واری مراد نے جان چھڑواؤن دی کوشش کیتی  
پر کیتھوں۔ ڈی ایس پی نے اٹھی تے مراد کوں تھپے مارن دی کوشش کیتی پر ایس ایچ او نے  
اوں کوں جھلیندے ہوئے ایویں ہولے ہولے کنر پیا چھوڑیئیں جو سیئیں خیال کرودہشت گرد  
اے، کیتھائیں تہاڈی ہک چماٹ پوری چوکی کوں نہ گھن لاہوے۔ ڈی ایس پی ول داکر سی تے  
بہہ گیاتے ہتھ نال اشارہ کیتھیں جو ہن توں بچھ۔

”تیدناں مراد ہے یا فضل اللہ؟“ ایس ایچ او نے اگو نہا تھی تے آپڑیں جان وڈے تھل نال  
بچھیا۔

”ڈوہیں میڈے ناں ہن، مراد وی تے فضل اللہ وی۔“ مراد کوں نساوردی طلب تھیون لگی  
تاں اوز چکائی تے آگیا۔

”ڈوہیں کیویں ہک ناں دس!“

”میڈے ابا ناں رکھیا محمد مراد پر مولوی عبدالحنان نے میکوں قندھار بھجیندے ہوئے میڈا ناں فضل اللہ کر ڈتا۔“ جواب ڈیندیاں ہویاں مراد نے سر تلوں تے ہلاتے آپڑیں کھیسے ڈوا اشارہ کیتا جو اونسوار کڈھ ڈیوں پر ول خیال آیا جو اوتاں پلس نے تلاشی گھندیاں ہویاں کڈھ گھدی ہئی۔ ول وی اوند اے اشارہ ساریاں کوں پریشان کر گیا تے اُوہک بے کوں ڈیکھن لگے۔ ایں توں پہلے جو کوئی بئی گالہہ تھیوے مراد نے منہ نال ای نوسوار منگ گھدی۔

”تیکوں نوسار دی پئی اے تے ساکوں آپڑیں! پہلے اے مسئلہ حل کر جو توں مراد ایں یا فضل اللہ؟“ ایں ایچ اُونے کاوڑ نال ڈندتاں جھپیڑے پر ول ای کوشش ایہو کیتی جو کوئی پٹھی سدھی حرکت نہ تھیوے۔

”اینے جواب فی ڈیو نزاں! کیوں ناں مولوی عبدالحنان کو سڈتے پوری کہانی پچھ گھدی ونجیں جو اُو کیہڑا فضل اللہ ہاجیرھا قندھار وچ شہید تھی گیا ہا۔“ ڈی ایں پی ہک واری ول کرسی توں اٹھی کھڑا تھیا۔ اوندی گالہہ سُن تے کرسی نال کاں کوڑا تھیا مراد وی کھل پیا۔

”سڈ سگو تاں سڈ گھنو مولوی صاحب کوں! اوکس تاں اوکوں موئے ہوئے وی ڈاہ یار ہاں سال تھی گئے ہوسن، میں آبداجو پیاں میں ای ہاں فضل اللہ جیرھا تریہوی سال پہلے قندھار وچ شہید تھی گیا ہا۔“

تفتیشی کمرے داماحول انتہائی زچکائی آلا تھی چکیا ہا۔ کہیں کوں کجھ سمجھ نہ آندی پئی ہئی جو کیہڑے طریقے نال مراد توں سچ اُگلویا ونجے۔ جے ایکوں فضل اللہ منیندے ہن تاں ول اُو کیہڑا فضل اللہ ہاجیندی عرصہ پہلے قندھار وچ شہادت توں بعد نہ صرف وستی وچ غائبانہ نماز جنازہ تھی بلکہ وستی داناں وی شہید فضل اللہ پور کر ڈتا گیا۔ پلس کوں یقین ہاجو اے فقیرے پاؤلی دے پتر مراد دی بجائے کوئی بیادہشت گرد ہے جیرھا آپڑاں ناں فضل اللہ رکھ تے کوئی وڈی واردات کرن چاہندے۔

ایس توں پہلے جو تفتیش اگوں تے ٹردی ڈی ایس پی دے موبائل فون دی گھنٹی وچی تے ڈوجھے پاسوں کہیں وڈے افسردی چنگی زپیڑ توں بعد محمد مراد کوں انسداد دہشت گردی پلس دے صوبائی تفتیشی سنٹر لاہور پچاون دا حکم ڈے ڈتا گیا۔ شئیٹ ڈاڈے نمبر دار دے آون تے گاہہ چوکی وچوں باہر نکلتی تے ٹی وی چینلاں تے مکر چل گیا۔ ڈی ایس پی نے سکھ داساہ گھداتے ایس ایچ او کوں خوشخبری سنزاتے ملزم کوں فٹا فٹ لاہور شفٹ کرن دی تاکید کرن لگ پیا۔ کچھ دیر پہلے دی زچکائی تے ٹینشن ہوا تھئی تاں ڈوہیں دے منہ تے کھل نہ ماندی پئی ہئی۔ تفتیش دالیکہ تھیونزاں تے ٹی وی چینلاں تے خبر دا آونزاں، ڈوہیں مقامی پلس دے حق وچ گئے۔

جے کوئی پریشان ہاتاں چھڑا محمد مراد۔ پریشانی ایس گاہہ دی نہ ہئی جو اوندا کیا بنڑی تے اوندے نال کیا سلوک کیتا ویسی، پریشانی ایس گاہہ دی ہئی جو پتانی آپڑیں حیاتی وچ نکلی بھین کوں ڈیکھ ای سگسی یا کوئی جیرڑھی اوں توں علاوہ اوندے خاندان دی واحد نشانی نیکی وادی ہئی۔ شئیٹ نکلی بھین کوں ڈیکھ تے او، اوں موئی مادی سک لہا سکے جیندا چھیکڑی منہ ڈیکھن ای نصیب نہ تھیا ہا۔



اونیں تاں ہر رات بلال الرحمن عشاوی نماز توں بعد کلہا گھر دے باہر لے دلاں وچ ٹھیک ہوں  
 جاتے چر کے تیں بیٹھار اہندا کہ جتھہ کر اوند اُپو آپڑیں محبتی عملے نال کچھاری کریندا ہا پر آج  
 اوندی طبیعت کجھ زیادہ بے چین ہئی۔ ایں جاتے اُو آپڑیں پُیو دی یاد وچ نہ باہندا ہا شئیت ایں  
 گالہوں باہندا ہا جو آپڑیں آپ کوں یقین ڈوا سکے جو ہن ایں ساری شاہی داکل مالک مختیار اُو ہو  
 ہے، کوئی کوئی جیڑھا او کوں روکے ٹوکے، مٹکے یاد ہڑ کا دھبا چہ ڈیوے۔ بلال الرحمن دی شبینہ  
 کچھاری ہکڑے بندے دی کچھاری ہئی جیندے وچ اُو چھڑا آپ ہوندا، آپڑیں نال گالیں  
 کریندا، آپڑیں آپ کوں سُنز دا آتے آپڑیں آپ کوں اِی سُنز ویندا۔ پر آج پتانی اُو کیوں چُپ ہا  
 نہ آپڑیں سُنز داپیا ہانہ آپڑیں آپ کوں سُنز ویندا پیا ہا۔ او کوں احساس ہئی جو جے تک اُو اندر وُج  
 تے سُمدا نسں اوندی ماوی اُو کوں جزو ائے بغیر جاگدی راہندی اے۔ آج وی او کوں یقین ہا جو  
 چڑک دے باوجود اوندی ما جاگدی ہو سی پر دل کجھ اتنا مونجھا ہا جو مادے جاگن دے احساس  
 دے ہوندے ہوئے وی اُوہ آپڑیں کچھاری ہالی کجھ دیر بنی لائی راہون چاہندا ہا۔

ڈھلدے چندر دی رات وچ چانڑیں نے ہر شے دا بچھاواں اوندے قد توں اُچا کر چھوڑیا ہا  
 جیویں سارے موئے ہوئے وڈکے اُو کوں چتاوَن آئے ہووَن جو حیاتی دا اے پل، اے رات،  
 اے چندر وُل نہ آسی۔ جتھہ آج توں بیٹھیں کل اتھاں کوئی بیا باہسی۔ بلال کوں یاد ہا جو کدھائیں

قسمت نال اوندے پُیو کو کلہا تھیون دامو قع مید اتاں اُوول وی زنان خانے وِچ آون دی بجائے  
 باہر ہن ماچے تے تکیے دی ٹیک لاتے ادھ بیٹھے تے ادھ لیٹے ہویاں ہو لے ہو لے کوئی کافی گاندا  
 ہا۔ اوکوں سمجھ نہ آندی ہئی جو اوند پُیو مولوی تھی تے وی لے نکی نکی اواز وِچ کیا  
 گمردے۔ اوندے مرن دے ڈھیر ڈھنہاں بعد جڈاں بزار وِچوں لنگھدیاں ہویاں اُونے حسین  
 بخش ڈھاڈی دی اواز وِچ ایہا کافی سنی تاں پتا لگیا جو اے کافی خواجہ غلام فرید دی اے۔ ”تتی رُو  
 رُو واٹ نہاراں، کڈیں سانول موڑ مہاراں۔“

ہال داول کیتا جو اُووی پُیو آلی کار ہو لے ہو لے ”گاؤے تتی رُو رُو واٹ نہاراں۔“  
 او۔ نے اکھیں بند چا کیتیاں، سبھے پاسوں پکو آواز آون لگ پئی۔

”تتی رُو رُو واٹ نہاراں“ پر سمجھ نہ آندی ہئی جو اے اوندے بُت دے مسام مسام وِچوں  
 نِردی آواز حسین بخش ڈھاڈی دی ہے یا اوندے پُیو، مولوی عبدالحنان دی۔ کجھ دیر تئیں  
 ہال دیاں اکھیں بند رہیاں تاں اوندیاں ڈناراں ہنجواں نال پُس گیاں۔

اُو خود کہیں اَن ڈٹھے محبوب دی راہ بھلیندا عاشق بن گیا ہا۔ پُیو دے نال تمام تر نفرت دے  
 ہاؤ جو آج دی ایس کیفیت نے اُوکوں ہک نویں سوچ ڈتی جو آخر اُوہ کیہڑا ڈکھ ہا جو چار ڈالیں  
 ہوندیاں ہویاں وی اُورا تئیں چر کے تئیں باہروں دِلان وِچ کچھاری لائی رکھیندا ہا۔  
 وَل خیال آیا جو چھڑا ڈالیں دا وجود یا ڈالیں دا ہون کھیں مرد دے وجود یا مرد دے ہون کوں  
 کیجیا رکھ سگدے؟

کیا ڈال پئے محض نکاح دے تعلق نال ہک بے دی کچھاری، ہک بے دی سنگت تھی سگدن یا  
 لے تعلق چھڑا نکھیری راہندے، جُویندا کا نئی؟

اُو نہ جاندا ہا جو کیہڑے سبب بھریا تریا گھر ہوندے ہوئے وی مرد، گھروں باہر رہن تے مجبور  
 تھی ویندے؟

بلال کوں بیو دی کچاہری یاد آئی تاں اوندی سبھو سنگت وی یاد آئی جیئندے وچ اوندانائب متہم خالد توفیقی تاں ہمیشہ ہوندا ہا پیا پر قاری غلام رسول وی ہمیشہ نہ تاں اکثر ضرور ہوندا ہا۔ کڈھائیں کڈھائیں حافظ خدا بخش مہروی آن باہندا جیڑھا مدر سے دے خزانچی طور ملازمت وچ رکھیا گیا پر حقیقت وچ خالد توفیقی ای سبھو کچھ ہا۔ راشن دی خریداری، لنگر دی پکوائی، آمدن تے خرچ دا حساب، استادان تے چھوٹے ملازماں دیاں تنخواہیں، صفائی ستھرائی دے معاملات، طالبان دے داخلے، اُنناں دے راہون دا بندوبست تے مسئلے مسائل، پڑھائی گڑھائی تے امتحان، وفاق المدارس نال ربط ضبط، باہر لے وفود نال میل ملاقات، مقامی انتظامیہ، پلس تے سیاست دانان نال رابطے سبھو کچھ براہِ راست خالد توفیقی دی نگرانی وچ نہ ہوؤن دے باوجود عملی طور تے ہوندی نگرانی وچ ہن۔ اوچٹا کرے یا کالا، اوندے حکم دے بعد کہیں دا حکم نہ چلدا۔ جیڑھا فیصلہ اوکریندا اوندی نظر ثانی تے اپیل ای خود اوہو سُنڑدا، کہیں بے دی کیا مجال۔

معاملے چھڑے مدر سے دی حد تئیں ہوندے تاں کوئی گالہ نہ ہئی پر بلال دی اوندے نال انتہائی نفرت دی وجہ مولوی عبدالحنان دے گھر دے معاملیاں وچ اوندی دخل اندازی ہئی۔ متہم صاحب دے گھر ترے ویلے دا کھانا عام طور تے مدر سے دے لنگر وچوں آندا پر جئیں ویلے مدر سے دال سبزی پکدی تاں ول چنگا چو کھا کھانا گھر ردیہا ویندا۔ مولوی صاحب دے چارے گھراں وچ کیا پکسی تے کیا نہ پکسی ایندا فیصلہ وی خالد توفیقی کریندا ہا۔

بلال کوں یاد ہا جو اوکوں میڑھے گوشت کھاؤن کنوں اتنی ای نفرت ہئی جتنی جو خالد نال پر خالد جان بُجھ تے صرف اوکوں زچ کرن کیتے نہ صرف مدر سے وچ ہفتے وچ ترے ڈینہہ وڈا گوشت تے میڑھے پکوندا تے کھانا جئیں ڈینہہ گھروی پکڑاں ہوندا، اوں ڈینہہ وی بھاویں دیسی گڈ پکے یا دیسی بٹیرے، اُونناں وچ اے آکھ تے میڑھے پوڈیندا جو اُنناں دے پاؤن نال

گکڑیا بئیریاں دی تاثیر ٹھڈی تھی ویندی اے۔ کاوڑتاں اوکوں آپڑیں پُوتے چڑھدی ہئی  
جیڑھاؤندی ہر گالہہ کوں ایویں منیندا جیویں اسمانون لَتھی ہووے۔

گالہہ اے توڑیں راہندی تاں ول وی خیر ہئی جو روندے بٹیندے گزارہ تھیندا ایہا پر بلال دی  
آپڑیں پُوتے خالد دے خلاف نفرت ہک بئی پوڑی اوں ویلے چڑھی جڈاں جو او نے مولوی  
صاحب دا گھر دائائِم وی مدرسے دے کمیں کاراں وِچ لو او نڑاں شروع کر ڈتا۔ خالد جانزداہا جو  
مولوی صاحب دیاں چار شادیاں ہن تے اونداں گھر دائائِم چار حصیاں وِچ وِندیا ہوئے پر ول  
وی او پرانے رجسٹر چاکراہیں گھر دے اگلے پرادے آدھ وِچ بنڑیں ہوئے ایں چبوترے تے  
آن باہندا تے مولوی صاحب کوں اوں ویلے اٹھن ڈینداں جئیں ویلے اوندا اُباسیاں ڈے ڈے  
نندر کنوں بُرا حال ہوندا۔

زنان خانے وِچ بلال دی مابختاور بی بی سمیت چارے ذالیں خالد دی جند کوں بٹیندیاں رہ  
ویندیاں پر او اٹھن ای نہ ڈیندا۔ ذال پئے دیاں ہزار گالہیں، بالاں نال رل باہونا، پر عملاً تھیندا  
کیا ہا جو مولوی صاحب فجر دی نماز ویلے مدرسے ویندا تے ول بھادیں جو گھر ول آندا پر ول وی  
سارا ڈینہ اندر زنان خانے وِچ آو نڑاں نصیب ای نہ تھیندا۔ ناشتہ وی باہروں دلاں وِچ،  
ڈوپہار دی مانی مدرسے وِچ تے رات دی ول گھر دے دلاں وِچ۔ نکا جیہا بلال آپڑیں ماکوں  
روندا تے خالد کوں پٹ پلو تھ کریندا ڈیدھاتاں او خود وی روون پئے ویندا۔ پر جئیں ویلے  
چو کھاتھیاں او وی مادے نال کھڑتے خالد کوں مندے کڈھیندا۔ ڈاہ یاراں سالاں دا تھیا تاں  
خالد نال نفرت دی شکل بدل گئی۔ مادے آکھے تے ہن او وی پُودے نال دلاں وِچ وِچ باہندا  
تے سُنزدارا ہندا جو او ندے پُودے سگتی کیا گالہیں کریندن۔ کجھ دیر بعد او ماکوں آتے ول دی  
رپورٹ ڈیندا پر گالہیں ہوندیاں کیا ہن! ایویں ہر کہیں دا گلہ تے ہر کہیں شکایت تے مولوی  
صاحب گھر بیٹھا ہر کہیں تے بھڑکیا راہندا۔ ایں طرحاں دی لاویں چاویں دا نتیجہ اے نکلیا جو  
اونے مولوی صاحب کوں مدرسے دے ہر شخص دے نال نال اوکوں آپڑیاں ذالیں کنوں وی

اے جنڑواتے متنفر کر ڈتا جو بیبیاں فضول خرچی بہوں کریندین تے اُنّاں کوں تہاڈا احساس زری داکا نئی۔

مدر سے دے عملے نال ذہنی دوری تے گھراں وِچ ذالیں نال پیدا تھی چکی چڑچڑنے مولوی صاحب کوں حقیقتاً یقین ڈواڈتا جو سوائے خالد توفیقی دے اوند ابیا کوئی خیر خواہ کا نئی۔ آپس دی چچ زرخ نے ڈوں طرفہ وار کیتا۔ گھر وڑ دیاں ذالیں دے منہ بنڑیں ہوئے ہوندے تاں مولوی صاحب اے سمجھدا جو ہن اُونّاں کوں نی بھاندا۔ ڈوجھے پاسے ذالیں دامنہ بنڑیاں ڈیکھ تے مولوی صاحب دے متھے تے وٹ پوند اتاں ذالیں سمجھدیاں جو ہن اُو اَن بھاندا گراں بن گین۔ نوبت ایں جابجی تاں روز دی بک بک کنوں کنرا کرن کیتے مولوی صاحب نے اکثر راتیں ایں مہمان خانے وِچ سمرّاں شروع کر ڈیتاں۔

اتھ وی بلال دی ماؤ کوں جاسوس بنڑا مہمان خانے پُودے کول سُمن واسطے بھیج ڈیندی۔ بے ڈینہہ جنیں ویلے بلال واپسی رپورٹ وِچ ڈسیندا جو بابا سیئیں تاں اُستادیں نال کھلدا ہسداتے چنگا چوکھا کھاندا اپنڈارہ گئے تاں اُنّاں داساڑا بیاؤدھ ویندا۔ گھر داری دے معاملات وِچ پہلے توں موجود چھک تان کجھ بئی وی چھکیندی گئی۔

ہک کاری وار خالد توفیقی نے مولوی صاحب دی اولاد تے وی کیتا۔ اُو بلال دیاں اکھیں وِچ آپڑیں کیتے نفرت تاں ہک عرصے توں محسوس کریندا پیا ہا پر کوئی ایجھی صورت نہ بنڑدی ہئی۔ ہئی جو اوند اوی کو ٹھپ سکے۔ اُو مولوی صاحب داتاں بھیدی ہئی جو اُونے علاقے دے سینکڑاں غریب لوکان دے بالاں کوں لکھاں روپے وِچ عالمی بردہ فروشاں کول وِچ تے افغانستان دی جنگ دابال بنڑایا، اُو کجھ سمجھا کرن چاہندا ہا جو اُو آپڑیں بالاں کوں آپڑیاں اکھیں دے سامنڑیں رکھ تے وی سوائے تقدیر کوں روؤن دے بیا کجھ نہ کر سکے۔ ایندے کیتے اُونے ڈوں پاسے چوکیں سورنی شروع کر ڈیتی۔

ہک پاسے او کہیں نہ کہیں بہانے یا لالچ ڈے کر اہیں بلال تے اوندے چھوٹے بھرا کوں مدرسے آون توں روکیندا تے ڈوجھے پاسے مولوی عبدالحنان کوں ول ول کو گالہہ کیتی رکھیندا جو او کم عقل، کوڈن تے پڑھائی دے گھوٹو ہن۔ اوئیں تاں مولوی صاحب دی ایہو چاہندا ہا جو اوندے بال مدرسے آتے بیاں طالباء دی صحبت وچ نہ باہون بلکہ گھر بہہ تے ای او سارے درس تے دورے حفظ کر گھسن پر خالد توفیقی دے مطابق اُناں کوں اُستاد بھاند ای کا نہا۔ اُستاد باہروں دلاں وچ آتے بیٹھا راہوے ہا پر بلال تے اوندے بھرا گھروں باہر ای نہ نکلدے ہن۔ اصلی پٹی تاں خالد دی پڑھائی ہوئی ہئی جو اوتاں متہم صاحب دے پتر ہن، ایس مدرسے دے مالک تے ول کیہڑے اُستاد وچ ایڈی جرات اے جو اُناں کوں امتحان وچ قیل کرے۔ پر جتھ نورانی قاعدہ ای جوڑاں نال نہ آسکے اتھ درس نظامی یا باقی دے مدرارج دی گالہہ ای کیا۔

چھیکڑی حربے دے طور تے خالد توفیقی نے آپڑیاں خدمات خود پیش کیتیاں تے ترے ٹائم باقائدگی نال متہم صاحب دے گھر وچ تے بلال تے اوندے چھوٹے بھرا رضوان الرحمن کوں پڑھاو نراں شروع کر ڈتا۔ خالد دے وچ نال بال بظاہر تاں پڑھائی وچ دل لیندے نظرن لگے پر اُناں کوں کول بلہا چھڑے کھکھے لکے تے گپ گپوڑا کرتے ٹور چھڑیندا۔ ڈوجھے پاس مولوی صاحب کوں رپورٹ ایہو ڈیندا جو اوتاں آپڑیں طرفوں پوری کوشش کریندا پے پر بالاں دتاں پڑھائی وچ دل ای نی لگدا۔

بالاں دی پڑھائی تو پریشان مولوی صاحب کئی واری پھوکیا تو کیا گھر وڑیا تاں کجھ وی بچھے بغیر چھڑا خالد دے آکھے تے بالاں نال نہ صرف کتیاں لگی کریندا بلکہ وڈے پتر بلال کوں تاں چائناں چائناں دے نال نال تلہڑاں نال ای مرن دی مار ڈیندا۔

خالد دا بچھایا ہو یا پو بھلا پتر اں کوں کجھ بچھن دسن دا موقع ای ڈیوے ہاتاں اووی کجھ دسن ہا۔ ہکا گالہہ اوندے ذہن وچ بہہ گئی جو ماواں دے لاڈ پیار نے اوندی اولاد کوں وگاڑ چھوڑے۔ ماواں تاں پہلے ای لا تعلق تھی چکیاں ہن، اُناں دے کیتے نج کوں بلال کُٹیجے یا

رضوان یا کوئی بیابال، پر جنیس ویلے بلال اندر سوڑیں آلے کرے وچ وُنج تے ڈسکیاں بھر بھر  
 رووے ہاتاں بختاور بی بی کول سوائے پئے کول پٹ پلوت کرن دے بیا کوئی حیلہ وسیلہ نہ  
 ہوندا۔

کئی مینیاں دی ہیں آتھر چھانڈنے جتھ نوڈاہ سالان دے تھی جھکے بلال کول پوتے پڑھائی،  
 ڈوہائیں کنوں چنگی طرحاں بدظن کر چھوڑیا تھ خالد توفیقی کول وی موقع ڈے ڈتا جو حتی طور  
 تے مولوی صاحب کول ڈس سکے جو اوندے بال اصلوں نخس ہن، مدرسے دی پڑھائی اناں  
 دے دس داروگ کاسی۔ ذالیں پہلے پرے ہن، ہن اولاد، خاص طور تے وڈا پترای پرے تھیا  
 تاں مولوی صاحب سب کجھ ہونیاں وی کلہارہ گیا، اٹلک کلہا۔

ایہو وی اوویلا ہاں جڈاں خالد توفیقی نے مولوی عبدالحنان کول کوٹ چاند نہ دی راہ ڈکھائی تے  
 ڈوہائیں وڈیاں ذالیں بختاور تے امینہ کول کاغذ ڈوا گلہ جان تے خان زادی کول گھر آن  
 بلہائیں۔ زبیدہ مائی تے نسیم بی بی کول وی طلاق ایس گاہوں تھیندی تھیندی بچی جو اناں دے  
 والد ہن وی مدرسے دے کھڑکے دڑکے والے استاد ہن پئے۔

ماواں کول طلاق تھیون دے بعد ڈوہائیں دے آٹھے بال راہندے تاں ہن وی وڈے گھر وچ  
 مٹرایاں ماواں زبیدہ تے نسیم بی بی دے نال ہن پر بلال نہ صرف پودیاں مخبریاں نانکے وُنج ما  
 کول پچینداں بلکہ اُونے مادی سکھالت تے ہر اُون جا پو نال کھسورا الا و نراں شروع کر ڈتا  
 جتھاں جو چار بندے بیٹھے ہوندے یا او آپڑیاں نویاں ذالیں کول بیٹھا ہوندا۔ مولوی صاحب  
 اختا تھیا تے اُونے بلال دے مدرسے تے نویں گھر، ڈوہائیں جا آون تے پابندی لا ڈتی پر بلال  
 جیڑھا ہن پندرہ سولہ سالان دا جوان گھبروہا، بیاوی مچھر گیا۔

خالد توفیقی اناں حالات وچ وی مولوی صاحب دی کھٹ کھڑی کرن توں باز نہ آندا ایہا۔ بختاور  
 تے امینہ بی بی کول ڈھیر کاوڑ کرتے مولوی صاحب واسطے بے مسئلے کھڑے نہ کرن دے  
 بہانے اُونے ڈوہائیں کول اناں دے پیکیاں وُنج تے ملٹاں شروع کر ڈتس۔ ہک پاسے تاں اناں

داہمرد بن تے عدت دی مدت دے خرچے دا مطالبہ کرا چھوڑ لیس تے ڈوجھے پاسے مولوی  
صاحب دا بھلا اے کیتا جو اُنّاں ڈوہیں طلاق یافتہ ذالیں دے نکرے بال نہ صرف اُنّاں کول پُچا  
آیا بلکہ پُوکُنوں شرعی خرچہ نان نفقہ گھناڈیون دے وعدے تے اُنّاں کول اُتھائیں رکھن تے  
راضی وی کر گھدُس۔ پتانی اوکوں مولوی صاحب نال خوئج کیا ہئی جو اوندیاں سازشاں مکدیاں  
ای نہ پیاں ہن۔



مراد کوں پلس چو کی شہید فضل اللہ پور توں لاہور شفٹ کرن کیتے جیڑھے انتظام ایس ایچ او جلال پور نے کیتے او اوں ویلے سبھے سچ کھبے کرنے پئے گئے جڈاں جوہک پلس انسپکٹر دی زیر نگرانی ملتان توں انسداد دہشت گردی یونٹ دی گڈی پہنچی تے مشکوک مراد کو چندی ہوئی لاہور روانہ تھی گئی۔ ایس توں پہلے پوری لکھ پڑھ توں بعد جلال پور دی پولیس نے مشکوک کو انسداد دہشت گردی یونٹ دے انسپکٹر اکرام دے حوالے کیتا۔ ایس ساری کاروائی دی پل پل دی خبر یکے ویلے ملتان تے لاہور دے دفتراں وچ پچائی ویندی پئی ہئی۔

اے اوزمانہ ہا جڈاں جو نائن الیون توں بعد امریکہ نے اُسامہ بن لادن کوں پناہ ڈیون دے شاخسانے وچ طالبان حکومت ختم کر ڈتی تے جولائی ۲۰۰۲ء وچ حامد کرزی افغانستان دا چوتھا صدر بن بیٹھا پر اُسامہ ول ای ہتھ نہ آندایا ہا۔

ایس دوران ۲ مئی ۲۰۱۱ء کوں ہک عجیب واقعہ تھیا تے اُسامہ بن لادن جیڑھا آپڑیں ڈال تے بالیس نال ایبٹ آباد وچ لکھا ہویا ہا، ہک خفیہ آپریشن وچ ماریا گیا۔ اناں حالات وچ صرف ترے مینے بعد اگست ۲۰۱۱ء وچ ملتان دے مضافات وچ ہک ایجھے شخص دا پکڑ بجننا جیڑھا لے عرصے توڑیں افغانستان وچ مجاہد بن تے ریہا ہووے، حکومت واسطے خاصا پریشان کن ہا۔ ایس پاروں ایندی میڈیا کورج تے سختی نال پابندی لا ڈتی گئی۔ جتنے فکر پہلے کچھ چینلاں تے چل چکے

ہن اناں دی تردید کر ڈتی گئی ول ای کجھ عالمی اداریاں توڑیں کو تھی ای گئی تے سُن گن کیتے ایڈے اوڈے فون کھڑ کن لگ پئے۔ صورت حال دا اتنا تشویش ناک تھی و نجر داں کہیں دی توقع وچ ای نہ ہاؤل وی ہر طریقے نال مراد دی لاہور شفتنگ کون خفیہ رکھیندے ہوئے بم پروف گڈی کون جی ٹی روڈ دی بجائے چھوٹے شہر اں دے رستیاں توں روانہ کیتا گیا۔ مراد دی ہک بانہہ دا ہوؤ نراں جتھ مراد کیتے عذاب ہاؤ توں ودھ اے کھپاراپلس واسطے ہا۔ ڈوں بانہیں والے کون تاں ہتھکڑی لائی و نچ سگدی ہئی ہن ہک بانہہ والے کون قابو کیویں کرتے۔ اینداں ولدا حل ایہو گولیا گیا جو او ندے کے ہتھ کون کڑی لاتے ڈوہائیں پینیاں وچ لائی کڑی نال لاک کر ڈیتا و نچے۔ ایں طرحاں کڑیاں لگن نال اوکاں کوڑا تھی تے رہ گیا۔ اوتوں مصیبت بھنی ترٹی سڑک جیندے اُتے ہر پاسوں بند بم پروف گڈی دے جھوکیاں نے او ندا آنگ آنگ ملا بنراں ڈتا۔ ہالی اوہک جھو کے کنوں سنبھلدا نہ ہاتے بے جھو کے نال پر لے پاسے و نچ پوندا۔

مراد کون ۱۹۹۶ء دا او ویلا یاد آ گیا جڈاں افغانستان وچ طالبان حکومت قائم تھیون توں بعد اوکون شمالی اتحاد دا جنگجو سمجھ تے پہلے قندھار جیل وچ سٹیا گیا تے ول اُتھوں کابل دی پُل چرخی جیل شفٹ کیتا گیا۔ تقریباً پنج سو کلو میٹر دا سفر ہک بھنی ترٹی گاڈی وچ ایہو جی سڑک تے چوڈاں پندرہاں گھنٹیاں وچ طے تھیا۔ جنیں ویلے اوکون پُل چرخی جیل دے اندر ٹرک تو لہایا گیا تاں اوکون یقین ای نہ آندا اپیا ہا جو او جیندا ہے۔ ایں دوران کئی دفعہ او ندا پیشاب وی کپڑیاں وچ نکدار بیہا پر نہ کہیں گڈی روکی تے نہ پیشاب کرن دا موقع ڈتا۔ آج وی او ہو حال ہا، کوئی توقع نہ ہئی جو او جیندا آلاہور تچ وی سگسی یا کانتا۔

کابل دی پُل چرخی جیل قیدیاں واسطے خدا دیک عذاب ہئی۔ جیندے جی دوزخ دی کوئی سب توں بدترین صورت۔ سردار داؤد دے زمانے وچ بزازئی گئی ایں جیل وچ قیدیاں کون سزائیں ڈیون دے نت نوین طریقے ازما ئے ویندے ہن۔ آہدے ہن جو ۱۹۷۹ء وچ افغان صدر نور

محمد ترکی نے ستاوی ہزار توں ودھ آپڑیں سیاسی مخالفان کوں ہیں جیل وچ تڑپا تڑپاتے ماریا ہا۔  
ہن داتھاں ایہو سلوک طالبان آپڑیں اُنّاں قیدیاں نال کریندے پئے ہن جنساں تے شک ہا  
جو اوشالی اتحاد دے احمد شاہ مسعود یار شیدو و ستم دی طرفوں لڑدے رہیں۔ مراد لگھ اہداجو  
قتدار آون توں بعد جنیں ویلے اوندی ٹریننگ مکمل تھئی تاں اوکوں گلبدین حکمت یار دی  
کمانڈ وچ بھیج دتا گیا ہاتے باقی دی مدت او ہوندی طرفوں لڑدارہ گئے پر طالبان دے نزدیک  
گلبدین حکمت یار اُنّاں دا کیہڑا خیر خواہ ہئی۔

پُل چرخی جیل وچ پکا پورا سال نہ کڈھائیں ڈینہہ دا پتا لگیا تے نہ رات دا۔ کھٹ جیدی کو ٹھڑی  
وچ کہیں ویلے چھی تے کہیں ویلے ست قیدی ایں طرحاں دبوئے ویندے جو ساہ گھنن  
مشکل تھی ویندا ہک سُم تے چیل سدھی کرینداتے باقی دے انتظار کریندے۔ پیشاب ہک  
کرینداتے چھینڈ کے سبھڑائیں تے پوندے۔ ایں توں ودھ عذاب اے جو کوئی پتاناہ ہوندا جو  
اُنّاں وچوں کل کیہڑا کاناہوسی۔ کوئی خاص ویلاناہ ہوندا جڈا اُوں قبر نما کو ٹھڑی وچوں کہیں  
قیدی کوں والاں کنوں پکڑتے باہروں کڈھیا وینداتے ول اوندی خبر ای نہ ملدی۔ ایہو گمان ہا  
جو باہر کڈھیندے ساری اوکوں کہیں ڈھانڈے آلی کار کوہ دتا ویندے۔ گالہہ اے وی ہلی جو  
کتھائی نیڑے تیرے نور محمد ترکی دے زمانے طرحاں کوئی وڈا سارا کھڈا کھٹیا گے جیندے  
وچ سبھ لاشیں بچیں غسل یا جنازے دے کاں کتیاں واسطے سٹ ڈتیاں ویندن۔ وجہ  
اے وی ہئی جو طالبان، شمالی اتحاد دے مجاہداں کوں مسلمان سمجھدے ای کو سناہن۔

اچاچیت ہک جھٹکے نال انسداد دہشت گردی یونٹ دی گڈی کہیں چنگی سڑک تے جڑھی تے  
تقریباً ترے گھنٹیاں توں بعد مراد کوں مسلسل ٹیپز بجن دے عذاب توں نجات مل گئی۔ لگدا ہا  
جو کوئی لمبا چکر کٹ تے گڈی ولدی جی ٹی روڈ تے آگئی ہئی۔ مراد دا خیال ہا جو اے پاکستانی پلس  
والے کتھائیں ہنگن مترن واسطے گڈی رکیسن پراناں دا سلوک وی ہنرڈیں نال افغان طالبان  
طرحاں لگدا پیا، نہ کوئی انسانی حاجت دی پرواتے نہ کوئی قیدی دی خبر گیری۔

جلال پورتوں لاہور دے سفر دے دوران مراد کا ایہ سوچیندا رہیا جو کہیں انسان دی قید وِچ  
 پیا انسان کیا کوئی انسان فی راہندا؟ کیا اوکوں درد تکلیف فی تھیندی، کیا اوکوں حاجت دا احساس  
 ختم تھی ویندے، کیا اوکوں کجھ ترے لگن بند تھی ویندی ہے! آخر وقتی طور دے طاقت ور  
 دے ذہن وِچ سمجھا کیڑا کیڑا اوڑ باہندے جو اوکوں آپڑیں سوا بے سارے انسان کیڑے  
 مکوڑے لگن لگ پوندن۔ وقتی طور تے ہینزیاں بھاویں جو کیڑا مکوڑا لگدے پر او اے کیوں فی  
 سوچیندا جو درد تاں کیڑے مکوڑے کوں وی تھیندے۔ انسان جتنا وی طاقت ور تھی ونجے،  
 جتنا وی کمزور تھی ونجے، راہندا تاں انسان ای اے، گوشت پوست دا بنڑیا ہو یا ول ڈاڈھے کوں  
 کیڑھا سمجھا نشہ چڑھدے جو اوہر انسانی صفت توں محروم تھی ویندے۔

مراد نے آپڑیں تھوڑی جی زندگی وِچ پتانی کتنے کجھے واقعات آپڑیاں اکھیں نال ڈٹھے ہن  
 جئیں ویلے کل دے ہینزیاں انسان جیویں جو ڈاڈھے تھئے او انسانی بُوتا تے شکل صورت  
 ہوندے ہوئے وی انسانی صفات توں محروم تھیندے گئے تے جئیں ویلے ولدے طاقت تے  
 قدرت توں خود محروم تھئے تاں سبھے انسانی صفات وی آگیاں، انسانی حقوق وی یاد آگئے، درد  
 وی تھیون لگ پیا، کجھ ترے دا احساس وی جاگ پیتا اے وی یاد آگیا، انساناں نال کستیاں  
 حاجتاں جڑیاں ہو یاں ہن۔

پلس دی بم پروف گڈی دی جیڑھی کھڈی وِچ اوکوں بند کیتا گیا ہاؤندی اندر پہنوں والی طاقی  
 دے باہروں آمڑیں سامڑیں ڈوں سپاہی نکیاں نکیاں جالیاں وچوں اوندے تے نگاہ رکھی بیٹھے  
 ہن۔ شاید اُنّاں کول اسلحہ وی ہو سی پر ڈوں ہتھیاں جیڈے لوہے دی مہین جالیاں والے  
 روشنداں وچوں چھڑے اُنّاں دے سر نظر دے پے ہن۔ ثنیت او اوندے کنوں ایڈے  
 ڈرے ہوئے ہن جو آپس وِچ گالہہ تک نہ کریندے پے ہن۔ خراب رستیاں توں لنگھدیاں  
 ہو یاں تھی سگدے او آپس وِچ آلا نریں ہو وِن پر اُنّاں دا بلار امراد تیں نہ آپڑیا ہا پر جئیں ویلے دا  
 رستہ ٹھیک تھیا اُنّاں دے ہک ڈوں واری کھنگن دیاں آوازاں ضرور اندر آیاں۔ مراد کوں

پیشاب زور کیتا تاں اونے سوچیا جو اناں کوں ہنکل مارتے آپڑیں مجبوری دے پر وِل اے خیال کرتے چُپ کر گیا جو اے شودے تاں خود آپڑیں نوکری دے قیدی ہن، کیا تھیا جو آدھ وِچ لوہے دی دیور اہے پر ڈھکے تاں اوندے نال ای پِن۔ اونے سڈ مارن دی بجائے پیشاب جھلن دی کوشش کیتی جیندی اُوئیں ای اُوکوں عادت پئے چکی ہئی۔

مراد نے سریر لکاؤن کیتے اکھیں نوٹن دی کوشش کیتی تاں یکدم اوندے کناں وِچ کہیں دے ہو لے ہو لے گاؤن دی آواز آئی۔ ”بو چھن ڈور یے دبنتاں تے لوڑھ آئی آں، بچھوں دیاں تانگھاں روندے ڈھول کوں چھوڑ آئی آں۔“

پتانی کتنے عرصے توں بعد اوندے کناں وِچ کہیں گاؤن دا آلا آیا ہا۔ چھیکڑی پھیری اونے اے گاؤن نکلے لامدر سے داخل تھیون کنوں پہلاں ماسی نور اں دے گھر سُٹیا ہا۔ ماسی دا گھر کوئی ایڈا پرو بھرانہ ہا، ہوسی کوئی ڈوں چار بلانگ پر اوندے گھر وِچ ریڈیو ہا جیندے اُتے شام کوں ملکہ تے مہر دے پرو گرام ایچ وڈے سوہنے گاؤن چل دے ہن۔ ریڈیو سارا ڈینسہ تاں بند رہ ویندا پر جنیں ویلے اونداسر شام کوں گھر وِلد اتاں اُچی آواز وِچ ریڈیو لاتے مانی کھاؤن دی چس چیندا ہا۔

گاؤن والے۔ پاہی دی آواز وِچ تھکیرے، زچکائی، مجبوری تے تانگھ دی کوئی ایجھی رلی ملی سانجھ ہئی جو کاں کوڑے تھے مراد کوں آپڑاں ڈکھ، آپڑیں تکلیف بُھل گئی۔ اوکوں لگیا جو اصل قید وِچ اُوئیں بلکہ ایسے حکومتی ملازم ہن جیڑھے عذاب ڈیون دی نوکری کریندے ہوئے وی خود ڈوڑے عذاب وِچ ہن۔

کیجھی سُر ملی تے سوز بھری آواز ہئی جینے مد بعد اُوکوں آپڑیں مسات، آپڑیں منگ کندو دی یاد ڈواڈتی۔ لگدا پیا ہا جو ایندی وی کوئی مسات ہوسی، اوندی منگ کندو طرحاں دی، سانولے رنگ تے بھوریاں اکھیں والی جیرھی وِچھڑی تاں ایس شودے کوں روند اچھوڑ گئی۔ مراد ہن خود نہ بھٹکیا بلکہ اوند اِدل بھٹکیا تاں اِرکاں دی تڈ نال بندی گاڈی دی کھڈی وِچ اُٹھی بیٹھا۔ اُو

حیران ہا جو جیکوں ڈیکھن سانگے پُوکوں بھتیاں کھاؤن دے باوجود اُوڈینسہ وِچ کئی کئی پھیرے  
 ماسی دے گھر دے مریندا ہا اُوہا کندہ اُوکوں بچھلیاں پنجوی سالوں وِچ ہک ڈینسہ وی یاد نہ آئی۔  
 حد ہی جو افغانستان وِچوں وِلن دے بعد وی اُو آپڑیں بھین کوں تاں ملن چاہندا ہا پر کیا وجہ ہی  
 جو کندہ اوندے دماغ دی کہیں نکر وِچ ای نہ رہ گئی ہی۔ کیا جنیں ویلے انسان وِچ مرن یا مارن  
 دی غیر انسانی جبلت حاوی تھیندی اے تاں ہک بے نال جُڑت، جیون تے جیون ڈیون دیاں  
 سبھے صفتاں تے سکاں لے مٹی تھی ویندن۔

کندہ اوندے نکلے لادی منگ ہی، بھاندی وی نکلے لاکوں ہی پر پہلی واری اُوں ڈیہاڑے  
 ڈاڈھی بھانی جنیں ویلے گھر دانکا گیر تے نکلے بھرا کوں حوضی وِچ دھویندی پئی ہی تے ریڈیو  
 تے گاؤن چلدا اپیا ہی ”ہک بھل موتیے دمار تے جگا سوہنڑی ایں۔“ پر اے اوند ماسی دے گھر  
 دا چھیکڑی پھیرا ہا۔ واپسی تے پُونے سوٹیاں نال کٹیلے تے اے آکھ تے کلہوٹی وِچ ڈھک  
 چھوڑیوں جو کل سویرے مدرے دی تیاری کر رکھ۔

دانڑیاں والی خالی کلہوٹی وِچ ساری رات گزری، جنیں جنیں ویلے ساہ اوکھا تھیندا تاں بہوں  
 روؤن آندا۔ پتانی کیوں اوکوں ”ہک بھل“ والا گاؤن بھل گیا تے ہکو گاؤن یاد رہ گیا ”بوچھن  
 ڈورے دا پتتاں تے لوڑھ آئی آں۔“

آج ول اُوکوں محسوس تھیا جو ولد اکلہوٹی وِچ ڈھکیا پئے، ساہ اوکھاتے ہاں ماندا، اوند اول کیتا جو  
 سپاہی دی آواز نال آواز ملاتے دھاڑاں مارتے رووے۔



لاہور وچ انسداد دہشت گردی پلس دے صوبائی دفتر دے باہروں تاں پراسرار خاموشی ہئی  
 پر ایندے اندر بہوں کجھ تھیندا پیا ہا۔ جلال پور دی شہید فضل اللہ چوکی توں گرفتار تھیون والا  
 مشکوک دہشت گرد ایں دفتر دے تہہ خانے وچ بنی ہوئی حوالات وچ بچاؤتا گیا گیا۔ نو گھنٹیاں  
 دے سفر وچ جتھہ اوندے بُت دی بد بونے عفونت کھنڈائی ہوئی ہئی اُتھ کپڑیاں وچ پیشاب  
 نکلن پاروں اوندے کپڑے وی لہو اوانے پئے گئے۔ ہک خاص رنگ دے حوالاتی کپڑے پاؤن  
 توں بعد مراد نے ہالی چیل ای سدھی نہ کیتی ہئی جو اُو کوں تفتیشی کُرسی تے بلہاتے اوندے سچ  
 ہتھ تے ڈوہائیں پیراں وچ کڑیاں لاڈتیاں گیا۔

ایس پی رینک دے افسردی سربراہی وچ تفتیشی ٹیم تاں پہلے بنڑ چکی ہئی لیکن ایں توں پہلے  
 جو باقاعدہ تفتیش شروع تھیوے ہر زاویے کوں مراد دے چہرے تے بُت دیاں ڈیجیٹل فوٹو  
 جھکھن توں بعد اوندے سچے ہتھ تے ڈوہائیں پیراں دیاں انگلیں دے بائیو میٹرک نشان گھن  
 گھدے گئے۔ اوندے بعد اے سارا مواد جتھہ پہلے توں مطلوب ملزمان دیاں اکھیں تے فنگر  
 پرنٹ نال موازنے کیتے فورینسک لیبارٹری وچ بھجوا ڈتا گیا اُتھ نادرا دے نال نال عالمی  
 ایجنسیاں کوں مطلوب دہشت گرداں دے ریکارڈ وچوں وی ابتدائی پڑتال شروع کر ڈتی گئی۔  
 ترے چار گھنٹیاں دی ہک ہک ویلی ویلی دی پرکھ پرچول دے بعد وی نہ تاں اُو پاکستان وچ کہیں

دہشت گردی دی واردات وچ ملوث ثابت تھیا تے نہ ای اوندایا اوندے خاندان دانا دراکوں کوئی شناختی کارڈ بنزیاں، تہوں نادر اکول اوندایا اوندے خاندان دا کوئی ریکارڈ نہ ہا۔ ہس طرحاں اوسبھے عالمی ایجنسیاں جیڑھیاں دہشت گردی تے دہشت گرداں تے نگاہ رکھندیاں ہن اناں دے ریکارڈ وچ مراد طرحاں دا کوئی دہشت گرد مطلوب نہ ہا۔

منہ زبانی تفتیش توں پہلے اے وی طے تھی گیا جو ایندے ڈی این اے ٹیسٹ دے ذریعے اے وی معلوم کیتا ونجے جو ایندیاں تعلق پہلے توں تھئی کہیں دہشت گردی دی واردات دے کہیں جیندے یا موئے دہشت گرد نال تاں نی۔ ڈوں ڈہناں توڑیں تھیون والے اناں ٹیسٹاں دے نتیجے کیتے کیوں جو کئی ڈہناں دا نام چاہیدا ہا ات واسطے مزید کجھ دیر کیتے بغیر مراد دی زبانی تفتیش شروع کر ڈتی گئی پرایں توں پہلے اوکوں ڈوں ڈہناں توڑیں نہ تاں کجھ کھاؤں کوں ڈتا گیا تے نہ سمن دی کوئی صلاح سبیل۔ مراد واسطے تاں ایس قسم دا خسی تشدد کجھ معنی نہ رکھندا ہا، ایس گالہوں ڈوں ڈہناں بعد وی او اوکس دا اوکس نواں نہ دیا ہا۔ تفتیشی ٹیم دا خیال ہا جو مراد املک ٹرٹ چکيا ہو سی پر اوندی اے حالت ڈیکھ تے اناں کوں یقین تھی گیا جو ملزم سخت جان اے، تہوں سچ اگلاؤن کیتے بہوں زور لاو نراں پوسی۔

پر مراد نے تاں ”الف توں یے“ توڑیں ہر گالہ کھول سُنڑائی۔ کون ہے، کیتھاں جسیا، ماپو کون، بھینڈیں بھرا کتے، کیویں مدرے گیا، اُنھوں کینے تے کیا ناں رکھ تے قندھار بھجواوا، کنیں کنیں ٹریننگ ڈتی تے کیہڑے کیہڑے محاذ تے لڑا رہیا سبھو کجھ تفصیل نال دس چھوڑیا۔ بغیر کہیں ہیر پھیر تے بغیر کہیں لٹریچر دے سبھو کجھ اتنا کھول سُنڑوان تفتیشی ٹیم واسطے جتھاں حیران کن ہا اتنا ای ناقابل یقین۔ ایویں لگدا ہا جو ایس سخت جان دہشت گرد نے کوئی کہانی گھڑی ہوئی اے جیڑھی فر فر تفتیشی ٹیم کو سُنڑاؤیندے۔ لیکن ٹیم دے کجھ لوک ہک مدرے وچ محض نورانی قاعدہ پڑھن والے بندے دی معلومات دی تفصیل تے حیران ہن۔ ایس نکلتے تے ٹیم دی نگرانی ڈی آئی جی نے براہ راست آپڑیں کول گھن گھدی تے ہک

واری ول بچھ گچھ شروع تھی گئی۔ ایں واری تفتیش صرف افغانستان تیں محدود رکھی گئی تے حساب لاتا گیا جو کوڑ بلیندے یا رنج۔

مراد نے ہک واری ول ہک ہک سوال دلا ایں طرحاں جواب دتا جو بچھن والے وی حیران۔ اُونے ڈسایا جو جیڑھی رات اوندے سمیت پنجوی طالباں کوں مدرسہ حمیدیہ وستی پاؤلیاں توں وڈے مدرسے کیتے روانہ کیتا گیا تاں اونداناں محمد مراد ہاپر جنیں ویلے اُو وڈے مدرسے پہنچے تاں پتا گیا جو بن توں اونداناں مجاہد فضل اللہ ہے، محمد مراد کانتی تے اوجا کوئی وڈا مدرسہ نہ ہئی بلکہ پاکستان دی سرحد توں پار افغانستان دے شہر قندھار دا کوئی ٹریننگ کیمپ ہا جتھاں کیمونسٹ کافراں کوں مارن دی ٹریننگ دتی ویندی ہئی۔ اُونے اے وی ڈسایا جو اُناں ڈہناں کہیں چمکنی دی حکومت ہئی پر جڈاں اُناں کوں ٹریننگ توں بعد گوریل جنگ کیتے کابل ڈوروانہ کیتا گیا تاں ہک بہوں وڈا کافر نجیب اللہ صدر تھی گیا ہا۔

ڈی آئی جی بچھیا جو نجیب اللہ تاں مسلمان ہا تیکوں کنیں آکھیا جو اُو کافر ہا۔  
 ”ساکوں ساڈا کمانڈر ڈسیندا ہا جو کون مسلمان ہے تے کون کافر۔“ مراد دے چہرے تے کہیں قسم دے شک تے تاثرات نہ ہن۔

”اساں کوئی چار سال نجیب اللہ دے خلاف لڑدے رہیہوے، ایں دوران مدرسہ حمیدیہ وچوں گئے ہوئے میڈے اُنوی سنگتی شہید تھی گئے، بعد وچ وی وستی پاؤلیاں توں کئی آئے، میڈے چار بھراوی ایں محاذ تے آئے، میں ایہو سُنڈیا جو اُو وی شہید تھی گئے پر اُناں ڈہناں میں پکڑیا گیا تے میکوں کابل دی جیل پُل چرخی وچ رکھیا گیا۔“

محمد مراد بغیر رُکے بولیندا ویندا ہا تے آڈیو ویڈیو ریکارڈنگ توں علاوہ وی پوری ٹیم اوندی ہک ہک گالہ، چہرے دے تاثرات سمیت غورنال سُنڈ دے تے ڈیدھی پئی ہئی۔  
 ”ول کیا تھیا؟“

”ول اساں جیت گیو سے! نجیب اللہ مار یا لیا تے اوندی لاش کوں ٹینک دی نال نال لٹکایا گیا، میڈے سمیت جتنے وی مجاہد جیل وچ ہن چھٹ گئے تے ول ربانی صاحب دی اسلامی ریاست بن گئی۔ پر جھیر نہ گیا۔ گلبدین حکمت یار، دو ستم تے مسعود شاہ توں علاوہ وی مجاہداں دے کئی گروپ آپس وچ لڑدے رہیے تے ایں دوران بہوں خون خرابا تھیا۔ میڈی کھبی بانہہ وی اناں ڈینہہ مونڈھے تے میزائل رکھ تے چلیندے ہوئے اڈ گئی۔ آپس دی اے لڑائی ہالی چلدی پئی ہئی تے ول ملا عمر طالبان گھن تے آگیا تے کابل تے قبضہ کریندے ہوئے حکومت تے وی بہہ تھیا۔ میں قندھار بھجیا جو کہیں طرحاں پاکستان چلیا و نجاں پر طالبان میکوں احمد شاہ مسعود دا سمجھ تے ولد اکا بل دی پل چرخی جیل وچ سٹ ڈتا جتھوں میں پنج سالوں بعد حامد کرزئی دے بادشاہ بنزن تے جھٹیا۔“

”یعنی ۲۰۰۱ء وچ توں پل چرخی توں چھٹ گیوں؟“ ڈی آئی جی اوندے تاریخ دے نال تاریخ ملاتے جواب ڈیون تے حیران ہا۔

”جی!“

”ول ڈاہ سال کتھرہ گئیں، پاکستان تاں توں ۲۰۱۱ء وچ آئیں؟“

”ول کیا تھیو خواں ہا، میں ہک داری ول قندھار آتے پاکستان آون کیتے سرحد پار کرینداں پیا ہم پر قسمت ساتھ نہ ڈتا، میں ول پکڑیا گیا، ایں پھیری حامد کرزئی دیاں فوجاں نے میکوں طالبان سمجھ تے ہک پھیری ول پل چرخی جیل پاچھوڑیا۔ قسمت دی گاہہ ڈیکھو جیں کرزئی نے طالبان مخالف سمجھ تے پہلے چھوڑیا ول ہوں کرزئی نے طالبان سمجھ تے چار سال ڈھکی رکھیا۔ میں لگھ دھاڑ پٹ کریندا رہیا پر کہیں وی میڈی نہ تاں گاہہ سُنڑی تے نہ جیل دار یکار ڈڈٹھا جو میں تاں پہلے ہں جیل وچ طالبان دا قیدی رہ گیاں۔“

”جے حامد کر زئی چار سال بعد چھوڑ ڈتا، تاں ول ہن تئیں کتھرہ گئیں تے اُونے چھوڑیا کیویں، کوئی عام معافی تھی؟“ ڈی آئی جی مراد دیاں اکھیں وچ اکھیں پاتے سمجھن دی کوشش کریندا پیاہا۔

”حامد کر زئی کتھر چھوڑے! میں خود جھج آیاں۔“ مراد دے چہرے تے پہلی واری لفظ کھن کیتے ہلکی جی کھل آئی پر لفظ بعد ای اوئد امہاندراؤلد اتنزوتج گیا۔

”جھج کیویں؟ جیل تے اُووی پُل چرخی دی! اُتھوں کون جھج بگدے؟“ ڈی آئی جی نے کُرسی اگوں تے سور گھدی۔

”بس! جیکوں اللہ موقع ڈیوے۔“

”پوری گالہہ ڈسا! پوری تفصیل دے نال۔“

”پوری گالہہ اے جو میکوں ۲۰۰۲ء وچ ڈھکیا گیا، اُتھ جو کجھ قیدیاں نال کیتا ویندا ہا اُو کہیں انسان واسطے برداشت کرنا مشکل ہئی، ول وی چنگے ڈیہناں دی آس وچ ہر مار پچائی، کجھ ترہہ تے بیماری برداشت کیتی پر ہر کوئی تاں فضل اللہ نہ ہا، جئیں ویلے کجھ عربی قیدیاں دی برداشت جواب ڈے گئی تاں اُنہاں نے ۲۰۰۴ء وچ جیل دے محافظاں تے اُستریاں نال حملہ کرتے بھجن دی کوشش کیتی پر ناکام ریہے۔ ایندے نتیجے وچ ہک عراقی، ترے پاکستانی تے چار افغانی پلے مارے گئے۔ وقتی طور تے تاں بغاوت دباؤتی گئی پر ڈوں سال بعد ۲۰۰۶ء دے سیالے وچ ست قیدی ملاقاتیاں دے ویس وچ جیل اچوں نس گئے، اُنہاں وچوں ہک میں وی ہم۔“

”حیرت اے توں پُل چرخی جیل وچوں نس آویں! خیر ول پنج سال بعد پاکستان کیویں؟“ ڈی آئی جی نے مراد دیاں ہتھ پیراں دیاں کڑیاں تے ہک واری ول نگاہ ماری۔

”گالہہ حیرت دی کا نہی، موقع تے دماغ استعمال کرن دی اے۔ پُل چرخی بہوں وڈی جیل اے تے میں اُوندا بہوں پُر انزاں قیدی، اُوندے چے چے توں واقف ہم، بس ہک ڈیہنہ سیالے دی برسات تے نواویں وچ میکوں موقع مل گیا، بھجڑاں تاں میں کلہا ہا پر باقی چھی کون قسمت

گھن آئی۔ اسل جیل وچوں تاں باہروں آگیو سے پر اندازہ نہ ہا جو افغان نیشنل فوج نے پورے کابل کوں پُل چرخی جیل بڑایا ہوئے۔ ہالی آساں پرے ناں گئے ہا سے جو گول پھول شروع تھی گئی، فوج کو چکر ڈیون کیتے اسل سے آنج آنج پاسے بھجیو سے، بعد وچ پتا لگیا جو او چھی دے چھی مارے گئے تے میں بچ گیا کیوں جو جیڑھے پاسے میں بھجیا ہم اوں پاسے میدان دی بجائے ہک ونج ویند ژغار ہی جتھوں پکے ڈوں مہینے میں باہر ای نہ نکل سکیا۔“

”تے ول آخر کیوں نکلیا۔“ ڈی آئی جی زچ تھیون لگ گیا۔

”اللہ کار سازاے، ساڈے بھجن توں بعد نیشنل فوج نے قیدیاں کیتے جو گئے رنگ دی وردی لازمی کر ڈتی جو آگی تے کوئی ملاقاتیاں دے ویس وچ جھج نہ سکے۔ وردی دی جبری پابندی اُتے فساد مچ گیا، قیدیاں تے گولی چلی، سُنو تیج ایہو ہی جو کئی مر گئے تے کئی بکھڑ تھئے، بیر کاں کوں وی بھالا ڈتی گئی تے پورے مہینے توڑیں جیل دے ادھ حصے تے قیدیاں دا قبضہ ریہا۔ ایس دوران کابل دی نیشنل فوج دی ساری توجہ جیل آ لے پاسے تھی تاں میکوں وی باہر نکلن دا موقع مل گیا۔ باہروں وی کوئی ہک عذاب تاں نہ ہا، ہر پاسے دشمن ای دشمن، آپڑیں بچھاویں کنوں وی ڈرنا پوندا ہا، ول چپھداں چپھانداں کئی ڈہناں دا پیراں پندھ کریندا ہو یا پہلے میدان شاہر تے ول غزنی تے قلات کنوں تھیندا ہو یا کوئی ہک سال بعد قندھار پہنچیا۔ جا جاتے جاسوس تے جا جاتے مخبری پر ول وی میں آپڑیں ہک پرانزی سنگتی کوں لبھن وچ کامیاب تھی گیا جنیں قندھار دے الصدیق کیمپ وچ میڈے نال کٹھی ٹریننگ کیتی ہی۔ کُرد قوم دا اے سنگتی بھاویں جو عرصہ پہلے ہک افغانز نال شادی کرتے بال ای جما بیٹھا ہا پر جڈاں میں ملیا او ڈوہیں جنگماں با نہیں جنگ کوں ڈے کراہیں املک لو تھ دی لو تھ بڑوں چکیا ہا۔ آفرین اے اوندے تے جنیں میکوں ڈھگ ڈیہاڑے آپڑیں کول لکائی رکھیا تے جنیں ویلے حالات کجھ ٹھیک تھئے تاں ہوندی امداد نال میں پہلے سپین بولدک تے ول چمن دے رستے پاکستان آ گیا۔“

”چن دے بارڈر تے کہیں نہ بچھیا؟“ ڈی آئی جی مراد دی کہانی کوں شک نال ڈیکھن لگا۔  
”بارڈر تے کون بچھدے، میں راہداری بنڑواتے سدھا لنگھیا آیاں۔“ مراد دے چہرے دی  
جھکان کجھ گھٹ تھی گئی ہئی۔

ڈی آئی جی نے ہک لمبا ساہ گھداتے کمرے توں باہر نکل گیا۔ ایس پی وی باہر و نجن لگیا تاں باقی  
ٹیم کوں اشارہ کیتا جو اکیوں ہن کھوا پلاتے آرام کرن ڈیو۔



مراد آکھو یا فضل اللہ، اناں ڈوہائیں ناواں دے وِچ مُنگے ہوئے شہید فضل اللہ پور دے لوک پریشان ہن جو آخر اے کون اناں دی وَستی آوڑیا تے آمن سکون برباد کر گیا۔ کوئی ہک منہ ہووے ہاتیاں ہک گالہہ وی ٹرے ہا، جتنے منہ تے آنتیاں گالہیں۔ وڈ کے نمبر دار دی گواہی تے اوندے بعد لاہور دی انسداد ہشت گردی دی پلس د امراد کوں چاؤ نخرہاں بیاں بہوں ساریاں کہانیاں دی بنیاد رکھ گیا۔

ہالی لوکاں کوں اے خبر نہ تھئی، جی جو گرفتاری کنوں پہلے اوشکوک پور ہک ہفتہ مدرسہ رحمانیہ دے متہم علامہ بلال الرحمن دامہان رہ گئے۔ خلقت کوں پہلے تاں ایہو ہلی جو ہک پشتوتے سرانیکی بولن والا اُنڈاد ہشت گرد کہیں وڈی واردات توں پہلے ویگناں آ لے اڈے توں پکڑیا گئے پر جنیں ویلے اے گالہہ کھلی جو وڈ کے نمبر دار دے آکھن موجب فقیرے پاؤلی دا ہک پتر پنجوی سال پہلے افغانستان شہید تھی گیا ہا جیندا ناں اُوں ویلے دے مدرسہ حمیدیہ دے مولوی عبدالحنان نے فضل اللہ ڈسایا، اوندی غیبی نماز جنازہ وی پڑھائی تے وَستی داناں وی اوندے ناں تے رکھ ڈتا گیا، تاں لوک سر جوڑتے بہہ گئے جو فقیرے پاؤلی دا پتر جے افغانستان وِچ شہید تھی گئے تاں وَل اے کون ہے جیڑھا خود کوں ہیں وَستی داجم پل سڈاون تے تلیا کھڑے، تے جے اوشہید نی تھیاتے صحیح سلامت وَل آئے تاں وَل وَستی داناں اوندے ناں اُتے کیوں؟

ملتانوں آئے پرائیویٹ ٹی وی چینل دے نمائندیاں نے آنچ پھل پوٹ مچائی ہوئی ہئی۔  
 مقامی رپورٹراں کوں نال لاتے مراد کوں فضل اللہ یا فضل اللہ کوں مراد ثابت کرن کیتے  
 اوندے خاندان دی اہلی ولی پھر ولی ویندی پئی ہئی۔ ہک ادھ ڈینہہ وچ اناں نے وڈ کے نمبردار  
 دے انٹرویو کر کرتے فقیرے پاؤلی دے گھر دیاں نشانیاں وی گول گھد وئیں جتھ ہند پوری  
 مارکیٹ بن چکی ہئی پر اوندے گھر دے کہیں فرد دا پتہ نہ لگدا پیا ہا۔ اتنی خبر ضرور ہئی جو  
 فقیرے د امراد یا فضل اللہ توں علاوہ ہک پترتے ہک دھی جیندے بن پر کجھ پتہ نہ ہا جو اوکھ  
 بن۔

مدرسہ حمیدیہ دے مولوی عبدالحمنان دا ذکر ول سامڑیں آیتاں پورے داپور امیڈیا مدرسہ  
 رحمانیہ وچ پہنچیا جو مولوی صاحب دے پترتے موجودہ متہم علامہ بلال الرحمن کنوں کوئی  
 تصدیقی خبر گھدی ونجیں پر بلال الرحمن نے ایں معاملے تے کہیں وی قسم دے تبصرے توں  
 معذرت کر گھدی تے صاف صاف آکھ ڈتا جو اناں دے مدرسے رحمانیہ دا افغانستان دی جنگ  
 کیتے مجاہد بھیجن دے قضیے نال کوئی تعلق کاسی تے نہ ای اناں کوں اے پتا ہے جو مراد یا فضل  
 اللہ کون اے، کیتھوں آئے، کیندا پتر اے یا مدرسہ حمیدیہ وچ اناں دے والد صاحب دا شاگرد  
 دی رہ گئے یا کوئٹہ۔ ایں توں پہلے جڈاں خبر لگی جو مراد وگناں والے اڈے توں گرفتار تھی گئے  
 تے اوکوں انسداد دہشت گردی دی پلس لاہور چاگئی اے تاں علامہ بلال نے مدرسے دے  
 سارے عملے کو سختی نال ایں موضوع تے کہیں وی بندے نال کوئی وی گالہہ کرن یا سُنڑن توں  
 منع کر ڈتا۔

پر علامہ بلال دی طرفوں سخت ممانعت دے باوجود اتنی گالہہ باہروں نکل ای گئی جو مراد یا فضل  
 اللہ مدرسے وڑدا وی ڈٹھا گیا ہاتے ہک ہفتے بعد اُتھوں نکلا دی۔ نال اے خبر وی میڈیا تک پہنچ  
 گئی جو اوندی ہجو جیندی بھین وستی لال کمال پرانی ہوئی اے تے گرفتاری والے ڈینہہ مشکوک  
 دہشت گرد ہوں بھین کوں ملن واسطے ویندا پیا ہا۔ نتیجہ اے نکلیا جو ملکی تے غیر ملکی میڈیا نے

ہک داری ول علامہ بلال تے یلغار کر ڈتی۔ علامہ بلال الرحمن نے مدرسے وچ بہہ تے میڈیادی ہر ہک گاہہ دا جواب ڈیون دے نال نال مدرسے دے نینگر چوکیدار تے بے عملے کوں وی جوابدہی کیتے آپڑیں نال بلہا گھداتے سب کوں کھلی اجازت ڈے ڈتی جو جینے جو سوال کرنے، پوری طرحاں کھلدے کرے۔

پرائیویٹ ٹی وی چینلز تے اخباری رپورٹراں نے آپڑیں طرفوں کوئی کسر نہ چھوڑی، نینگر چوکیدار کنوں لاتے مدرسے دے لانگریاں تک کنوں سوال جواب تھئے پر گاہہ کو نکلی جو ہک مشکوک قسم دا ہک بانہہ کپیل بندہ مدرسے دے باہروں ضرور پھر دا ڈٹھا گیا ہا پر نہ تاں اواندر وڑے تے نہ اتھاں ٹکانہ کیتے۔ ایں توں ودھ جتنی گاہہ کیتی گئی اے سب کوڑتے بہتان، کہیں دشمن نے لائویس چاویں کیتی اے جو مدرسے کوں بدنام کیتا و نجیں۔ مشکوک دی بھین بارے وی ول ول سوال تھئے پر اوندے بارے وی کو جواب ملداریہا جو جینیں ویلے مراد یا فضل اللہ کوں فی جائز دے تاں اوندی بھین کوں کیویں جائز سوں۔

میڈیا تاں ٹر گیا پر خاموش طبع تے بظاہر ٹھڈے مزاج دے بلال الرحمن دے دماغ وچ بھا دے لمبے بھڑکا گیا۔ اونے پہلے زبانی کلامی تے ول کھلے پو لے نال نینگر چوکیدار دی چنگی آتھر چھاند کیتی پر کتھاؤں کوئی گلہ جید او لیکھا وی نہ نکیتا جو گاہہ مدرسے دے اندروں نکیتی اے۔ بھل ایہو گاہہ بلال الرحمن کوں کھادی ویندی ہئی جو جتنی گاہہ وی باہروں تھی تے وی اے او ہے تاں ساری سچ۔ مراد کوں اوندی بھین دا پتا وی اوں خود کراتے ڈتا ہا۔ اے او گاہہ ہئی جیڑھی مراد تے اوندے توں علاوہ صرف ہک بیا شخص جائز دہاتے اوہا مدرسے دا خزانچی۔ بلال کوں اوندے اُتے آپڑیں آپ توں وی ودھ تے اعتماد ہا۔ کہیں وی مغالے وچ خزانچی آپڑیں قسم چاوے یا نہ چاوے پر اوندی قسم بلال الرحمن بغیر کہیں آجھک دے چا سگدا ہا۔ اناں حالات وچ آپڑیں مدرسے دے کہیں وی شخص تے شک کرنا بنزدانہ ہا۔ بے اے گاہہ ہئی تاں ول اوندے سامنویں کو سوال ہا جو آخر اے گاہہ باہر نکیتی کیویں اے؟

اُوں رات وی بلال الرحمن کجھ وی کھادے بغیر گھر دے دلاں وچ بنڑیں ہوئے چبوترے تے  
 وچھے ماچے دی بجائے سچے وان دی وُڑائی اُتے خالص چم کوں مندے تے پکے دھاگے دی تُرپائی  
 نال جوڑ بنڑائے موڑھے تے آدھ لیٹیا ہو یا اسمان تے مہینے دیاں چھیکڑی راتیں دے چند ردی  
 تانگھ تنگھیدا بیٹھا ہا۔ مانے ڈوں ترے پھیری مانی دا بچھیا تاں بلال چڑ گیا۔

”کجھ لکسی تاں آپے کھا گھنساں، تِساں ونجو لیٹو، آرام کرو۔“ جواب تاں بلال نے ڈے ڈتاتے ما  
 نے سُن وی گھدا پر آپڑیں جاڈوہیں ایں جواب وچ آپڑیں خاموشی نال کوئی بیا سوال کوئی بیا  
 جواب گلیندے پئے ہن۔

ماکوں اے فکر جو بلال شادی کیوں نی کریندا تے بلال ایں گویڑ وچ جو اوندے مدرسے دا نظام  
 ڈھلڑ تھی گئے، پولا تھی گئے جو کوئی راز دی گالہہ راز رہ ای نی سگدی۔ ما ایں گالہوں مانی جو  
 چھوٹے بھرا دے ترے بال تھی گن تے وڈے دے گھر ہالی نو نہہ دا قدم نی پیا۔ جے میں مر  
 گئی تاں کیا بنڑی ایندا۔ ساری کیتی کرتی، سبھو بنڑایا اُسا ریا لے مٹی تھی ویسی۔ بلال ایں بھن  
 تر وُڑ وچ جو اوندے پیو نے چھی شادیاں کرتے کیڑا پہاڑ چُٹ گھدا، بالاں دی گلید جماتے کیا اُو  
 اتنا کجھ وی کر گیا جو اوندے بعد اوند ا مدرسہ حمید یہ کم از کم اوندے نال دے نال ای سُنجاڑیاں  
 ونجیں۔ مادی سوچ ہئی جو بلال نے شادی نہ کیتی تاں اونداناں نشان مٹ ویسی بھل بلال دی  
 سوچ اے ہئی جو آپڑیں زندگی وچ سینکڑاں بالاں کوں پرانی جنگ دا بل بنڑوان والے دا چھی  
 شادیاں تے درجن بال جماتے وی قبر داناں نشان کائنی۔ مادا اے وہم جو بلال نہ ہووے ہاتاں  
 مولوی صاحب دی شہادت توں بعد اوند ا مدرسہ کون سنبھالے ہاے کی بلال دا اے نظریہ جو اُو  
 نہ ہووے ہاں تاں ابے دا مدرسہ کوئی بیا اُوں توں بہتر چلیندا پیا ہووے ہا۔ جے ہن وی اُو نہ  
 رہیا تاں کوئی بیا سنبھلیسی، اوندے کنوں زیادہ بہتر طریقے نال۔ کوئی اسماناں توں لکھواتے  
 تھوڑا آئے جو جو کجھ اُو سوچسی، سبھو کجھ اُوئیں دا اُوئیں اوندی سوچ مطابق تھیں۔

بلال الرحمن کوں شادی دے ناں توں چڑا ناں سبھے حالات سبب ہئی جیڑھا او آپڑیں اکھیں نال ڈیدھارہ گیا۔ ڈو جھی شادی تاں شئیت اوندے پُونے پہلی ذال کنوں اختا تھی کراہیں نہ کیتی ہئی۔ اوندی ماڈ سیندی ہئی جو غربت وچ گزارے دے باوجود سبھو کجھ ٹھیک ہاؤل پتانی کنیں مِت ڈتی جو مولوی صاحب نے امینہ بی بی نال شادی کر گھدی۔ تھوڑی بُستی تچ تچ شروع تھی جو غربت ہئی، گزران مشکل تھی گئی ہئی، بھل کم ودھیانہ ہا۔ شئیت ڈوہائیں ذالیں کوں بال جماون توں وی واند نہ ہئی تے جھیرا کنیں کرنا، مسئلہ تاں اوں ویلے بنزیاں جڈاں جو گھر وچ گزران سکھی تھی پر سال کھن دے وقفے نال ڈوں بیاں ذالیں زبیدہ تے نسیم آگیاں۔ عجیب تماشا ہئی جو روپے پیسے دی تھوڑ نہ ہوون دے باوجود گھر وچ چین سکون دی غربت روز ڈیہاڑے ودھدی ویندی ہئی۔ ہک ذال دے ہوندے ہوئے تاں بلال نے وی نکلے لاما پُو کو آپس وچ کھلدے ہسدے ڈٹھا ہا، چار شادیاں دے بعد تاں اُونے نہ تاں پُو کوں ذالیں نال بہہ کراہیں حال حویلہ کریندا ڈٹھاتے نہ کڈھائیں گھر وچ کھلد اہسدا۔

بلال کوں پُو دا اے حال ڈیکھ کراہیں نکلے لادی سمجھ نہ آندی ہئی جو عورت دا آخر مرد دی زندگی وچ کم کیا ہے؟ بس چوی گھنٹے ہوں شخص کوں ای تہی رکھڑاں جیڑھا سارا ڈینہہ بھبھرمار، آپڑیں قبر کالی کر اوندے واسطے خوشیاں تے سہولتاں گول کراہیں سویر دا گیا شام کوں گھر وڑدے۔ عورت آخر ہوں شخص دی زندگی عذاب کیوں کیتی راہندی اے جیڑھا ساری زندگی اوندی حیاتی کوں عذابیں کنوں بچاون دا اہر کریندا راہندے۔ اوندی سنبھل وان وچ اوند پُو چار شادیاں کرتے وی ادھی رات توڑیں ایں چبوترے تے بیٹھا راہندا ہاتے اوشادی کیتے بغیر وی رات دے پچھلے پہر تئیں ہوں چبوترے تے کلبا بیٹھا راہندے۔ ڈوہائیں دے باہون وچ فرق چھڑا سکون داہا۔

گاہہ اے نہ ہئی جو بلال کوں عورت دے وجود کنوں نفرت ہئی، او کوں صرف عورت دے ذال بنڑن دے بعد دے روپ روپے توں نفرت ہئی۔ عورتاں او کوں ما، بھین تے دھی دے

رُوپ وچ بہوں چنگیاں لگدیاں ہن بھل اے سمجھ نہ آندی ہئی جو کہیں دی ڈال بن تے اوکوں  
تھی کیا ویندے۔ پُیو دے جیندیاں اوکوں چنگی طرحاں یاد ہا جو اوندی ماکے ویلے اوکوں  
ڈیدھی تاں پیار دی نگاہ نال تے اوندے پُیو کوں ڈیدھی تاں مَتھے تے وٹ پاتے۔ بلال واسطے  
ہر اُوکم کریندی جیندے نال اُو خوش تھیوے تے پئے واسطے ہر اُو رویہ رکھیندی جیندے نال  
اُو کوڑتے، تلے، بھنیجے۔

گالہ اے نہ ہئی جو بلال دا جنسی تلذذ دی کہیں نئی صورت والے پائے رجوع ہا، اوکوں تاں  
جنس تے جنسی تلذذ دی ہر صورت دا تصور کرتے وی آپڑیں آپ کنوں کریت تے پلنگی دا  
احساس تھیون لگ پوندا ہا۔ اے نہ ہئی جو اوندے وچ مردانہ صفات دی کمی ہئی بلکہ کمی ہئی تاں  
مردانہ احساسات دی۔ صفات ہوندیاں وی احساسات دے نہ ہووَن وچ اوندے پُیو نال  
اوندیاں ذالیں دا سلوک اِیں طرحاں جِراں کرتے بہہ گیا جیویں پانی دے موگے وچ ڈٹن آ  
ویندے۔

ثَنیت لے ڈٹن پُولارہ ویندا جے اوند اُپیو خالد توفیقی دے آکھن تے اوندی ماسیت آپڑیاں  
ڈوہائیں وڈیاں ذالیں کوں طلاق ڈے کراہیں لویاں افغانزیں نہ پرینج آندا۔ اِیں قسم دے  
احساس نہ ہووَن دی، رُوی وچ پہلی واری بلال کوں احساس تھیا جو گھرتے گھر داری دی ساری  
گھنڈ چار لفظاں دی ما اے۔ اوندے بعد ذال پئے تے حرام تے پئے ذال تے پرول وی اناں  
وچ ہک بئے کوں رُچ تے ذلیل کریندے ہوئیں قبر تیں گھیلن دی ضدنی ویندی۔ تعلق نہ  
ہوندیاں وی تعلق رہ ویندے تے ول کیا ضرورت ہے ابجھا تعلق بنڑوان دی جیڑھا تروڑن  
دے باوجود نہ تڑے، بالاں دے نصیب تڑن دے مل تے وی۔

خالد توفیقی داناں ذہن وچ آیاتاں بلال الرحمن اُدر تیج تے سدھا تھی بیٹھا۔ ہک بئے خیال نے  
اوندے ذہن وچ چُل چُل مچاڈتی جو مراد دے معاملے دے مدرسے وچوں باہر نکل تے خلقت  
نیک پسمن وچ خالد توفیقی دا ہتھ تاں نہیں؟

”جے ایس معاملے وِچ خالد توفیقی ملوث ہے وی سنی تاں اوکوں پتا کیوں لگے؟ اوہے کیتھاں  
ایندا وی کہیں کوں کوئی پتا کائنی!“

سوال اے وی بلال الرحمن دے سامڑیں ہاجو خالد ہالی جیئندا اے تے بم دھماکے وِچ مویانی  
تاں او کیہڑا ہے جینے اوکوں مراد دے مدر سے آون تے ول بھین کوں ملن واسطے لال کمال  
ونجن دی مخبری کیتی؟

”ہو نہہ“ بلال نے ہک لمبا ساہ بھریا تے سوچن بہہ گیا جو میڈی کوئی وی گالہہ میڈے دشمنان  
کنوں لگی ہوئی کائنی بھانویں او خالد توفیقی ای کیوں نہ ہووے۔  
”میں تاں تیکوں بُھل گیا، ہم پر ہن گولڑاں پئے گیا خالد توفیقی تیکوں!“



انسدادِ دہشت گردی دے سپیشل یونٹ دی تفتیشی ٹیم نے آپڑیں ابتدائی رپورٹ وچ مراد دی کہانی کو بظاہر سچ مَن گھدا پر ہائی کمان مطمئن کو نہا ہی۔ مطمئن نہ ہو وُن دا جواز وی بہوں مضبوط ہا جو اوندے بیان دی تصدیق کیتے کوئی وی دستاویزی ثبوت نہ ہا۔ وڈکا نمبر دار اے تاں آہدا ہا جو فقیرے پاؤلی دا جیڑھا پتر چوکی پنجوی سال پہلے افغانستان وچ شہید تھیا ہا اونداناں فضل اللہ ہا بھل ایں گالہہ دا کوئی ثبوت نہ ہا جو ایہو محمد مراد ای اوہو شہید فضل اللہ ہی۔ جے ایں گالہہ کوں وی مَن گھدا ونجے جو مرن والا فقیرے پاؤلی دا پتر مراد ہاتاں ول دی ایندا کوئی ثبوت کائنی جو ایہو مشکوک انا اوہو محمد مراد ہے جیڑھا فضل اللہ دے نال قندھار گیاتے ول اوندے مرن یا شہید تھیون دی خبر مولوی عبدالرحمن کو ملی۔ تھی سگدے جو کوئی وی سخت جان دہشت گرد اے ساری کہانی بنڑاتے کوئی واردات کرن آیا ودا ہووے۔ لیکن جیڑھی گالہہ مشکوک کو بے گناہ بنڑیندی ہی اوندانہ تاں پہلے توں کہیں واردات وچ ملوٹ یا مطلوب ہو و نراں۔ تے نہ ای کہیں واردات وچ ملوٹ دہشت گرد نال کوئی تعلق۔ ایں توں علاوہ اوندے فنگر پرنٹ، ڈی این اے ٹیسٹ تے نادرا دیاں رپورٹاں نے وی کوئی الجھتا سیدی مواد نہ ڈتا جیندی بنیاد تے او کوں کہیں واردات نال جوڑیا ونج سکے۔

ول وی ایہو طے تھیا جو کہیں حتمی نتیجے تے پہنچن توں پہلے مشکوک دا پولی گرافک ٹیسٹ کرایا

و نجس تاں جو کوڑیچ داپتالگ سکے۔ پولی گرافک ٹیسٹ وی ہک واری نیں بلکہ ڈوں پھیری تھیا پر نتیجہ اُوہو جو اے شخص کوڑنی آلیندا پیا۔ محمد مراد کوں بظاہر حراست وِچ رکھن دامتد کوئی قانونی جواز نہ ہاپر ہائی کمان مشکوک داسار امانی ڈیدھے ہوئے او کوں ایذا جلدی چھوڑن تے تیار نہ ہئی۔ خاص طور تے جنیں ویلے اُو غیر ملکیاں کنوں لمبے عرصے توڑیں گوریل جنگ دی ٹریننگ گھنن توں بعد نہ صرف گوریل جنگ دی مہارت رکھیندا ہووے بلکہ عملی طور تے اے جنگ لڑی وی ہوئی ہووے۔ ایں شخص دے خلاف بھاویں جو ہالی کوئی ثبوت کائنا ہئی پر اُو کہیں ویلے وی پاکستان دی سالمیت واسطے خطرہ ثابت تھی سگدا ہا۔ کوئی پتانہ ہا جو اوندے کیہڑی کیہڑی عالمی ایجنسی نال عملی رابطے ہووِن۔ حامد کرزئی دی حکومت وی اُوں ویلے پاکستان دی بجائے انڈیا دے نیڑے ہئی، ہیں گالہوں امکان اے وی تھی سگدا ہا جو او کوں کیتھائیں انڈین ایجنسی رانے افغانستان دے رستے کہیں خاص مشن تے پاکستان نہ بھیجیا ہووے۔

ایں حوالے نال معاملے دی حساسیت چو کھیری تھی تاں کجھ دوست نکال دیاں انٹیلیجنس ایجنسیاں نال محمد مراد بارے معلومات سانجھیاں کیتیاں گیاں پر اُتھوں وی ایہو جواب آیا جو اُناں کول ایں شخص بارے نہ تاں کوئی ریکارڈ ہے تے نہ کوئی سُن گن یا کہیں وی واردات دا کوئی حوالہ۔

ایں توں پہلے جو محمد مراد دی قسمت دافیصلہ کہیں نئی طرحاں تھیندا پر ایسویٹ ٹی وی چینلاں توں اوندے بارے نویاں نویاں خبراں آون لگدیاں۔ انسداد دہشت گردی یونٹ دی ہن توڑیں دی تفتیش محض ویگناں والے اڈے توں اوندی گرفتاری توڑیں ہئی۔ ایں بارے کوئی سوال نہ تھیا ہا جو اُستی آون توں بعد اُو کیتھاں کیتھاں ریہاتے ہن ویندا کیتھاں پیا ہا۔ جنیں ویلے اے خبر ملی جو اُو پورا ہفتہ مدرسہ رحمانیہ وِچ علامہ بلال الرحمن دامہان ریسے تے اُتھوں آپڑیں چھیکڑی بچی ہوئی بھین کوں ملن کیتے لودھراں دی وستی لال کمال ویندا پیا ہاتاں پہلی تفتیشی ٹیم کوں سخت چھکائی توں بعد تفتیش توں آج کریندے ہوئے نویں ٹیم بڑائی گئی پر اوند

نگران اُدھو پُر انڑاں ڈی آئی جی ہا جیڑھا ایس غفلت دی ذمہ داری چھوٹے افسراں تے پاتے خود سر خرد تھی گیا۔

نویں تفتیشی ٹیم نے پہلے ڈینسہ ای علامہ بلال الرحمن تے مراد دی چھوٹی بھین زرینہ کون لاہور دے تفتیشی مرکز سڈا گھدا۔ علامہ بلال کوتاں بے ڈیہاڑے لاہور بجاڈا گیا پر زرینہ دا کوئی اتاپتا کو نہا۔ جڈاں دی ٹی وی چینلاں تے مراد دی کہیں بھین دی گالہہ بات شروع تھی اُو پورا بُرائی گھبرا گیا جو آجھو پلس بُجھی تے اُناں کون وی پھٹے لاڈیسی۔ زرینہ دا پئے وی ذات دا تاں پاؤلی ہا پر جڈاں دیاں کھڈیاں داکم کار منج تھیا اُونے لونی تیلی دی دکان لاگھدی، وکری ڈھیر کیا تھیونی ہئی بس ڈوں ویلیاں دی روٹی کہیں ناں کہیں طریقے پوری تھی ویندی ہئی۔ پر جڈاں دیاں کہیں مراد دیاں خبراں چلنیاں شروع تھیاں چینلاں والیاں نے وستی لال کمال دا رخ کر گھدا۔ وستی تاں پہلے ای جنرل ضیا الحق دا جہاز ڈھاوون دے بعد مشہور تھی گئی ہئی پر ہن ہک ابکھے دہشت گرد دی بھین دی تلاش ہئی جیڑھا ضیا دور وچ مجاہد بنڑاں افغانستان بھیجیا گیا ہا۔ جڈاں پہلا کیمرے والا رپورٹر وستی وڑیا تاں زرینہ دا پئے عاقل دکان کو جندر امار زرینہ تے چھی بالاں کون نال نیندافروٹ تھی گیا۔ گالہہ ہئی وی حتی جو فقیرے پاؤلی دی گلید بالاں دی ہئی ہن کیوں پتا جو پنجوی سال پہلے مویا فضل اللہ کون ہاتے کون نہ ہا۔ زرینہ شودی تاں خود پنجوی چھوی سالوں دی ہئی، چھی بال تھی گئے تاں کیا تھیا۔

نیڑے تیڑے دے شریکاں تے حق ہمسائے نے چینلاں والیاں کون تاں مانی رکھیا پر جنیں ویلے پلس دا پہلا ڈالا آیتاں جیڑھا جیڑھا جھج سگدا ہا جھج گیا جیڑھا نہ جھج سگیا اُو قابو آ گیا۔ جیڑھے قابو آئے اُو وی کیہڑے کم دے کیوں جو اُناں کون کیا پتا عاقل بالاں بچیاں کون نال لاتے کڈے منہ کر گئے۔ پلس نے وی آخر اُتے منہ ڈکھا و نراں ہا، تہوں جستی و کیڑ جڑھا سگدے ہن جڑھایو نیں، جتنے چھا پے اڈے اڈے مار سگدے ہن ماریو نے، پر زرینہ داکتھائیں کوئی پتا نہ ہا۔

ڈوجھے پاسے علامہ بلال الرحمن شامل تفتیش تھیا تاں اُونے ساری گالہہ جیویں جیویں تھئی ہئی، ہوں طرحاں سُزا چھوڑی۔ اُونے صاف ڈسایا جو اُو پہلے توں مراد کوں نہ جائز داہا پر اتنا ضرور ہا جو کہیں مراد ناں دے طالب نے ہک بے طالب طرفوں آپڑیں نال تھیون والی زیادتی تے رولا پاتا ہا بھل اوند اگو ٹھپن کیتے اُو کوں پنجوی چھوہراں دے پہلے گروپ وچ ای مولوی صاحب نے قدھار بھجوا ڈتا ہا۔ اُو ہن دی ایکوں نی سُجھیندا جو گالہہ پرانی ہے پر جو کجھ اُوں آپڑیں تے آپڑیں خاندان بارے ڈسے، مدرسے دے واقعات سُزا اُن اُتھوں اُو کوں یقین ہے جو نہ تاں اے شخص کوڑ مریندا پے تے نہ اے دہشت گرد ہے۔ علامہ بلال تاں ایس حد تیں گیا جو نہ صرف ایس مظلوم دی گارنٹی ڈیون کوں تیار ہا بلکہ پرہانچایت دے ذریعے اوندی بھین کوں وی گلو اُون دی کوشش کریندا پیا ہا۔

علامہ بلال کنوں اوندی یقین دہانی لکھواتے گھن گھدی گئی پر ول وی ہائی کمان محمد مراد عرف فضل اللہ کوں چھوڑن کیتے تیار نہ ہئی۔ علامہ بلال واپس شہید فضل اللہ پور پہنچیا تاں ہک واری ول پورے ملکہ دامیڈیا اوندے مدرسے پہنچ چکیا ہا، علامہ بلال نے تفصیل کیا ڈسڑیں ہئی، چھڑا ایہوں آکھیس جو کوئی سمجھا کم نہ کریسی جیڑھا اوندے والد نے کیتا ہا بلکہ کوشش کریسی جو والد دے کیتیاں دا کفار ادا کر سکے۔

علامہ بلال دے ایس چھوٹے جے بیان دا بہوں جنیں تے آپڑاں آپڑاں مطلب گھدا گیا۔ کئی تبصرے تھے جو علامہ بلال نے من گھدے مراد دہشت گرداے۔ کہیں نے آکھیا جو علامہ بلال ایس دہشت گرد دا سہولت کار اے جیکوں فی الحال کوئی ثبوت نہ ملن پاروں چھوڑتاں ڈتا گئے پر نگرانی وچ اے تے کہیں ویلے ای گرفتار تھی ویسی۔ کجھ دا خیال ہا جو مراد دی بھین زرینہ دی کہانی محض فرض کاری اے تے کجھ دے نزدیک زرینہ کوں وی علامہ بلال الرحمن نے پناہ ڈتی ہوئی ہئی۔ بلال الرحمن نے چُپ چاکیتی تے مدرسے دے عملے سمیت ساری سنگت کوں کوئی جواب نہ ڈیون دی ہدایات کر چھوڑی۔ مولوی صاحب دے مرن توں بعد

اُونے وڈی محنت نال مدر سے کول ہک باوقار مذہبی تعلیم دا ادارہ بنزایا ہا جیکوں ریورس گیر لا  
تے ماضی ڈو گھن و نجر داں ساری کیتی کرتی تے پانی پھیرن دے برابر ہا۔ اے اوکوں کتھوں  
وار اکھاندا ہا۔

ایں دوران ہک مسئلہ بیا کھڑا تھی گیا۔ فضل اللہ دی گرفتاری دی خبر عالمی میڈیا وچ آئی تاں  
افغانستان دی حکومت نے کابل دی پل چرخ جیل وچوں نئے ہوئے آپڑیں قیدی دی واپسی دا  
مطالبہ کر ڈتا۔ وزارت خارجہ نے معاملے دی پوری تفصیل پنجاب دے محکمہ داخلہ وچوں منگوا  
تاں گھدی پر کوئی سمجھا معاہدہ ڈوہائیں ملکاں دے درمیان نہ ہا جو جیندے تحت مطلوب مجرماں  
دا تبادلہ کیتا و نجی۔ ایں موقعے تے علامہ بلال طرفوں ڈتی گئی یقین دہانی نما ضمانت وی کم آئی  
جیندی بنیاد تے حکومت نے اتنا من گھدا جو مراد عرف فضل اللہ پاکستانی شہری اے، جے اوند  
کہیں دہشت گرد تنظیم یاد ہشت گردی دی واردات نال تعلق ثابت تھی گیا تاں انصاف دے  
کٹہرے وچ گھن آون کیتے حکومت خود اوندے تے مقدمہ چلیسی۔

بھل ایں ساری کارروائی دے باوجود مراد جھٹل نہ تھیا ہتھوں معاملے کول مزید پھرو لن کیتے  
مختلف ایجنسیاں تے مشتمل جائٹ انویسٹی گیشن ٹیم (جے آئی ٹی) بنز ڈتی گئی تے مراد ہک  
واری ول تفتیش دے گھیرے وچ آ گیا۔ سُر تچ اے وی ہئی جو جے آئی ٹی دے حوالے کرن  
کنوں پہلے اوندے تے بہوں بری طرحاں تھر ڈڈ گری طریقہ وی آزمایا گیا پر اوند ا بیان اُوہو ریہا  
جو شروع توں ڈینداں آنداں ہا۔ کتھائی رتی برابر وی تھر کاٹ کاٹا ہا۔

انسداد دہشت گردی دے سپیشل یونٹ دی پکڑ وچ مراد جڈن دا آیا اویہو سچینداں راہندا جو پتا  
نی جن ساری اُونے کیہڑی ایجھی خطا کیتی جو زندگی وچ ہک ڈینہہ وی سکھ دا نصیب نہ تھیا۔ ہک  
عذاب کول بھوگ تے باہر نکلداتے بیا عذاب اوندی تانگھ وچ ہوندا۔ کہیں کہیں ویلے تاں  
اوکوں آپڑیں سخت جان ہون تے وی کاوڑ چڑھدی جو پُودے گھر کنوں لاتے پل چرخ تے  
پل چرخ کنوں اے تیں جو کجھ اوندے بُت نال تھئے، اُو مرکیوں نی گیا۔ کم از کم ایں عذاب

کنوں تاں جان چھندی۔ اوکوں لگدا جو کوئی لوک مرتے دوزخ وچ ویسں پر اوتاں جم تے  
 سدھا دوزخ وچ آئے۔ آجاں سال ڈوں سالوں دا ہوسی جڈاں اوندا پیا اوکوں گردن کنوں لڑکا  
 تے آپڑیں دگے جیدے ہتھ نال اوندیاں گلہاں تے کنڈتے تھپے مریندا ہا۔ ول جنیں ویلے  
 تھک ویندا تاں بھکاتے ایں طرحاں سٹینداں جو کیڈی کیڈی دیر ساہ نہ ولدا، ول پتانی کیوں جی  
 پوندا۔ شیت غذا باں دی گنتری بہوں لمبی ہئی جیندے واسطے اوندا جیندا راہو نراں ضروری  
 ہا۔

پل چرخ جیل دی نہ کوئی رات بھلن دی ہئی تے نہ کوئی ڈینہ۔ قید بھاریں طالبان دی ہئی یا  
 حامد کرزی دی اوندے کیتے سکھ دپل کیتھائیں کو نہا۔ کئی پھیری اوندیاں ڈوہائیں جنگلاں کوں  
 آنج آنج بدھ تے آموں سامیں جھک تے اوندے چڈے چرن دی کوشش کیتی گئی۔ ننگا کرتے  
 اُسترے نال پورے بُت تے ٹک لاو نراں تاں روز دی گالہہ ہئی پر جنیں ویلے اناں زخماں وچ  
 پیپ پئے ویندی تاں ہر ہر پھٹا کجھا ملا بنڑاں ویندا جیندے وچ بھاوالے سوئے مریندے  
 پئے ہو وِن، غضب دے جچلا دے نال۔

”کیا ہوندا ہوسی اے جو خلقت وچوں کوئی کوئی محض ڈکھ، درد تے تکلیفاں سہون کیتے دنیا تے  
 آندے، کیا کوئی پچھلے جنم دی سزا ہوندی ہوسی یا وڈکیاں دی کیتیاں دا بدلہ چکاون کیتے  
 اوندیاں اگلیاں نسلوں وچوں کہیں ہک کوں جن گھدا ویندے، جے او آپڑیں وڈکیاں دے  
 گناہواں دی سزا کیتے چنڑیاں گئے تاں ایندا وی کوئی حق حساب تاں ہوسی، کوئی انصاف تاں  
 ہوسی یا ایویں بغیر کہیں حساب دے کم دزی چائی رکھیندن؟“ پر اوکوں کڈھائیں وی آپڑیاں  
 سوچاں دا جواب نہ مل سگیا۔ ہا! بس اتنا تھیا جو ہنجوں ہمیشہ کیتے سک گئے تے بُت گوشت  
 پوست دی بجائے کہیں پتھر کہیں رُک دا بن گیا۔

جے آئی ٹی دی تفتیش ہالی چل دی پئی ہئی جو ہک ڈینہ خبر ملی زرینہ لبھ پئی اے تے علامہ بلال  
 اوکوں گھن کراہیں لاہور آندا پئے۔ ایڈی وڈی خبر جتھ میڈیا توں خفیہ رکھی گئی اتھ مراد کوں

دی ہوانہ لگن ڈتی گئی۔ طے ایہو تھیا جو زرینہ کوں اچانک سامنویں گھن آیا ونجیوں ول ڈکھیجے  
جو ڈوہائیں دے چہریاں دے تاثرات کیا ہن۔ ایں ساری ملاقات دی ویڈیو ریکارڈنگ وی  
تھیونویں ہی تا جو کنیں ڈیہاڑیاں تو مراد دے کوڑ سچ دے ویچ کارٹنگے ہوئے نفسیات دے ماہر  
کہیں نتیجے تک پہنچ سگن۔



پتانی کنیں بلال الرحمن دے آسوں پاسوں سندھ لائی ہئی جو اوندی کوئی وی گالہہ جیکوں راز رکھن دی لوڑھ ہوندى، راز نہ رہ سگدی۔ حکومت کنوں زیادہ اوندی خود دی کوشش ہئی جو مراد دے معاملے وچ اونداناں نہ آوے پر میڈیا توں علاوہ ایڈے اڈوں دے لوک ول ول گھیل گھال تے اوکوں ہر اُوں تنازعے وچ ملوث کرن دی کوشش کریندے پئے ہن۔ جیندا جو تعلق مراد عرف فضل اللہ دی گزری ویہانی نال ہوندا۔

اُو خود ای حیران تھیندا جو حکومتاں تے اُناں دے مفادات بدلن تے رویے تاں بدلن سُو بدلن پر اُناں لوکوں دی تقدیر تے انجام دی نوعیت وی بدل ویندی جیڑھے اُناں کیتے آپڑاں خویش قبیلہ، مال متاع تے جیون مرن تک دی وی پروانہ کریندے ہوئے سبھو کجھ داتے لائی رکھیندن۔ ول تھیندا ایہو ہے جو جنرل ضیا الحق دی حکومت دامر مجاہد فضل اللہ جنرل پرویز مشرف دی حکومت آندے آندے دہشت گرد بن چکيا ہوندے تے ایہو ٹھپا اوندے توں اُوں ویلے وی فی لاہند اجڈاں جو پنجاب وچ ڈاھ سالوں بعد ولا مسلم لیگ (نواز) دی حکومت آ چکی ہوندى اے۔ اوندی حیاتی دی بربادی دا حال تاں کنیں بچھڑاں با، کوئی ولی وارث وی نہ ریہا۔

مقدریں دی زپٹڑ چاتے مراد کو کہیں نہ کہیں طور انصاف ڈواؤن کیتے بلال نے کیتھوں کیتھوں

تے باثر لو کیں دیاں پارتاں ضمانتاں توں بعد زرینہ کوں گول تال گھداتے ایں توں پہلے جو میڈیا اوندے تیں آپڑے اُونے اُوکوں اوندے پئے تے بالاں سمیت پلس دی نگرانی وِچ لاہور روانہ تال کر ڈیپارٹمنٹ وی پتانی کیتھوں میڈیا کو خبر لگ گئی۔ میڈیا کوں خبر تھیون دا مطلب ای ایہو ہا جو گالہہ ہن دنیا جہان تے ہل گئی۔ کوئی سمجھ نہ آندی ہئی جو ایں پک داسک کیندے اُتے کرے جیندا علم اوندے سواناں ڈوں لوکیں کوں ہاجنساں تے اُو آپڑیں آپ کنوں ای ودھ اعتماد کریندا ہا۔ پک مدر سے دا خزانچی تے پک اوندی مابختا و جیندے نال اُو اکثر اُوں ویلے ضرور مشورہ کریندا جنیں ویلے ہر پاسوں مایوس تھی کر اہیں اگوں ودھن دارستہ و نجا باہندا۔

ماتے شک کرن تال بڈ مرن ہا، ایجھی رن ذال جیندا نہ تال کیتھائیں آون و نجن تے نہ کہیں دے نال تعلق واسطہ، اُونے تال طلاق توں بعد آپڑیں جوانی گال تے ہو کوں جوان کرتے ایں قابل کر کھڑایا جو پُودے مدر سے کوں سنبھال سکے۔ باقی رہیا خزانچی، اُوکوں وی اُونے کئی واری آزما ڈٹھا، مجال اے جو پک پیسے دا حساب اڈے اڈے تھیا ہووے۔ ول آخر کون تھی سگدے اوندے عزت دی بیڑی وِچ ٹنگ کرتے بوڑن والا۔ دشمن تال اوند اُو خالد توفیقی ہاپر گویا اے جو گالہہ خالد تیں بُجدی کیویں ہے، جیندے بارے اے وی پتاکا نئی جو جیندا ہے یا مویا۔

”تھی سگدے خزانچی خالد دا بندہ ہووے جیڑھا روپے پیسے دے معاملے وِچ میڈیا اعتباری تھی کراہیں باقی معاملیاں وِچ میکوں تھک لائی کھڑا ہووے۔“ پر آپڑیں ایں خیال تے بلال خود سوچ تے ای شر مسار تھی گیا۔

”خزانچی جنیں بندے تے شک میکوں زیب نی ڈیندا جیڑھا ایں مدر سے آیا وی اُوں ویلے ہا جڈاں خالد توفیقی اتھوں کڈو کڑاں منہ کر گیا ہا۔“

علامہ بلال نے اتنی احتیاطاں کیتی جو زرینہ، اوندے پئے تے بالاں کوں وستی شہید فضل اللہ پور سڈاون دی بجائے اُتھاؤں دا اُتھاؤں لاہور روانہ کیتا جتھاں اُو لکھے پے ہن۔ البتہ وعدے موجب پلس کنوں اے یقین دہانی ضرور گھن گھدی جو اُوں زمیندار دے خلاف کوئی کارروائی کاٹنا تھیں جینے اُنّاں کوں پناہ دتی ہوئی ہئی۔ پرائندے باوجود میڈیا کوں نہ صرف اے پتالگ گیا جو زرینہ کوں کنیں پناہ دتی ہوئی ہئی بلکہ اُو پناہ ڈیون والے زمیندار دے گھرتیں وی سوال جواب واسطے پہنچ گئے۔ ایں صورت حال نے جتھہ علامہ بلال کوں اُنّاں سبھے مہرباناں دے سامنزیں شرمسار کیتا جنہاں دی وجہ نال اُو زرینہ تک پہنچ سکيا ہا بلکہ میڈیا دے سوالاں کنوں بچن واسطے پناہ ڈیون والے زمیندار کوں وی کیتھائیں لگنڑاں پئے گیا۔

بلال الرحمن کوں ہک واری خیال آیا جو اے گالہہ کیتھاؤں سپیشل پلس دے کہیں بندے لیکر نہ کیتی ہووے پر پلس کوں تاں جان بُجھ تے اے گالہہ ایں طرحاں پُجائی گئی جو اُو خود زرینہ کوں گھن تے لاہور روانہ تھئے جنیں ویلے جو حقیقت اے ہئی جو زرینہ کوں اُو نے انسداد دہشت گردی پلس دے سپیشل یونٹ دی سینئر ٹیم دے حوالے صرف اُتھاؤں کیتا جتھاں جو اُو لگی پئی ہئی۔ جے گالہہ پلس کنوں نکلتی ہووے ہاتاں میڈیا کوں لاہور گولے ہا، اتھ مدرے تاں نہ آوے ہا۔ ضرور اے کوئی پلس دانیں، پلس توں باہر دا بندہ اے۔ اے سوچ تے علامہ بلال الرحمن نے ہک واری ول میڈیا دے سامنزیں آون دا فیصلہ کر گھدا۔

”صاحبان جے میں زرینہ کوں پلس دے حوالے کیتا ہووے ہاتاں ول ایتھائیں بیٹھا ہوندا، تہاڈے سامنزیں، لاہور نہ بیٹھا ہوندا؟“

پر میڈیا دے کول ساری کہانی موجود ہئی جو بلال نے کیس طرحاں تے کیہڑے کیہڑے وعدیاں تے کیہڑے زمیندار دی پناہ وچوں زرینہ تے اوندے خاندان کوں کڈھاتے پلس دے حوالے کیتے جیڑھی اُنّاں کوں لاہور چاگئی اے۔ علامہ بلال کول ہک واری ول ایندے سوا کوئی جواب نہ ہا جو اے ساریاں گالسیں، ساری کہانی اوندے کہیں دشمن دے ذہن دی بنڑاں ہے

جیندا حقیقت نال کوئی تعلق واسطہ کائنی، پلس جائزیاں تے مراد، زرینہ کون ہے تے کیا کائنی،  
اوندا تے اوندے مدرسے دا کہیں نال کیا واسطہ۔

پریں تے میڈیا علامہ بلال الرحمن دے جواباں نال مطمئن نہ تھیاں آپ کنوں آپے  
گھڑیاں ہوياں کئی کہانیاں ٹی وی اسکرین تے اخباراں وچ چل پیاں۔ مولوی عبدالحمن دا  
تریہہ سال پُرائزاں کردار تے اوندی افغان جنگ نال جڑت بحث دانواں موضوع بنڑ گئی۔  
ستنیاں اوندیاں ذالیں، کتنے اوندے بال، کتنے طالب اونه مجاہد بنڑاں تے افغانستان دی جنگ  
کیتے ویچے تے کتنے پیسے کمائے، اے سبھو کجھہ ہر ممکن مریج مسالیاں نال ڈینہہ رات دیاں  
بجٹاں وچ سامڑیاں آون لگ پیا۔ جیڑھے لوک مولوی عبدالحمن کوں بھل چکے ہن اودی نت  
نویاں کہانیاں دے نال صرف ٹی وی اسکرین تے آون کیتے چینلاں کوں انٹرویو ڈیون  
لگے۔ پورا ویسب ۲۰۱۱ء وچ ہونڈیاں ہوياں وی ۱۹۸۴ء وچ پہنچ چکیا ہا۔

صورت حال دی نزاکت کوں ڈیدھے ہوياں علامہ بلال نے چھو چاماری۔ مخالف مسلک دیاں  
مدرسیاں تے کجھ بے فسادی لوکیں دیاں نیٹاں دا حال معلوم تھیاں چوئی گھنٹے کھلیا رہون  
والا مدرسے دادر وازہ، چوئی گھنٹے بند رکھن دی ہدایت کر ڈتی گئی۔ نینگر چوکیدار دے نال نال  
مدرسے دے پُرائزیاں طالبان وچوں ترے ڈاگے طالب چن کر اہیں اُناں دی وی آٹھ آٹھ  
گھنٹیاں دی ڈیوٹی صدر دروازے تے لاڈتی گئی جو دروازے دے نال نال چوکیدار تے وی نگاہ  
رکھ سگن۔

بلال الرحمن نے متہم ہوون دے سبب باہروں اندر آون والا میڈیا داطوفان تاں جھل گھدا پر  
جیڑھا طوفان میڈیا نے ٹی وی دی اسکرین تے اخباراں دیاں سُرخیاں وچ مچایا ہو یا ہاؤ کوں  
جھلن اوندے وس داروگ نہ ہا، چنگائی ایندے وچ ہی جو چپ چا کرتجے، ہن آلاون یا کہیں  
متنازعہ بحث دا حصہ بنڑن، بنڑانہ ہا۔

ہک ڈینہ عصر توں بعد بلال کو خبر کیتی گئی جو ڈوں عورتاں ہن ہک کجھ نینگر تے ڈو جھی پکی  
 عمراں دی، اوکوں ملن دی ضد وِچ فجریں دیاں مدرسے دے درتے بیٹھن تھیاں۔ لکھ اٹھاون  
 دی کوشش کیتی گئی اے جو علامہ صاحب نی ملدے پر او وِچن کوں تیار ای کا نئی۔ بلال سمجھیا جو  
 اے وی کہیں ٹی وی چینل دی شرارت ہے جو اناناں عورتاں دے بہانے اندر دے حالات دی  
 ٹوہ لاو نریں مطلوب اے لہذا انکار کر ڈتا گیا۔ پر اناں نے تاں روز فجر ویلے توں بعد شام تیں  
 مدرسے دے دروازے تے آن تے بہہ راہو نزاں شروع کر ڈتا، لکھ، ہٹکیا ویندا جو علامہ صاحب  
 نی مل سگدے پر او کہیں صورت ڈینہ لہتے تیں گھر واپس وِچن تے تیار ای نہ تھیندیاں  
 ہن۔ چوتھے ڈینہ او وِچن لگیاں تاں ہک طالب کوں اناں دے پچھوں لا ڈتا گیا جو پتا کرے  
 اے کون ہن، کتھویندن، کیوں ملدن تے کیندے نال حال حویلا کریندن۔

پتا اے لگیا جو وستی دی مارکیٹ دے پچھوں ہک پرانزاں گھر اے، اُتھ ترے جی راہندن، ہک  
 کھٹ تے پیا بیمار بڈھرا اے، ڈو جھی اوندی ذال اے تے اناں ڈوہیں دی دھی اے۔ گھر وِچ نہ  
 بیا کوئی جی، نہ اے کہیں کوں ملن کیتے ویندن تے نہ اناں کوں کوئی ملن کیتے آندے۔ اے سُن  
 تے بلال الرحمن نے اجازت ڈے ڈتی جو ہن آون تاں اناں کوں گھر آون ڈیو، پوری عزت  
 تے احترام نال۔

آندی سویل فجریں دے بعد او آیاں تاں صدر دروازے تے موجود طالب اناں کوں گھر گھن  
 آیا۔ بلال باہرے دلاں دے ادھ وِچ بنڑیں ہوئے چو ترے تے جھکی جھون گھت تے بیٹھا  
 تھیا۔ او اوندے سامنویں آتے تلے گھاتے باہون لگیاں تاں بلال نے موڑھیاں تے باہون دا  
 اکھیا پر او تلے نہ تے بہہ گیاں۔ پتانی بلال دے دل وِچ کیا گالہ آئی، او وی موڑھے توں اٹھی  
 تے اناں دے سامنویں پر کافی پر و بھرا تھی کر اہیں گھاتے بہہ تھیا۔

جئیں ویلے کافی دیر تک او ڈوہیں چپ رہیاں تاں بلال نے تھوڑی جی اکھ اُتوں تے چاتی۔ نینگر  
 نے تاں چادر دے پلو نال ادھے کنوں زیادہ چہرہ لکایا ہو یا پر بڈھری عورت آپریں میلے چٹے سر

تے چنگیاں بھلیاں جھروڑیاں والے ادھ پوپے منہ دے نال غریبی دی تصویر ہئی۔ صاف لگدا  
 پیاہا جو پوری حیاتی محرومیاں کوں پرے دھکن دیاں کوششاں وچ گزری اے پر ایہو جی ہر  
 کوشش چہرے تے ہک بنی جھروڑی پاتے ناکام تھیندی رہی اے۔ جنیں ویلے جو ڈو جھی  
 عورت ہڈت کنوں کہیں قسم دی غریب ناں لگدی ہئی پر آپڑیاں کپڑیاں تے بکل والی چادر  
 کنوں صاف لگدا ہاڈیوں والے نے تن تاں ڈتے پر اوکوں ٹھساون کیتے جیڑھے رونق میلے دی  
 لوڑھ ہوندی اے، اوں توں ہتھ تنگ رکھیں۔

ڈیکھن کوں تاں ایویں لگدا پیاہا جو کہیں امداد سانگے آئین پر بلال خود بچھ تے اُناں دا بھرم نہ  
 بھنڑاں چاہندا ہا تہوں تانگھ وچ ہئی جو او خود ڈس کم کیا ہے۔ پر اُناں ڈوہاں کوں شئیت کئی  
 ڈہناں دی خواری توں بعد یقین نہ آندا پیاہا جو او منزل تے آپڑیاں بیٹھن تہوں آلاون کیتے  
 زبان گنگ تھئی پئی ہئی۔ پر ایں دوران بلال کوں ایویں لگدا ہا جو نینگر آدھ کچی تے آدھ آن کچی  
 اکھ دے نال ڈیدھی ہوں ڈوپئی اے۔ ہک ڈوں پھیری بلال دی اکھ اوندی اکھ دے نال جڑی  
 وی سئی، اوئکی بدھ ڈیدھی رہی، پر بلال نے اکھ نوا گھدی۔

عجیب اکھ ہئی اوں عورت دی جیڑھی نینگر لگن دے باوجود ایڈی نینگر لگدی نہ پئی ہئی، ہوسی  
 پینتری چھتری سالاں دی، پر سانولی رنگت تے اوندی بھوری اکھ نے بلال دے دماغ وچ آچوی  
 جی مچاڈتی۔ اُداسی، تانگھ تے عشق دیاں اخیر انتہاواں وچ گندھی ہوئی اکھ۔  
 بلال اکھیں چانوٹیاں۔

شئیت کہیں سئی دا بھلاندر اہا جیڑھی روہ وچ راول کیتے رُلدی وُدی ہئی۔ بلال کوں لگیا جو وُل  
 کوئی حسین بخش ڈھاڈی ہئی جیندی وچھوڑے دی ماری ہوک خواجہ فرید دی کافی بنڑں تے  
 اوندے کنلاں وچ پوندی پئی اے۔  
 کیا رول راول وچ روہ راہوے  
 نہ یار ملدا نہ موت آوے

”اے مراد دی سنگندی اے، کندو! بڈھڑی دے آلا وچ ڈکھ دی سسرہ ہئی۔

بلال نے ویل تے کندو آ لے پاسے ڈٹھا۔ اوندی بھوری اکھ وچ ہنجوں سم آئے ہن پر اے سمن ہا کیا جیویں ہاڑ دے ڈھلدے ڈینہہ کہیں ریت دے بے تے کوئی رلدی کھلدی بدلی ڈوچار پھینگاں سٹ آسمان تے کھنڈ گئی ہووے۔ شہیت اوندی اکھ جھمکن بھل گئی ہئی۔

”چندری! پتانی کیسو جیہا نصیب گھن تے جی جو مراد ایندے پڑ پئے گیا۔“ بڈھڑی رنی تاں اوند ا پورا وجود روون پئے گیا۔ اکھیں دیاں ڈناراں وچوں نکلیں والے ہنجو گلہاں دیاں جھروڑیاں وچ بھس تے رہ گئے۔

”بھین دا پتر ہاتھوں سا نگا کر بیٹھی، قسمت ماری کول اے تاں پتانہ ہا جو ا مجاہد بن پٹھانڑیں کول ویسی پیا۔“ بڈھڑی روندی روندی بڈ گئی پر کندو دی اکھ وچوں ہک تریڈا بیا سیمیا تے گل تے واہندا ہو یا بو چھن نما چادر تے ونج ڈٹھا۔ ایں دوران اوندی بکل ڈھلی تھئی تاں کندو دا پورا چہرہ سامنڑیں آ گیا۔ ڈوہائیں بھوریاں اکھیں ہنجواں نال یکدم ترن لگد گیاں۔ اُونے ولدی بکل مارن دی کوشش نہ کیتی۔ عجیب سانولا رنگ ہئی جیویں تپے ہوئے تراپیں وچ ہلکی جئی سُرے دی لاگ لگی ہوئی ہووے۔

بلال کوئی گالہ نہ کر سگدا پیا ہا۔ زندگی وچ پہلی واری اُوکول اے لگیا جو اُو کہیں عورت دے سامنڑیں ہے پر بول نی پیا سگدا۔ اوندی جاؤل کیتھائیں حسین بخش ڈھاڈی دا آلاپ اوندے مسام سام وچوں سمن لگ پیا۔

تتی رورو واٹ نہاراں!

کڈیں سانول موڑ مہاراں

”اوتتاں روسیاں مار سٹیا! ول کیا کریندی، سوتر نال پرنا ڈتم، اُو چندرا ڈو جھے ڈینہہ پھڑک تے مر گیا، قصور بنڑیاں کندو دا جو پینے زہر ڈے مارے، ڈا ہڈا منت تر لاکیتا پر ایندے چاچے ہک نہ مئی تے قتل دا کیس کراڈتا، پورے تے پنج سال جیل کٹ تے آئی تاں بھیزدیں بھرا منہ لاون تو

انکاری تھی گئے بھل میڈی تاں دھی ہی، گل نہال لاقم چا، پُیو شودا کھڑے تے پے، ہن  
 ایندے نال ہن شادی کئیں کرنی! بھلا جیل گئی نال کون شادی کریندے، ہیں تا نگھ وچ نہ پو  
 مردے تے نہ میڈا ساہ نکلدے، کیندے آسرے چھوڑوں تے کنتے ونجوں؟“  
 بڈھڑوے ہنجو نہ رُکدے ہن تے نہ واہندے ہن بس گلہاں دیاں جھروڑیاں وچ بھنوالیاں  
 کھاندے ودے ہن۔

”اماں! میں کر سگداں؟“ بلال بہوں ای مشکل نہال بول سگیا پر اوندی آواز کہیں دے کئیں  
 توڑیں نہ پہنچی۔ اوندے آپڑیں کناں وچ کافی دابلار اہر آلاتے حاوی تھی چکیا ہی۔

تتی رورو واٹ نہاراں

تتی رورو واٹ نہاراں

”اے کیسو جی عورت اے جیر دھی کافی کلام وانگوں میڈا آپ میڈے تے ظاہر کرن آگئی اے  
 ، میکوں میڈی قید وچوں چھڑواؤن کیتے، میڈی ”میں“ مارتے ”میں“ دے عذاب دی جکڑ  
 بندی تو نجات ڈواؤن کیتے۔“ بلال دیاں اکھیں نوٹیں جیاں تاں اُناں کیتے کھلن اوکھا تھی گیا۔  
 ”ساکوں پتا لگے جو چندر امراد جیندا وطن اے تے ول آئے۔“

بلال دیاں اکھیں یکدم آپ کنوں آپے ای کھل گئیاں۔ بڈھڑی دے جڑے ہوئے ہتھ اوکوں  
 نہ تھروے پے ہن، اوندی دید کندو دے چہرے تے، تے کندو دا چہرہ ہک بھرویں التجا، دل ہلا  
 ڈیوؤن والی ارداس بن چکیا ہاجتھ مراد دے سوا بیا کہیں داننا نہ ہا۔

”جڈاں دا کندو نے اے سُنزیں نہ جیندی اے۔ تے نہ مردی اے، اوہلا توہلاں لے، اساں  
 سُنزیں جو اُو غریب تہاڈی قید وچ اے، اساں اوکوں چھڑواؤن نی منگدے، بس ہک واری کندو  
 کوں ڈکھاؤ چاتاں جو اینداں روؤن تاں بند تھیوے۔“ بڈھڑی دا آلا کتھاؤں بہوں پرے کنوں  
 آندا پیا ہا۔

”اُو میڈی قید وچ کائنی، بہر حال وعدہ ریہا، جے آیاتاں ملو یاں ضرور!“

بلال دی نگاہ کندو دے چہرے توں ہنڈی نہ پئی ہئی، اتھہ یقین دی پر چھائیں تاں نہ ہئی پر اکھیں  
دارنگ کجھ بیاوی بھورا تھی گیا ہئی۔

آپڑیں آپ کنوں شرمساری نے اوندے پورے وجود وچ ڈ لیکاں پاڈتیاں ہن، اوتکھے تھکھے اٹھیا  
پر مویاں ہویاں قد میں نال زنان خانے ڈوٹر گیا۔



زیرینہ جائز دی تاں ہئی جو اُوکوں کہیں مراد دے سامنزیں کیتا ویندا پے جیڑھا اوندہ بھرا  
 شیندے پر اے کسمجھا بھرا ہئی جیندے بارے نہ تاں کڈھائیں اوندے پُوڈسیا تاں نہ اُونے  
 خود ڈٹھا، باقی رہ گئی ما، اوتاں اوندے ہوش سنبھالن کنوں پہلے ای ٹر گئی ہئی۔ بھادیں جو اوندہ پے  
 محمد عاقل اوندے کہیں غیر مرد دے سامنزیں وُنجن دا مخالف ہا پر کیا کریندا پلس نے چھاپے  
 مار مار جیون حرام کر ڈتا۔ سنگت ساتھ وی ساتھ چھوڑ گئی، وڈے زمیندار وی ہتھ پٹوا گئے تاں  
 ول پیش تھیون دا فیصلہ کرنا پئے گیا۔

محمد عاقل توڑیں دور پار داسکا ہئی، ذال کنوں وی پنج چھی سال وڈا ہا بھل ول اُو وی کہیں مراد  
 کون نہ جائز دا ہا۔ سُنڑ دا ہا بھلا کتیر تاں اوندے سالیان دی ہئی، سُنڑ تچ ایہو ہئی جو سبھے مجاہد بن  
 افغانستان لڈا گئے پر ولیا کوئی وی نہ، وڈکیاں وچوں وی کوئی نہ رہیا تاں ہن کون ڈسیندا جو مرا  
 دناں دا بندہ وی اوندہ سالہا تھیندے۔ عاقل اے وی جائز دا ہا جو پلس ملزماں نال کیا سلوک  
 کریندی اے، تفتیش کیویں تھیندی اے، ننگا کر پٹھا سٹا جو کیندن، ہنگڑ آلی جا کیندن ایس  
 طرحاں جو کئی مد بندہ کیسی مسکی کرن کون اوکھا تھی ویندے۔ اُوکوں پتا ہا جو پلس نے زیرینہ  
 کنوں آپنی گالہہ منواون کیتے ایہو بیہ اسلوک ای کرنے، ول کیا فائدہ اتجھی بے عزتی رن کون  
 آپنی رن بنڑاؤن دا، دنیا طعنے مار مار جیون ای نہ ڈیسی جو ایڈے عزت دار بندے دی رن پتانی  
 کستیاں راتیں پلسیاں نال گزار آئی اے۔ چنگانی ہنزیں طلاق ڈے منہ وچ متر چھوڑے۔

بھل جیڑھی پلس لاہوروں آئی ہئی اُونے تاں کہیں دی کوئی گالہرای نہ سُڑی تے اُناں ڈوہائیں  
 ذال پئے کوں بالاں سُودھا چاتے بند گڈی وِچ سٹیونے تے بریک اُوں ویلے لگی جئیں ویلے جو  
 لاہور آگیا۔ لاہور آتے مارن کٹن دی بجائے زرینہ کوں تاں زنائی پلس آپڑیں نال گھن گئی تے  
 باقی عاقل تے بالاں کوں ہک صاف سُتھرے کمرے وِچ نران کرایا گیا پر محمد عاقل دے سنگ  
 وچوں ہک گراں نہ لنگھد ایسا ہا، ہکو سوچ کھادی ویندی ہئی جو پتانی زرینہ نال کیا تھیندی پئی  
 ہوسی۔ اُوکس تاں اے تھانہ وی اوکوں کجھ عجیب جیہا لگیا، بہوں وڈا، کئی منزلہ، صاف سُتھرا،  
 پلس والے مندے گالیں وی کائنا کڈھیندے پئے ہن پر ہن تاں پلس آلے، پتانی کپڑے  
 ویلے مابھین ہک کر موندھا سُاڈیون۔

ہک پاسے عاقل انہاں سوچاں وِچ غرق ہاتے ڈوجھے پاسے جئیں ویلے زرینہ کوں پوری  
 تفتیشی ٹیم دی موجودگی وِچ مراد دے سامڑیں کیتا گیا تاں اُناں ڈوہائیں دیاں آکھیں وِچ سناپو  
 ہووَن دا کوئی نکا جیہا بچھاواں تک نہ ہا، ڈوہیں اُلک ہک بے کیتے اُوپرے۔ زرینہ کوں مراد  
 دے سامڑیں والی کرسی تے ایں طرحاں بلہایا گیا جو اُناں دیاں آکھیں دے درمیان مسائیں  
 ڈوں فٹ دا فاصلہ ہوسی۔ صرف اُناں ڈوہائیں دے منہ تے سو جھلار کھیا گیتے ڈوں کیمرے  
 آمڑیں سامڑیں اُناں دے چہریاں کوں فوکس کرتے ہک ہک لحظے دی ریکارڈنگ شروع کر ڈتی  
 گئی۔ تفتیشی ٹیم تے نفسیاتی ماہر وی اُناں دی بدن بولی تے اکھر رکھی بیٹھے ہن۔

سوال تھیا جو آپڑیں آپڑیں مایو داناں ڈسو۔ مراد نے تاں کجھ وی سوچے بغیر ڈوہائیں داناں فنا  
 فٹ ڈس ڈتا پر زرینہ کوں چھڑا پو داناں آندا ہا۔ کافی دیر سوچن توں بعد وی نہ ڈسا سگی تاں خود  
 ای بول پئی جو جڈاں ماکوں ہوش وِچ ڈٹھا ای کائناتی تاں اوندا ناں کتھوں آندا ہوسی۔ مراد دی  
 زندگی دے باقی واقعات کنوں وی اُو اُوکس لا علم ہئی۔ اوندے مطابق جڈاں اُونے ہوش  
 سنبھالیا تاں ایہو سُڑتج ہئی جو اوندے سبھے بھرا کہیں مدرسے پڑھن گئے ہوئیں تے ول

اُتھوں کافراں کوں مارن لنگھ گن۔ اماں دے بعد اباوی تھوڑا جیویا، آہدے ہن جوٹی بی نال مر گیاہ۔ میڈے کنوں اُتلے ڈوں بھراوی ٹی بی نال مرے ہن۔

”میں تاں سُڑیا جو اُوی قندھار گئے ہن جنگ کیتے؟“ مراد جیڑھا کافی دیر دا چُپ ہئی، پہلی واری بولیا۔

”باقی سارے جنگ تے گئے ہن پر میں توں وڈے پُتر ٹی بی نال تے میں توں چھوٹی بھین، جیکوں جمیندیاں ہویاں ما مر گئی ہئی، ہیضے نال مٹلا گئی۔

پُوتے چھوٹے ڈوں بھراتے کڑی بھین دی اخیر دا حال مراد کیتے نواں ہا، اوندیاں اکھیں وچ حیرت تاں اُبھری پر افسوس نہ ہا، جیویں اُوکوں یقین ہا جو ایویں تھیونزاں ای ہا۔ جئیں ویلے جو زرینہ دیاں اکھیں وچ ہنجوں تر آئے ہن۔ اے حال کریندی ہوئی زرینہ پہلی وار اُوکوں آپڑیں مادی بھاند لگی بالکل اُوئیں جیویں اُو آپڑیاں پُسیاں ہویاں اکھیں نال مدر سے آتے اوندے نال حال کریندی ہئی۔

ہک مدت توں بعد بغیر کہیں باہر لے دھک پھٹ دے کتھائیں اندر تر وڑ بن تھئی تاں اُوندا گردا وی مراد دیاں اکھیں توڑیں آگیا، رڑ کیا تاں چچلا کنوں اکھیں سنیاں تھئی گیاں۔ زرینہ کوں بھین آکھن کیتے ہن دبے کہیں ٹیسٹ دی لوڑھ کاٹنا ہئی۔ اُونے میز نال لگی ہوئی کڑی وچوں آپڑاں ہتھ بھٹکاتے اگوں تے سوریا جو میز تے پئے زرینہ دے ہتھ دیاں انگلیں توڑیں پہنچ سکے پر زرینہ نے ہتھ پچھوں تے سور گھدا۔ ہک کھسوری شکل دا کھسی بانہہ کپیل بندہ اوکوں کتھاؤں وی آپڑاں بھرانہ لگیاہ۔

زرینہ دے ایں طرحاں ہتھ پچھوں تے سورن تے مراد کوں ارمان تاں تھیا پر اُو اے سوچ تے پُسیاں ہویاں اکھیں نال مُک پیا جو زرینہ چھڑی اوندی مادییاں بھانداں نہ ہئی، اوندے اندر کجھ نہ کجھ اوندا پُو فقیرا پاؤلی وی کھڑے تھیا۔

اے ملاقات ڈھیر دیر نہ چلی پر تفتیشی ٹیم دی میٹنگ سارا ڈینہ چلی۔ ایں دوران زرینہ کول ہک انج کمرے وچ بلھاڈتیا گیا۔ اونے بہوں ترلا کیتا جو اوکوں آپڑیں پئے تے بالاں کول بھیجیا ونجیں پر لیڈیز پولیس نے پہلے پیار نال تے ول جنیں ویلے نہ منی تاں پلس آلے طریقے نال سمجھاڈتو نے جو جے تیں تفتیش فی مکدی، اوکوں پئے تے بالاں کنوں انج راہو نراں ہو سی۔ زرینہ پلس دی تفتیش تاں ڈیکھ گھدی ہئی، اوکوں ایندا ڈر بھونہ رہ گیا ہا، اصل ڈر اوکوں پئے کنوں ہاجیرھا ایہو سمجھسی جو اوکتھائیں ننگی تھی کراہیں پلس دے کھلے نہ کھاندی پئی ہووے۔ او عاقل دے آڑنگ ہوون کوں سمجھدی ہئی تے اوندی کاوڑ کوں وی، ڈر ایں گالہہ دا ہا جو کتھائیں کہیں دہشت گرد جان بچاؤن دے چکر وچ او آپڑاں جھگانہ اُجاڑا ہووے۔ کیسے عذاب وچ جند ٹنگ گئی ہئی جو ہک پاسے سر زور پلس تے بے پاسے دھقان پئے۔ پئے ہالی پرے ہاتے پلس سرتے تہوں جو وی چلنی ہئی او پلس دی چلنی ہئی۔

بہوں کچھ سوچن توں بعد پلس نے فیصلہ کیتا جو مراد تے زرینہ دا ڈی این اے ٹیسٹ تاں تھیو نراں ای تھیو نراں اے، کیوں ناں اوند اپولی گرافک ٹیسٹ وی کرا گھدا ونجیں۔ تھی سگدے او بھین بھرا درشتہ ایں گالہوں منن توں انکاری ہوون جو کتھائیں کہیں دہشت گردی دی واردات وچ انہاں ڈوہائیں دے ملوث ہوون دا کوئی ثبوت نہ مل ونجیں۔ تہوں ڈی این اے ٹیسٹ وی تھی گیا تے زرینہ دا پولی گرافک وی۔ زرینہ نے کوڑ کیا مارنا تہوں او پولی گرافک ٹیسٹ وچ ای پکی رہی تے ڈی این اے وی ڈوہیں دا میچ کر گیا۔ جتھ ہن اناں دے بھین بھرا ہوون تے شک نہ ریہا اتھ مراد دی حد تیں وی یقینی ثبوت مل گیا جو واقعی وستی پاو لیاں دارا ہون والا ہاجیکوں فضل اللہ بنراں تے افغانستان بھیج ڈتا گیا ہا۔

بھل انسداد دہشت گردی پلس دے سپیشل یونٹ وچوں ہالی وی اناں دی جان نہ جھنٹی۔ مزید طے تھیا جو زرینہ دے فنگر پرنٹ، چہرے مہرے تے اکھیں دیاں تصویراں اوئیں دہشت گردی دیاں وارداتاں دے پرائزیز ریکارڈ تے عالمی سطح دیاں تریمت دہشت گرداں نال رلا

تے ڈٹھیاں و نجن جیویں جو مراد دیاں کیتیاں گیاں ہن۔ ڈی این اے رپورٹ دے انتظار دے  
 پنج ڈہناں دوران وی زرینہ کون گھر آ لے تے بالاں نال نہ ملن ڈٹا گیا تاں اونے رُوروتے مندا  
 حال کر گھدا۔ ڈوجھے پاسے عاقل آنج دھرتی تائی کھڑا ہا جو اوندی ذال کون کڈے کیتا گئے۔

ہک واری تاں ذال کون ملن کیتے اونے احتجاج دے طور تے آپڑیں بالاں کون گھوگھاڈیون دی  
 کوشش کیتی تاں پلس نے بالاں کون وی اوندے کنوں آنج کر گھدا۔ اُو کمرے وچ کلہا تھیا تاں  
 بیاں وی ذلیاں مارن تے آ گیا۔ پلس اوکوں ہتھ نہ لاوون چاہندی ہئی پر جنیں ویلے اونے  
 اصولوں زچ کر ڈتتاں ڈو چار ہتھ چھنڈ کڑیں ای پئے گے۔

ڈی این اے رپورٹ دے پازیو آون توں بعد فنگر پرنٹ تے اکھیں دی میچنگ واسطے ترے  
 چار ڈیہنہ بیا انتظار کرن مجبوری ہئی، ایس دوران اُناں سب کون کٹھارا ہوون دی اجازت ڈے  
 ڈتی گئی۔ بھادیس جو زرینہ کون سختی نال ہٹکیا گیا ہا جو اتھوں دا حال کہیں کون نی ڈیو نزاں پر محمد  
 عاقل ایڈا اُٹا ولا ہا جو اونے زرینہ نال گزری ویہانی دی نکی نکی گالہہ کئی کئی واری بچھی، اتنی جو  
 زرینہ اختی تھی گئی۔ اوکوں شک ہا جو جنیں ویلے اوندے ٹیسٹ تھئے ہوسن تاں اوکوں بے  
 ہوشی دی دوا ڈے کراہیں اوندے نال ضرور کچھ اُچا جھکا تھیا ہوسی۔

زرینہ لگھ قسماں قران چاتے پر عاقل داکشک نہ گیا۔ زرینہ نے بہوں سمجھایا جو اتھاں ایڈیاں  
 سوہنڑیاں سوہنڑیاں سپاہینڑیں ہن پیاں، اُناں، اُنہاں کو چھوڑ میں میل دے بوزے کون کیا  
 کرناہا۔ اوکوں تاں ایس گالہہ داوی شک ہا جو جیڑھے کپڑے اُو گھروں پاتے آئی ہئی اُو کڈنے  
 گئے تے اے نیلے کپڑے کیتھوں پائی و دی اے، کئیں اُو کپڑے لہا، اے پوائے ہوسن۔ زرینہ  
 ہزار پھیری ڈیا جو اُو کپڑے لہائے وی میں ہن تے پاتے وی میں ہن جو اتھوں دی اُور دی  
 اے۔ بھل عاقل بئی پوڑی چڑھ گیا جو جیڑھی جاوونے کپڑے بدلانے ہوسن اتھ کیمرے نال  
 اوندے ننگے فوٹو نزاں گھدے گئے ہوسن۔

عاقل دی مکئی دودھ دی گئی تاں زرینہ چپ چاکیتی۔ اوندے کول جتنے جواب، جتنیاں صفائیاں  
ہن اُوڈے چھل ہئی، باقی تاں نہ ڈیونڑں کول کجھ ہاتے نہ سمجھاوَن کول۔ عاقل ڈوں ڈیہنہ بنے  
خفقار مریندار بہا پرول اُونے وی چپ چاکیتی۔ سارا ڈیہنہ منہ سر ویڑھی ہک پُچند وِچ پیا  
راہندا۔ شُئیت اُونے اوسارے شک، پک مَن گھدے ہن جیڑھے ایں دوران اوندے دماغ  
وِچ گھمدے ریہے۔

خدا خدا کرتے زرینہ دی چھیکڑی رپورٹ وی آگئی۔ اُوکس تاں مراد تے زرینہ ڈوہیں کول کلیر  
کر دتا گیا ہا پر کجھ پابندیاں تے ضمانتاں نال۔ مراد کول تاں علامہ بلال الرحمن دے مدرسے پُجا  
ڈتیا گیا، ایں پابندی نال جو آندے حکم توڑیں اُو مدرسے توں باہر نہ ویسی، بہوں مجبوری دی  
صورت وِچ وی لاہور وں اجازت گھنڑیں پوسی۔ تے ایندا ضامن علامہ بلال ہوسی۔ جئیں ویلے  
جو زرینہ دی نگرانی علاقے دا ڈی ایس پی کر لئی۔ اُو وی لاہور آفس دی اجازت توں بغیر کڈھائیں  
نہ ویسی۔

مراد نے وِچن کیتے پلس دی گڈی وِچ باہندے ہوئے بھین، بھنڑویے تے بھنڑیچیاں کول  
ملن وی مستد کیتی۔ ڈی آئی جی نے اجازت ڈے ڈتی۔ مراد کول اُناں دے سامڑیں گھن آیا  
گیا۔ اُونے بھین کوہاں نال لادن کیتے بانہہ اگوں تے کیتی تاں اُو اُدھر تَج تے ہک پاسے تھی  
گئی۔ اُو عجب عاقل کول ملن کیتے اگوں نہاں تھیا تاں اُونے منہ کندھ والے پاسے پھیر گھدا۔ مراد  
دیاں اکھیں وِچوں شک گیاں، بنجوں سیڑھ طرحاں ویہہ پیاں۔ اُونے سچہ ستھ نال اکھیں دا پانی  
پونجھیا تاں بالاں سمجھیا جو اُو اُناں کول آندا پئے، اُو ڈر گئے تے جھج تے پیو ما دیاں جنگماں کول  
وِلڑھ گئے۔ مراد کول لگیا جو آج اُو آپڑیں خاندان دے چھیکڑی فرد کول ای پُور بیٹھے۔



محمد مراد ہک واری ول علامہ بلال الرحمن دی تحویل وچ آگیا ہا۔ نہ بلال نے اوکوں جنر دایا جو اوندی ضمانت ڈے تے اوندے اُتے اُونے کوئی احسان کیتے تے نہ مراد نے ایں پاروں اوندی احسان مند تھیون دا کوئی تاثر ڈتا۔ ڈوہاں نے ہک بے کوں ایں طرحاں وصولیا جیویں مراد دی ضمانت ڈے کراہیں اوکوں آپڑیں کول رکھن بلال دا فرض ہاتے مراد دا حق۔ ڈوہیں دے درمیان کوئی اَن ڈٹھاتے اَن لکھیا معاہدہ تھیا لگدا ہا۔

مراد دے مدرسے آون دے بعد ہک واری ول میڈیا نے یلغار کیتی جو اوندے نال براہ راست سوال جواب کیتے و نجن پر علامہ بلال نے ایں قسم دی ہر کوشش قانونی حوالیاں نال ناکام بنزا ڈتی پر ول وی کوئی نہ کوئی اخباری نمائندہ یا کہیں ٹی وی چینل دارپور ٹرورز دالاون دی کوشش کرای گھندا ہا۔ ہک تاں مقامی پلس کول لاہور دا آرڈر ڈکھاتے ڈوں سپاہیاں دا پہرہ مدرسے دے صدر دروازے تے ڈینہ رات کیتے لوڈا گیا ڈو جھاندر لے پاسے بیچ ست تکڑے طالب چوٹی گھنے ایں کم تے لاڈتے گئے جو باہر دا کوئی بندہ مراد دے کول پھٹک نہ سکے۔

کئی ڈینہ گزر گئے بہوں گھٹ تھیا جو مراد بلال دے سامڑیں آیا ہووے۔ بیچ گانہ نماز وچ وی او اُون ویلے شامل تھیندا جڈاں جو جماعت کھڑی تھی چکی ہوندی تے آجن فرض نماز دی دعا منگیندی پئی ہوندی تے اومسیت وچوں اٹھی آندا تے سنتاں آپڑیں کمرے وچ آتے پڑھدا۔

ہک رات عشادی نماز توں بعد اوکوں علامہ بلال نے آپڑیں گھر سڈوا یا۔ سلام دعا دے بعد ڈوہیں کافی دیر چپ بیٹھے ریہے۔ بلال ایں گوڑ وچ ہا جو اوکوں کندو دے آون دا ڈسے یا نہ ڈسے۔ زرینہ تے اوندے گھر والے نے جو سلوک اوندے نال کیتا ہا اوندے بعد بلال نہ چاہندا ہا جو کندو نال ملدے وی او آرمانی تھیوے، خاص طور تے اوندی شادی تے ول پئے کوں قتل کرن دے جرم وچ پنج سالوں دی سزاملتان جیل وچ کٹن دا معاملہ۔ کندو دی چاہت دے باوجود کیا مراد ہک سزایافتہ عورت کوں ذال دے طور تے قبول کر گھنسی؟ ایں توں بہتر ہے جو مراد کوں اوندے آون دی خبر کیتی ای نہ ونجیں۔

علامہ بلال شیت آپڑیں گالہہ تے قائم راہندا پر جڈن د امراد لاہوروں ولیا ہا کوئی ہک ڈینہہ وی اسبجھانہ گزریا ہو سی جڈن کندو تے اوندی مانے مراد کوں ملن کیتے مدرسے دے دروازے تے سویر توں شام نہ کیتی ہووے۔ اوندے طالبان نے ہند تیں تاں معاملے کوں ٹالی رکھیا پر جڈاں دے کجھ چینلاں والے اُناں دے اگوں پچھوں پھرن لگے تاں بلال کیتے ایں ملاقات کو روک رکھن مشکل تھی گیا۔

مسئلہ اے وی ہا جو مراد نال گالہہ ٹوری کیویں ونجیں۔ کیوں جو او جذباتی تھی تے کوئی وی ایجھی حرکت کر سگدا ہا جیڑھی مدرسے کیتے بدننامی دا باعث بنڑیں خاص طور تے کندو دی شادی تے ول قتل دے کیس دی ہک سزایافتہ عورت دے طور تے سامڑیں آون نال ڈوہائیں پاسوں کہیں وی بہوں وڈے ردِ عمل دا اندیشہ ہئی۔ بلال کوں یقین ہا جو جیندا کوئی نہ رہ گیا ہووے اوندے کیتے کہیں چھوٹے توں چھوٹے تعلق دا کہیں ناں کہیں شکل وچ معلوم تھیون وی اکثر برداشت کرنا مشکل تھی ویندے۔ بلال نے کافی دیر دے بعد بہوں کجھ سوچ سمجھ تے گالہہ ٹورن دی کوشش کیتی۔

”مراد کئے تک کلہارا ہسیں! شادی کیوں نہوی کر گھندا؟“

”جے ایہو سوال میں جناب کنوں کراں؟“ مراد نے مسکدے ہوئے اتنا تکھا جواب بلال کوں  
ڈٹا جیندی اوتو قع نہ کریند ایہا۔

”میڈی گالہہ چھوڑ! میڈا مسئلہ بیا اے۔“

”تساں وی میڈی گالہہ چھوڑو! میڈا مسئلہ وی بیا اے۔“

”مراد! میڈے تاں ڈھیر سارے بھینڑیں بھرائیں پے جنہاں دی ڈھگ ساری اولاد اے،  
ہک کلمے میں نہ کیتی تاں کیا تھی ویسی۔“ بلال نے ہک واری گالہہ بنڑوان دی کوشش کیتی پر مراد  
کتھوں پکڑائی وچ آندا ہا۔

”بال تاں میڈی بھین زرینہ دے وی ہن پئے، ہن اے بی گالہہ جو میکوں آپڑاں بھرا منریا  
نہ منے!“

”میں آپڑیں ابے طرحاں دانہ پیو بنڑن چاہنداں تے نہ پئے۔“ بلاول سنجیدہ تھی گیا ہا۔

”ایہو مسئلہ تاں میڈا اے، میں وی آپڑیں ابے طرحاں دانہ پیو بنڑن چاہنداں تے نہ پئے۔“  
بلال نے کوئی جواب ڈیون دی بجائے لمبا ساراساہ گھداتے ڈوہائیں ہتھیاں دیاں انگلیں آپس  
وچ پھسا، اناں تے تھوڑی چال کائیں۔

”مراد! کندو جیندی اے۔“ بلال دا خیال ہا جو اوبھوں وڈا انکشاف کریندا پے پر مراد وی لحظے  
کھن کیتے چپ رہیا تے ول ہولی جی آواز وچ الانزاں۔ ”میکوں پتا اے“  
”تیکوں پتا اے؟ پر کیوں!“

”تساں جو ایڈے ڈیہاڑے نہ ڈیسو تاں کیا خیال اے میکوں پتہ کائنا لگی جو کندو تے اوندی ما  
روز مدر سے دے باہروں آباہندن۔“ مراد دا لہجہ کڑا ہٹ آ لے پاسے ویند ایہا۔  
”کئیں آکھے تیکوں؟“

”میں پنجویں سال دنیا دی خطرناک ترین گوریلا جنگ لڑی ہم، اس مونڈھے سے میزائل رکھتے ہیلی کاپٹر تے جہاز چٹینداں رہیاں، اب مجھے بندے کوں اے پتانہ لگسی جو جیل دے باہروں میکوں ملن کیتے روز کون کون تے کتنے بندے آئین۔“ کڑا ہٹ بیوی ودھ گئی ہئی۔

علامہ بلال نے پریشان تھی کراہیں لمبا ساہ اندر ڈو گھدا پر ظاہر نہ تھیون ڈتا جو پریشان اے۔

”کچھ تاں ڈسا کون ڈسیندے تیکوں؟“

”علامہ صاحب! ٹرن ڈیو ایویں اس انتظام کوں، نہ کچھو میڈے کنوں، میں ڈس چھوڑیا تاں کل دا ڈھاندا سبھو کچھ آج ای در بھ آں تھیسے۔“

”ہوں!“ بلال ہک واری ول لمبا ساہ گھدا تے آسمان تے سولہویں دے چندر کوں راہ وٹاتے پاسا مریندا ڈیکھن بہہ گیا۔

”ول تاں تیکوں اے وی پتا ہو سی جو او نے شادی کیتی ہئی؟“

”جی سئیں۔“ مراد وی پر و بھرا تھی کراہیں آسمان تے تردیاں بدلایاں ڈیکھن بہہ گیا جنہاں پاروں چندر بھجدا ہو یا لگدا اپیا ہا۔ اس توں پہلے جو علامہ بلال کوئی بیا سوال کریندا، مراد خود ای بول پیا۔ ”پنے مارن دے جرم وچ پنج سال قید وی کسدا آئی اے ملتان جیل وچ!“

ماچے تے آدھ لیٹا بلال الرحمن نگھے نگھے اٹھی بیٹھا۔ مراد اوندی توقع کنوں ودھ ہو شیارتے شاطر نکلیا ہا۔ او اندا ضمانتی بزن تے پچھتاںدا اپیا ہا۔ ”ایڈا خطرناک بندہ! جیر دھا کہیں ویلے کچھ وی کر سگدے، جھج وی سگدے، بے جج گیا تے کوئی واردات تھی گئی تاں پلسیے میکوں نہ چھوڑیں۔“ بلال بظاہر چپ ہا پر او اندا داغ بھنوالیاں کھاندا اپیا ہا۔

”اوماواں دھیاں تاں تہاکوں وی مل گئیں پر تساں میکوں ڈسیا کائنی۔“ مراد دے لہجے دی کڑا ہٹ ہن دگلے شکوے تے آگئی ہئی۔ بلال کوں ہن کچھ حیرانی نہ تھیندی پئی ہئی جو اندر کمرے وچ بہہ تے وی او کوں پورے مدرسے تاں کیا پوری دستی داحال معلوم اے۔ معاملہ حیرانی تو ودھ تے پریشانی تئیں آگیا ہا۔

”اُنہاں ڈیہناں توں لاہور ہاویں تے واپسی تے میں تیکوں پریشان نہ کرن چاہنداں ہم۔“ بلال نے ہک واری دل گاہہ بنزوان دی کوشش کیتی پر مراد نے کوئی کونہ کیتی۔

”توں ملڑاں چاہویں تاں مل گھن، میڈی طرفوں اجازت اے، آگوں میں جائزاں یا لاہور۔“

”آں ہاں! میں خودنی ملڑاں چاہندا، جے ملڑاں ہووے ہاتاں کڈن دامل چکيا ہوواں ہا۔“ مراد دے لہجے وچ کڑا ہٹ دے نال نال آپ ہدھرائی آندی ویندی ہئی۔

بلال توں مراد دلہجہ برداشت نہ تھیندا پیا ہا۔ اوتاں آپڑیں پیودیاں کیتیاں داکفاراڈیون چاہندا ہا پر مراد کیتے شئیت اے اوندی کمزوری ہئی جیندا طعنہ اوندے دے انتظامی کم کاراں وچ سندھ لاتے پہلے ای اوکوں ڈے چکيا ہا۔ مراد دے دماغ تے ایس مدرسے دا پنجوی سال پڑاؤں اثر ہا جڈاں جواتھ چڑی وی پر نہ مار سگدی ہئی۔ اوئیں وی اوجماندروں سختیاں تے رُکھے سلوک دا عادی تھی چکيا ہا تہوں اوکوں علامہ بلال دا نرم لہجہ تے دوستانہ تعلق اوندی شخصی کمزوری جا پدا ہا۔ ایہا سوچ سچیندے بلال اکھیں نوٹ کراہیں وُلدا ماچے تے نیم دراز تھی گیا۔

”میں ونجاں یا کوئی خبر بئی ڈیسو!“ مراد اوندی اجازت کنوں پہلے اُنھی کھڑا تھیا ہا۔ اوندے ہوٹھاں تے آئی ہوئی مچک بلال کوں بند اکھیں نال وی نظر دی پئی ہئی۔ اُونے ہوں حالت وچ اوکوں ہتھ نال اللہ بلی دا اشارہ کیتا۔ مراد اُنھی تاں پہلے کھڑا ہا، اشارہ تھیون دی دیر ہئی، اُونے کندھا چاؤ لائی۔

مراد تاں چلیا گیا پر بلال کیتے فکرات دی بند چھوڑ گیا۔ رات دے تریکھے پہر تیں باہروں ماچے تے لیٹ کراہیں اوبڈ دے چندر دی حرکت وچ مراد نال نہ بن دی راہ گولیندار نہا۔ اے شخص نہ صرف اوندے مدرسے بلکہ اوندی عزت، آبرو تے ساکھ واسطے وی خطرہ نظر دا پیا ہا۔ اوندی نال نرمی مناسب ہئی تے نہ سختی۔ کوئی وچلی راہ ایس گالہوں وی بھالنی ضروری ہئی جو سختی پٹیا خود اوند اضا من بن بیٹھا ہا۔

ڈکھ، تکلیف تے محرومیاں دے مارے ایں شخص واسطے کیا کیا نہ سوچیا بلال نے۔ کندو دے ظاہر تھیون توں پہلے او مراد کیتے مدرسے دے ہک استاد دی دھی رشتہ وی سوچی بیٹھا۔ بھل ہن داوندی شادی کندو نال تھیوے یا کہیں بی عورت نال، او سبھڑائیں کیتے فقیرے پاؤلی کنوں وی ودھ ثابت تھیسے۔ جے کندو جیل رہ تے کنڈن بن تے آئی، ہئی تاں اے پنجوی سال مسلسل بے کوں مارن تے خود کوں بچاؤن دی مشقت وچ رُک بن تے آئے جیندے مزاج دے نال کہیں داوی مزاج ملڑاں مشکل تاں کیا۔ ناممکن لگدا پیاہا۔

بلال نے دل ای دل وچ گوڑ کرنا شروع کیتا۔ اوندے کیتے سب توں پہلا اہم کم تاں مدرسے دے انتظامی معاملات دی بیڑی وچ اوں سوراخ کوں گولڑاں ہاء جتھوں پانی وڑ کراہیں ایکوں بوڑن تے وداہا۔ ڈو جھامرا د کیتے بہوں ای سخت قسم دی مصروفیت تے ایں طرحاں دی خفیہ نگرانی جواو کوں کہیں بے کم بارے سوچن دا ہوش ای نہ راہوے تے تریجھامرا د دی ضمانت کنوں جان چھڑواؤن دی کوشش۔ ماچے توں اٹھی تے گھر اندر ویندیاں توڑیں او سوچ چکيا ہا جو کل سب توں پہلا کم کندو تے اوندی ما کوں مدرسے دے صدر دروازے توں ہٹکن دا آہر، بھاویں ایندا نتیجہ کجھ وی تھیوے۔



اِس دوران وِستی وِچ ہک اِکجھا مسئلہ کھڑا تھیا جینے ڈیدھے اِی ڈیدھے بہوں وڈے جھیرڈے دی شکل اختیار کر گھدی۔ جھیر دا وی اِکجھا جیندا پہلے تصور تک نہ ہا۔

تھیا اِیں جوئی وی چینل دے رپورٹر نال مدر سے دے طالباء دی کجھ زیادہ گرمی سردی تھی گئی جیڑھا، ٹنکن دے باوجود ہر قیمت تے مراد انٹرویو کرن چاہندا ہا۔ اِیں گرمی سردی وِچ شئیت کہیں طالب دا ہتھ چوکھیرا لگیا تاں اوندی بشرٹ دے کجھ بٹن ترٹ گئے دے باقی دے اُونے خود تروڑ چھوڑے۔ بانہہ کنوں بشرٹ کوں جھرکا یا اَنج تے کیمرے کوں اِیں طرحاں سڑک تے سٹیا جو اوند اِشیشہ ترٹ گیا۔ جیویں اِی اُون رپورٹر دی رپورٹ چینل تے چلی سارے چینل ہک مُٹھ تھی گئے۔ سبھے چینلاں دیاں اسکریناں تے ہکوں معاملہ چلدا ایسا جو علامہ بلال الرحمن نے ہک تاں نامی گرامی دہشت گرد کوں آپڑیں کول پناہ دتی ہوئی اے ڈوجھا آپڑیں طالباء دے ذریعے غنڈہ گردی کرویندے ہوئے بے گناہ رپورٹر تے بلاوجہ تشدد کریندے ہوئے اوندے کپڑے پھاڑ دتے گن تے کیمرہ وی بھن دتا گئے۔ معاملہ علامہ بلال کیتے یقیناً پریشانی دا ہاپر اُونے بغیر کوئی بیان دتے یا وضاحت کیتے چپ چاکیتی پر اے گالہہ بنی جو کجھ وڈے علامدے ذریعے پاکستان براڈکاسٹر ز ایسوسی ایشن دے نال رابطہ کرتے مسئلے کوں ٹھڈا کرن دی کوشش وی شروع کر ڈتی گئی۔

ڈوں ترے ڈہناں دے بعد مسئلہ آف اسکرین تاں تھی گیا پر رپورٹ دی کہیں بات نہ بچھی۔  
 اُتلے لیول تے کم نبرن نال اویا وی خندق وچ آ گیا۔ اوند اخیال ہا جو منت ترلا تھیسے، بو تھی  
 کوں ہتھ لا کھیسے وچ چار جھلڑ پا اوند نقصان پورا کیتا ویسی، بھل کجھ وی نہ تھیا۔ اُونے بہوں  
 سوچ سمجھ تے ڈوں چار ڈہناں دے وقفے نال ڈوں کم کیتے۔ پہلے تاں اُونے کندوتے اوندی ما  
 دا انٹرویو کرتے و لدے سروں رولا پا چھوڑیا جو مرادی نکلے لادی منگیتر کوں وی مراد نال نی  
 ملن ڈتاویندا پیا جنیں اوندے نال شادی دی آس وچ جوانی گزار چھوڑی اے۔ رپورٹ ثابت کیتا  
 جو علامہ بلال الرحمن، محمد مراد کوں بنیادی انسانی حقوق دی خلاف ورزی کریندے ہوئے  
 جس بجا وچ رکھی بیٹھے۔

کندوتے اوندی مادا انٹرویو کریندے ہوئے پس منظر وچ مدرسے دا صدر دروازہ دکھایا گیا جتھ  
 پلس دے ڈوں سپاہی تے کجھ طالب سوئے چائی کھڑے ہن۔ ٹی وی اسکرین تے جنیں ویلے  
 ول ول کندو دیاں ہنجواں نال پُسیاں ہویاں بھوریاں آکھیں تے اوندی مادا ہنجواں نال تر بر  
 جھروڑیاں بھریا چہرہ دکھایا گیا تاں پورے میڈیا تے تہلکہ مچ گیا۔ کندو دے فوٹو جینک  
 سانولے رنگ تے بھوریاں آکھیں نے ہر ڈیکھن والے دا دل موہ گھدا۔ رولا بیا ودھی تاں انسانی  
 حقوق دیاں تنظیمیں نے وی پلے کارڈاں سمیت وستی شہید فضل اللہ پور پہنچ کر ایہیں مدرسے  
 دے اگوں خاموش مظاہرے شروع کر ڈتے۔ اُنناں دے پلے کارڈاں تے محمد مراد کوں جس  
 بجا وچوں کڈھن تے کندو نال ملاقات کراون دا مطالبہ کیتا گیا ہا۔ ہالی اے معاملہ زور اں تے ہا  
 تے رپورٹرنے ڈو جھامسلہ کھڑا کر ڈتا۔

کہیں انجمن تحفظ تاریخ و ثقافت دے کجھ انجان نینگراں نے پریس کانفرنس کیتی جو پنجویں سال  
 پہلے ایں وستی پاؤلیاں دی تاریخی تے ثقافتی شناخت کوں ختم کریندے ہویاں اینداں ناں ہک  
 دہشت گرد دے ناں تے شہید فضل اللہ پور کر ڈتا گیا۔ اے حرکت صرف ناں تبدیل کرن  
 دی حد تک نہ ہی بلکہ ایں علاقے دی تہذیبی شناخت نال بہوں وڈی زیادتی ہی۔ بھل ہن

ثابت تھی چھکے جو جیندی موت تے ایس وستی داصدیاں پُر انزاں ناں بدلیا گیا ہاؤ جیند اول آئے  
، تہوں کوئی وجہ باقی نی رہ گئی جو ہن ایس وستی دی سُنجان اُبجھناں ہووے جیندی نہ ہرہد کوئی  
حیثیت اے تے نہ ایس وستی واسطے کوئی اہم کارنامہ، بلکہ اوتاں ایس وستی واسطے شرمندگی دا  
باعث اے، بدنامی دا کارن اے۔ مطالبہ کیتا گیا جو وستی دانان فوری طور تے بدلیا ونجیں۔

ایس پریس کانفرنس وچ وستی دا پُر انزاں ناں بحال کرن دی تجویز کون وی رد کریندے ہوئے  
نواں مطالبہ کیا گیا جو وستی دانان شاہ راجن پور کیتا ونجیں کیوں جو مرحوم راجن شاہ نے ضلع  
کونسل دا چیئرمین ہوندے ہوئیں ایس وستی کیتے نہ صرف سڑکاں بنز وایاں بلکہ سیوریج سکیم  
دے نال نال چھوہرتے چھوریں کیتے پرائمری سکول دی منظور کرائے۔

وستی ہن ڈوں طوفاناں دے نشانے تے ہئی۔ ہک پاسے میڈیا تے کندوتے محمد مراد دی  
ملاقات کروان دا غوغا ہا جیندے وچ ہن مقامی این جی اوز دے نال نال عالمی میڈیا تے وی  
خبراں آون لگ پیاں ہن۔ ڈوجھے پاسے وستی دے نویں ناں دا مطالبہ، وستی دی ہر چُندھ گٹھ  
وچوں نکل تے سیاست دانان دے دیریاں تے ڈرائنگ روم وچ بحث مباحثے دا سب توں  
وڈا موضوع بن گیا۔

ڈوجھے ڈینہ ای ہک بڑا تنظیم انجمن تحفظ حقوق شہریان نے وی پریس کانفرنس رکھی پر ایندا  
انتظام وستی دی بجائے ملتان شہر دے تھری سٹار ہوٹل دے ایئر کنڈیشنڈ ہال وچ کیتا گیا۔ انجمن  
تحفظ حقوق شہریان نے ایس حد توڑیاں تاں انجمن تحفظ تاریخ و ثقافت دے مطالبے دی حمایت  
کیتی جو ہک زندہ شخص دے فرضی ناں تے وستی دانان بدلن کہیں صورت وی جائز کوئنا ہا پر ایس  
تجویز دی مخالفت کیتی جو سابقہ وستی پاؤلیاں دانان شاہ راجن پور کیتا ونجیں۔ ایس تنظیم دے  
رہنماواں دا خیال ہا جو مرحوم شاہ راجن نے وستی واسطے آپڑیاں پلوں تاں کجھ خرچ نہ کیتا ہا،  
سبھو کجھ سرکاری گرانٹ ہئی، آفرین تاں ملک منور حسین دی اے جینے نہ صرف وستی وچ  
ڈوں کاشن فیکٹریاں لاتے علاقے دے لوکاں کوں روزگار دتے بلکہ ڈوہائیں پرائمری سکولاں

کیتے آپڑیں ذاتی زمین وی ڈتی اے، تہوں مطالبہ کیتا گیا جو وستی دانواں ناں منور آباد رکھیا ونجیں۔ اے پریس کانفرنس بہوں بھروی تھی۔ ڈویژنل ہیڈ کوارٹر دی وجہ نال تمام چینلاں تے اخباراں دی نمائندگی ہوندے ہویاں بہوں پر تکلف ہائی ٹی دابند و بست کیتا گیا جیندے پاروں گھنٹے بعد تمام چینلاں تے انجمن تحفظ حقوق شہریان د مطالبہ نمایاں طور تے جابزدان وچ کامیاب تھی گیا تے اگلے ڈینہ دے اخباراں وچ وی اے خبر اندر کتھائیں سنگل کالمی دی بجائے چھیکڑی صفحے تے ڈوکالمی باکس وچ چھپی تاں ہر پاسے منور آباد د انعرہ لگ گیا۔

ایں رولے گولے وچ جے کوئی سب توں زیادہ پریشان ہاتاں او علامہ بلال الرحمن تے جیرھا چھڑی چس چیندایا ہاؤ ہا محمد مراد۔ علامہ بلال نے بہوں کوشش کیتی جو ناراض رپورٹر کوں سڈا تے کہیں نہ کہیں طور مناتے معاملے کوں ٹھڈا کرن دی کوشش کرے پر او تاں تھڑے تھوں ای نہ لگیا تے پھوکیا تو کیارہ گیا۔ حقیقت وی ایہا ہی جو اے ساری کھیڈ ہن د اوندے آپڑیں ہتھوں نکل تے کجھ ابجھے ہتھاں وچ چلی گئی ہئی جنہاں تے اونداز وروی نہ ہا۔

علامہ بلال کیتے ڈھیر مسئلہ مراد کوں مدرسے وچوں کڈھن دا ہا۔ او خود وی او کوں ہک ڈینہ رکھن کیتے تیار نہ ہا، بھل جو کجھ اے تھیا اُونے او کوں سنبھلن دا ایڈاموقع ای نہ دے جو اونداد دہشت گردی پلس دے سپیشل یونٹ کوں مراد دی ضمانت دی صورت کرائی گئی۔ ان دہانی کوں بروقت واپس گھنن دا تحرک کر سکے۔ انسانی حقوق دیاں تنظیمیاں دے مظاہریاں توں بعد اُونے درخواست واپسی ضمانت ڈے تاں چھوڑی پر سپیشل یونٹ دے نگران پلس آفسر نے چھیکڑی حکم تاں ہوم ڈیپارٹمنٹ توں گھنراں ہا جیند ا انتظار بہوں لمبا تھی گیا۔

علامہ بلال خود ایں معاملے تے وی مخمضے دا شکار ہا۔ ہک پاسے تاں او جلدی کنوں جلدی مراد کوں مدرسے وچوں کڈھن چاہندا ہا ڈوجھے پاسوں اے وی نہ چاہندا ہا جو اوندی کندو نال ملاقات تھی سکے۔ او کوں یقین ہا جو کندو کوں ڈیکھ تے کوئی وی مرد جیرھا عورتاں کنوں بھاویں جتنا وی متنفر ہووے، دل دے دروازے بند کرتے نی بہہ سگدا۔ او کوں یقین ہا جو مراد نے ہک

پھیری وی کندو کوں ڈیکھ گھدا تاں پرینج تے چھوڑیسی پر بلال دے نزدیک مراد دا کندو نال پر نیجن، کندو جہی عورت دی بربادی دے سوا کجھ نہ ہا۔ تہوں درخواست والپی ضمانت دے فیصلے تے جوں دیر تھیندی پئی ہئی بلال دے باطن کوں اتنی ای اسائن ملدی پئی ہئی۔ او کوں پتہ ہا جو عالمی انسانی حقوق دیاں تنظیمیاں دے میدان وچ آون دے بعد ہر آون والا ڈینہہ اوندے تے اوندے مدرسے دی ساکھ واسطے امتحان اے پر کندو تے مراد دی ملاقات نہ تھیون ڈیون کیتے او ایس ساکھ کوں وی داتے لاون کیتے تیار تھی گیا ہا۔ بلال نے کئی پھیری سوچیا جو کندو تے اوندی ماکو اندر سڈاتے سمجھاوون دی کوشش کرے، ڈسے جو مراد کیسو جیہا بندہ ہے پر ایس گاہوں ہمت نہ تھئی جو او وول وی نہ منی تاں خود اوندے پلے کیارہ ویسی۔ اوئیں وی اندر آتے اوندے مراد کوں ملن دا تماشا شروع کر ڈتا تاں او ڈوہائیں کوں ملن توں کیوں روک سگسی۔

ہک پاسے مراد نال اتنی نفرت تے ڈوجھے پاسے جنیں ویلے وستی دانان شہید فضل اللہ پور توں شاہ راجن پور یا منور آباد کرن دے مطالبے سامڑیں آئے تاں نہ چاہندے ہوئے وی بلال کوں ایس ناں دے باقی رہن کیتے آپڑیں اندروں مزاحمت دا احساس تھیا۔ او جانڑ دا ہا جو وستی پاؤلیاں دانان اوندے پُیونے اوں ویلے دے مجاہد محمد مراد عرف فضل اللہ دی شہادت دے موقع تے خود بخود کراتے حکومت کنوں رکھوایا ہاتے جے ہن اے ناں بدل دے تاں ایویں لگی جو او پُیو دی پگ دی سنبھال فی لبہ سگیا۔ بلال لکھ سوچیا جو بھائیوں نے پُیو دے مدرسہ حمیدیہ دانان مدرسہ رحمانیہ کر چھوڑے بھل ہے تاں اوندے پُیو دا بنڑایا ہو یا مدرسہ۔ او بے شک ساری حیاتی پُیو نال نفرت کریندا آئے پر پگ تاں ہوں پُیو دی سر تے لا تھی اے۔ او جتنا وی پُیو کنوں بھجن چاہوے، آپڑیں بُت وچ واہندی اوندی رت تاں فی کڈھ سگدا۔ بلال قدرت دی ایس گن منجھ تے وی حیران ہا جو کجھ لوک ابجھے وی حیاتی نال جڑے ہوئے ہونین جو انتہا دی نفرت دے باوجود بندہ اناں کوں پٹ تے کتھائیں سٹ فی سگدا تے کجھ ابجھے وی

ہوندا جو بے اندازہ محبت دے ہوندے ہوئے وی اناں کوں چھک تے، ہاں نال لاتے نہ تاں  
 آپڑاں بنڑاں سگدے ہیں تے نہ آپڑاں اکھ سگدے ہیں۔  
 بلال کوں ایویں لگدا پیا ہا جیویں اُو گھانی وات ہووے۔ گھان وچ آئے سَرِم دے بجارے  
 وچوں تیل کیویں سمدے، کھل کیویں آنج تھیندی اے، ایند احساس خود گھانی وچ آئے بغیر  
 فی تھیندا۔ جئیں ویلے بندہ قدرت رکھیندے ہوئے وی فیصلے کرن دا ہنر و نجا با ہووے، رستہ  
 سامڑیں ہووے پر قدم نہ چوٹن، تدبیر دی اٹکل وی ہووے پر تقدیر اڑنگی مارے تاں  
 سمجھو اے وکیر کوئی خدائی وکیر اے۔ بلال کوں یقین ہا جو کجھ نہ کجھ سمجھا ضرور تھیںسی جو  
 سبھے پٹھیاں سدھیاں تھیںسن بھل اُو بھل گیا ہی جو سیت ایویں پٹھیں فی تھیندی، اوندے  
 بچھوں وی کوئی نیت دی کالون ہوندی اے، کہیں دا ٹھڈا ساہ ہوندے، کہیں دی روح دے  
 پھٹ دا بچھلا ہوندے۔



اِس توں پہلے جو علامہ بلال الرحمن آپڑیں پُیو دا ڈِٹا ہویا وَستی دانان بچاون دی کوشش کریندا علاقے دیاں مذہبی جماعتاں دی قیادت سامڑیں آگئی۔ اُناں دی پریس کانفرنس وِچ بارہاں جماعتاں دی ضلعی تے ڈویژنل قیادت نے ہک زبان تھی تے انجمن تحفظ تاریخ و ثقافت تے انجمن تحفظ حقوق شہریان دے مطالبات مسٹر دکریندے ہویاں آپڑاں موقف پیش کیتا جو مسئلہ جے مجاہد محمد مراد عرف فضل اللہ دی زندہ واپسی دا ہے تاں اوں دیاں خدمات تے پانی پھیرن دی بجائے وَستی دانان فضل اللہ پورای راہون ڈِٹا ونجیں، بس ناں توں پہلے شہید دی بجائے ”غازی“ لاڈیون نال جھیردے دی گنجائش ای تک ویندی اے۔

مذہبی جماعتاں دا موقف بہوں منطقی تے مضبوط ہا۔ اُناں دے مطابق محمد مراد عرف فضل اللہ نے نہ تاں کڈھائیں دہشت گردی دی کوئی کارروائی خود کیتی ہے تے نہ ای ایجھی کہیں کارروائی داماسٹر مائینڈریسے۔ اُونے جو کجھ کیتے بے ملکہ وِچ وَج کراہیں کافراں دے خلاف کیتے، کئی پھیری مردامرداں پچے، پھٹڑتھئے، بانہہ کپوائی اے، جیلاں کٹے نرس تے آپڑیں پوری حیاتی بکے نیک مقصد کیتے وقف کیتی رکھی ہس۔ فضل اللہ دیاں خدمات دے سامڑیں اِنان ٹھگ باز سیاست دانان دی کیا حیثیت اے۔ اُناں جو وی کیتے سرکاری فنڈراچوں کیتے یا لٹ مار دی کمائی اچوں کیتے، فضل اللہ طرحاں جان تکی تے رکھ تے آپڑیں ملکہ، قوم تے وَستی دانان

روشن کرن ہاتھوں ول بے شک جو ناں رکھن، اُنناں دی مرضی۔ بھل ایں طرحاں تاں اُنناں دی  
کائنا چلی جو رت دی پھینگ لاتے شہید سڈاؤن دامطالبہ کرن۔

مذہبی جماعتیں میدان وچ کیا آئیاں، معاملہ بیاوی بکھ گیا۔ سیاست دے پرانڑیں کھلاڑی ہار  
من کوں تیار نہ ہن۔ ہک بے دے خلاف پراپیگنڈہ بہوں تیز تھیندا گیا۔ جتنا گندہک بے تے  
سٹیاؤنچ سکیندا ہا سٹیا گیا۔ مراد کوں بے دہشت گرد ثابت کرن دی گالہہ تھئی تاں راجن شاہ  
مرحوم تے ملک منور دے گندے پوتڑے وی بازاراں وچ آگئے۔

راجن شاہ دی اولاد نے آپڑیں موئے پوکوں ایں طرحاں گلیاں بازاراں وچ گندہ تھیندا ڈٹھا  
تاں آپڑاں مطالبہ واپس گھندے ہوئیاں ”منور آباد“ دی تحریک وچ ملک منور حسین دے  
نال کھڑے کر گھدوئیں۔ ملک منور جیندا ہا، ڈوں واری ایم پی اے تے ہک واری صوبائی وزیر وی  
رہ چکیا ہا، پیسہ نکاوی کھل تے خرچ کر سگدا ہا تہوں اوندے ناں دی تحریک چلاؤن والی انجمن  
تحفظ حقوق شہریان وچ وی دم ہا۔ روز ڈیہاڑے دے جلوس، ملتان دے مہانگے ہوٹلاں وچ  
پریس کانفرنساں تے میڈیا دے بھرپور استعمال نے ہر جا ”منور آباد، منور آباد“ کر چھوڑیا۔  
ملتان تے جلال پور وں آون والی سڑک تے پوری دستی دیاں دکاناں تے وڈے وڈے بینراں  
نے کم چا چھوڑیا۔ راہندی ساہندی گالہہ ضابطے دی کارروائی نے پوری کر چھوڑی تے  
ڈسٹرکٹ کوارڈینیشن آفیسر دے دفتر وچوں وی دستی شہید فضل اللہ پور داناں ”منور آباد“  
کرن دی منظوری گھن گھدی گئی۔

ڈی سی او دے دفتر وچوں ناں دی تبدیلی دی منظوری تھیونڑں مذہبی جماعتیں دے اتحاد  
واسطے بہوں وڈا دھچکا ہئی۔ اُنناں آپڑیں حکمت عملی بدلی تے دستی داناں تبدیل تھیون دے  
نوٹیفیکیشن تھیون توں پہلے روزانہ ڈسٹرکٹ کوارڈینیشن آفیسر دے دفتر دے سامڑیں سویر  
توشام تیں دھر ناڈیونڑں شروع کر ڈتا۔ اُنناں دامطالبہ ہو ہا جو نوٹیفیکیشن روک تے پہلے دستی

دے لوکاں دی مرضی بچھی ونجیں۔ کیوں جو اُنّاں ڈہناں ملکہ وچ بلدیاتی ادارے تاں ہن  
کائناں، ہین گاہوں چھڑا فتر دے وکاؤ عملے دیاں رپورٹاں تے اعتماد نہ کیتا ونجیں۔

دھرنے نال وی کجھ بنزدا نظر نہ آیتاں اتحاد نے ناں تبدیل کرن دی منظوری کوں ہائی کورٹ  
چیلنج کر ڈتا۔ ہائی کورٹ توں وی مذہبی اتحاد دی رٹ پٹیشن تے اعتراض لگ گیا جو جیس ویلے  
تک ناں دی تبدیلی دانو ٹیفیکیشن نہ تھیوے، محض منظوری کوں قانونی طور تے چیلنجی کیتا  
ونج سگیندا۔ گاہہ تاں مایوسی دی ہئی پر بارہاں مذہبی جماعتاں دے اتحاد نے آپڑیں آپ کوں  
تکڑا رکھیا تے ہک واری ول ڈی سی اوتے سیاسی پریشرو دھاڑتا۔

بلال الرحمن ایں ساری صورت حال کوں بہوں غور نال ڈیدھا پیا ہا۔ اوندی طرفوں کہیں قسم  
دی کوئی ہنگ یا پھٹکڑی لاتے بغیر ای رنگ چوکھا چوہدا پیا ہا۔ وستی دے ناں داڑولا و دھیاتاں  
مراد تے کندو دی ملاقات دا معاملہ بچھو آں تھی گیا۔ خبر تاں ہن دی روز کیتھاؤں نہ کیتھاؤں  
میڈیا تے آئی ویندی ہئی پر اوندے وچ اوشدت نہ رہ گئی ہئی تے نہ ای انسانی حقوق دیاں  
تنظیمیں دے مظاہرے اوں طرحاں باقی رہ گئے۔ ایندے وچ بلال دی اوں درخواست تے  
تھیون والی کارروائی دا وی دخل ہاجیندے ذریعے او آپڑیں ضمانت واپس گھندا پیا ہا۔ اناں  
تنظیمیں دی اعلیٰ قیادت کوں وی کن تھی گئے جو علامہ بلال الرحمن آپڑیں مرضی نال مراد  
کوں نی بدھی بیٹھا، جے اومدر سے توں باہر نی آندا تاں ایندی وجہ انسداد دہشت گردی پلس  
دے سپیشل یونٹ دا حکم نامہ ہئی جیڑھا ہوم ڈیپارٹمنٹ دی منظوری نال جاری تھیا ہا۔  
مسئلاں دا ہک طوقاں جینے بلال کوں چارے پاسوں ولیٹ گھدا ہا، آپ کنوں آپے اوندے  
باہر آون دے رستے بنڑیندا پیا ہا۔

ایں دوران ہک نئی آزمائش آگئی۔ بلال توڑیں خبر پینچی جو مراد دی چھیکڑی بچدی بھین زرینہ  
نے خود کشی کر گھدی اے۔ اوندی سس دا بیان ہا جو مرن آلی رات او بہوں پریشان ہئی تے  
آہدی پئی جو پلس کنوں بے عزتی تھیون دے بعد اونداجیون کوں دل نی کریندا، دل آہدے جو

مرو نجاں تے بنی سویرے اوندی لاش چھت آ لے پکھے نال جھولدی کھڑی ہئی پر اصل گاہہ  
جیرہی بلال کو پتا لگی اُو خود کشی نہ ہئی بلکہ اوندے گھر والے نے اوکوں گھوگھاڈے کراہیں بعد  
وچ چھت والے پکھے نال لڑکا کھڑا یا تے خود نال والے شہر ٹر گیا اے ظاہر کرن سانگے جو اُو  
تاں موقع تے ہاڑی کاٹنا۔ جنیں ویلے بلال کوں اطلاع ملی پلس نال میل ملاپ دے بعد زرینہ  
دی موت کوں خود کشی بنڑا، د فناوی ڈتا گیا ہا۔

مسئلہ ہن دُل بلال واسطے بن گیا ہا جو مراد کوں خبر کرے یا نہ کرے۔ جے خبر کریندے تاں اُو  
لازمی اکھسی جو اُو نے بھین دی فوتیدگی تے و نجریں تاں ایس حالت وچ اُو حکومت دی اجازت  
دے بغیر اوکوں کیویں و نجن ڈے سگسی۔ و نجن ڈیون دی صورت وچ وی کوئی پتانی جو اُو واپس  
و لے یا نہ و لے۔ واپس نہ ولیا تاں حکومت اوندے خلاف کارروائی کر لسی جے و ل آیا وی پر  
کوئی کدھت کرتے آیا، آپڑیں بھنڑویے کوں مارتے آیا تاں و ل وی جواب تاں ہو کوں  
ڈیونزاں پوسی جو اُو نے بغیر اجازت مراد کوں کیویں و نجن ڈتا۔ جے خبرنی کرینداتاں ساری  
زندگی شرم ساری تے گناہ دی ایس بھک کوں چاتے مراد نال اکھیں کیویں ملیسی؟

بہوں سوچ بچار دے بعد بلال نے نہ صرف مراد کوں اوندی بھین دی موت دی خبر ڈسن دا  
فیصلہ کر گھدا بلکہ آپڑیں آپ نال لے وی طے کر گھدا جو بھاویں کجھ وی تھی و نجنیں اُو مراد  
کوں حکومت دی اجازت دے بغیر و سکی لال کمال و نجن دا موقع ضرور ڈسی۔ لے سوچتے  
اُو نے مناسب نہ سمجھیا جو ایس موقع تے اُو مراد کوں آپڑیں کول سداوے، اُو خود ای مدرے  
دے مہمان خانے ڈوٹریا جتھاں آج کل مراد دیرہ لائی پیا ہئی۔

بلال مہمان خانے گیا تاں مراد جے پاسے پاسا و ل سٹا پیا ہا۔ عصر دی ازاں تھیون والی ہئی پر  
اوکوں گوگھ نندر ہئی۔ بلال اوندے نال والی کھٹ تے و نجن بہہ تھیا۔ بلال دے بہن نال کھٹ  
دی پائی کڑکی تاں مراد چھر کی بھر ٹپ مارتے اُٹھی بیٹھا۔ بلال کوں ڈیکھتے پہلے تاں کجھ حیران  
تھیا پر و ل سدھا تھی بیٹھا۔

”بہوں ڈینسہ تھی گئے ہن، ملاقات نہ تھی ہئی، میں سوچیا جو مراد تاں نی آندا، میں ای وُنج تے  
حال حویلا نزویا کر آواں۔“ بلال کنوں گالہہ اگی تے نہ تُردی پئی ہئی۔

”علامہ صاحب! میڈی مجال جو میں تہاڈے کول آپ کنوں آپے آواں، تُساں سڈوتاں میں  
آواں۔“ مراد دے بولن وِج ہالی تیں کُڑا ہٹ وُدی ہئی تھی۔

”حالات تیدے سامڑیں ہن، کوئی ہک مسئلہ تاں کائنی!“

”مسئلہ تاں تُساں آپ بنڑائے، نہ ڈیو ہا میڈی ضمانت تے نہ اے بھوگ بو گڑیں پوون ہا۔“  
مراد دے چہرے تے اُتاول ہئی، کُڑا ہٹ ہئی، زچکائی ہئی جیویں اوبلال دے آون تے خوش نہ  
ہو وے۔

”توں ای کندو والے معاملے کوں کہیں پاسے لاویں ہاتے میڈی وی اٹھے ویلے دی ایس کل دکل  
توں جان بچھٹے۔“

بلال پتانی کیوں کندو دا ذکر ایس طرحاں کر گیا جو مراد دے متھے تے وٹ پئے گیا۔

”علامہ صاحب! جیرہی گالہہ کرن آئے وے اوباکرو، باقی چھوڑو!“

بلال حیران تھی تے اوندے منہ کوں ڈیکھن لگ گیا پرچپ رہیا۔

”ایہو آکھن آئے وے ناں جو زرينہ بے موت ماری گئی اے؟“ مراد نے کاوڑ نال اُچھا تھی  
آلویا۔

حیرت نال بلال دے آہنے اُدھر تیج گئے۔ ”ایکوں کیوں پتا اے“ بلال نے ہالی دِل اِج ای  
سوچیا ہا جو مراد بول پیا۔

”تہا کوں ایہو حیرت اے جو میکوں کیوں پتا اے؟ میکوں پتا لگے کوں اٹھ گھنٹے تھی گن، ہالی  
او کوں دفنایا ای کاٹنا ہانے تے خود کشی دا ڈراما کیتا ویندا پیا ہا۔“ مراد نے منہ اِج آئی کُڑا ہٹ کوں  
کھگاردی صورت تھک سٹیا۔

بلال کنوں جرات نہ تھیندی پئی ہئی جو بچھہ ڈیکھے او کوں کیوں پتا اے۔

”میں وی عجیب بد قسمت ہاں، پنجوی سال پہلے میکوں مرن کیتے قندھار بھیجیا گیا ہا، میں تاں  
 فی مر یا، بھل ولیاں تاں ساریاں کوں مارتے ولیاں، سُنڑ تِج ہی جو ہک بھراتے ہک بھین بچے  
 وِون، بھراتاں ہالی تیں فی لبھیا، ہک بھین سامڑیں آئی ہی، آج اُوی میں توں واری گئی اے جو  
 میں، میں نشانِ عبرت کجھ ڈینہہ بیا جی گھناں۔“

کجھ دیر ڈوہیں چُپ ریے۔ شئیّت باقی دابولن متعلقہ نہ رہا ہا۔  
 ”توں چلیا ونج! بھین وی قبر توں تھی آ، میں آپے حکومت کوں جواب ڈے گھناں!“ بلال  
 نے گالہہ دوبارہ شروع کرن دی کوشش کیتی۔

”میں ونجراں ہووے ہاتاں اٹھ گھنٹے پہلے چلیا ونجا ہا، میکوں کون روک سکدا ہا، پر میں خودنی گیا،  
 خواخواہ ہک قبر بی وی بن ونجے ہا عاقل دی، ہن بچ گئے تاں بال ای پال گھنسی!“  
 چھیکڑی لفظ مراد نے اتنی کڑا ہٹ نال بولے جو اوندے بعد بلال دی ہمت ای نہ تھی جو کوئی بی  
 گالہہ کرے۔ اُو اٹھی کھڑا تھیا پر مراد جھکی جھون گھت تے بیٹھا رہا۔

”ول وی جنیں ویلے سمجھیں مناسب ونج تے تھی آویں۔“  
 مراد نے ہن دی بلال دی گالہہ دا کوئی جواب نہ ڈتاتے نہ ای اوندے نال اکھ ملائیں، شئیّت  
 اکھیں وِچ ونجواں دی واپسی کوں اُو اوندے کنوں اُوڈھر رکھن چاہندا ہا۔

رات کوں عشا ذی نماز دے بعد بلال کوں خبر تھئی جو مراد آپڑیں کرے وِچ کا نئی۔ بلاں نے نہ  
 چاہندے ہوئے وی پتانی کیوں ہک لبسا ساہ اندر ڈو گھدا، اوندے سینے تے پئی کوئی باری بھک  
 لہندی لہندی ولدی ڈوڑی تھی گئی ہی۔



بلال نے مراد دے واپس ولن یا نہ ولن دے و سوئیاں دی پٹنڈ چاکر اہیں رات تاں کہیں نہ کہیں  
 طرحاں گزار گھدی پر ڈینہ گزار نامشکل لگدا پیا ہا۔ عصر دے بعد وی اُونے کہیں نگران کنوں  
 ایں گالہوں نہ بچھیا جو مراد کوں مدرسے وچوں باہر بھیجن دے بعد کم از کم ہک ڈینہ تاں  
 ڈیکھڑاں چاہیدے جو اُوندے سرے کتنا سوار راہندے۔ بھل جئیں ویلے پتا لگیا جو اوتاں  
 سویرے فجر توں وی پہلے آپڑیں کمرے وچ آگیا ہاتے ہوں ویلے داہن تئیں ستاپے تاں بلال  
 داحیران تھیون تاں بنڑ داہا۔

”کیجھا لا پر وا شخص اے جینے اُوندے اتنے وڈے احسان توں بعد واپسی دُسن گوارا ای فی کیتا جو  
 ول آیاں۔“ بلال کوں مراد رویے دا ارمان تاں ہا پر ایں گالہوں راضی وی ہا جو ول تاں آئے، نہ  
 ولے ہاتاں اُوندا کیا کر سگدا ہا، ول تاں جو کرنا ہا حکومت نے اوندے نال ای کرنا ہا، مراد دی  
 واری تاں کیتھائیں بعد وچ آندی۔

بلال کوں ہک سوچ بئی وی ہئی جو مراد بھین دے ارمان واسطے لال کمال فی گیا کیوں جو راتی  
 رات جئیں ویلے کوئی لاری وی قضاویں چل دی ہے، اُوندا ایں وستی توں لودھراں دے  
 چھیکڑی بنے تے آباد وستی لال کمال عشا توں بعد ونج تے سویرے فجر دی آزان توں پہلے  
 وٹڑاں مشکل اے۔

”وَل كِتھاں گیا ہوسی! جوان بھین دے مرن دے ڈینہہ جیڑھی ہوں بچھوں قربان تھی  
 اے، اویا کتھاں وُنج سگدے؟“ بلال آپڑیں طور تے دل ای دل وُج گویڑتاں کریندا پیا باہر  
 عقل نہ منیندی ہئی جورات دے ڈوں پہراو نے مدرسے توں باہر کتھ گزارے ہو سن۔  
 ”ہو سگدے اویا کتھائیں گیا ای نہ ہووے! مدرسے دی کہیں نکر وُج بہہ تے بھین کوں روندارہ  
 گیا ہووے۔“ بھل ول وی تصدیق کیتے اُونے صدر دروازے توں چوکیدار دار جسٹر آمد  
 رفت منگوا گھدا۔

رجسٹر دے اندراج موجب مراد پونے ڈاھ و جے رات مدرسے توں باہر نکلیا ہاتے واپسی ہئی  
 کوئی لگ بھگ سواترے و جے سویل دی۔ ایں طرحاں اُو کوئی پنج گھنٹے باہروں ریہا ہا۔ بلال  
 اکھیں نوٹ تے ایں سفر دا تصور کرن بہہ تھیا۔

”رات دے ایں ویلے پنج گھنٹیاں وُج وستی لال کمال توں تھی تے وڑاں مشکل ای نی بلکہ  
 ناممکن ہا، ول آخر گیا تاں گیا کڈے ہوسی!“ ایں سارے گویڑ وُج آچا چیت بلال کوں ہک  
 بیا خیال آیا۔ ”جے مراد وستی لال کمال نی گیا تاں ضرور کندو کول گیا ہوسی۔“

بھل آپڑیں ایں سوچ تے اُو خود شرمسار تھی گیا۔ ”کوئی ابجھاوی تھی سگدے جو آپڑیں نیکی  
 بھین دے قتل دارمانی تھیون دی بجائے اُوہارات مشوق دے نال گزارے جیڑھی جو اُونے  
 قبر تے وُنج گزارنی ہئی، ضرور کوئی معاملہ بیا اے۔“

معاملہ جو وی ہا، اُو چڈے وی گیا ہا، دماغ وُج تھیندی نیکی کھت کھت دے باوجود اُو مراد کوں  
 سڈا تے کہیں وی گالہہ داپک نہ کرن چاہندا ہا۔ جے اُونے مَن گھدا جو اُو زرینہ دی قبر دی  
 بجائے رات کندو کول ہاتاں اوندے اُوں اعتبار دا کیا بنڑسی جیکوں کریندے ہوئے اُونے مراد  
 کوں مدرسے توں باہر وُجن دی موکل ڈتی ہئی۔

”کیجھا بے جس شخص اے، سویل داتے تے ہن دشاوی گزر گئی اے پرا یکوں خیال نی آیا جو  
 میڈے کول آتے حال تاں ڈے ونجیں جورات کیڈے مکلا ملن گیا ہا۔“

سارے ڈینہ دی ہیں بک بک دے بعد اڈا دے دے قریب ولد اگھر دے باہر لے پراہ وچ  
 آپڑیں مخصوص موڑھے تے بہہ تھیا۔ موڑھے تے بہہ کراہیں اڈا کوں بہوں کجھ سوچن داموقع  
 ملداتے ول جنیں ویلے اناں سوچاں کوں دماغ دی آوی وچ پکاتے کوئی خاص شکل ڈیونی ہوندی  
 یا ول سوچاں کہیں ہک نکلتے تے آون مشکل تھی ویندیاں تاں اڈا ناں پئے ماچے اُتے ادھ لیشیا  
 تھی ویندا۔

آج وی موڑھے تے بیٹھا، اسمان ڈوڈیدھا بلال ایہو سُچند ایہا جو قدرت کہیں شخص کوں برباد  
 کریندی اے تاں اڈا دے بچھوں کجھ نہ کجھ ابجھا ضرور ہوندے جیندے پاروں اڈا دردناک  
 انجام تیں پہنچ کراہیں ذلیل و خوار تھی ویندے۔ اوکوں یاد آیا جو نیت تے مراد دا کہیں وی  
 کامیاب شخص دی کامیابی وچ بہوں دخل ریہے۔ جے کوئی کھٹ فی کھانداتال آپڑیں بدینتی  
 دے سبب، بدینتی صرف کہیں دے بارے بُرا سوچن تیں محدود کائن، بدینتی دا گھیر بہوں وڈا  
 تے مار بہوں گجھی ہوندی اے۔ اے سبھو کجھ سُچندے ہوئے اڈا دیا اکھیں دے سامڑیں  
 مراد دا چہرہ ہا۔ کیوں ہک شخص ڈیدھے ای ڈیدھے مظلوم توں ظالم بن گیا ہا، ظلم ضروری نی جو  
 مار کڈتے کیتا ونجیں، بے جسی تے بے وِسلائی وی ظلم ای ہن جہناں دا پھٹ، بندوق دے  
 پھٹ کنوں زیادہ چچلا کریندے۔

اکھیں نوٹ کراہیں بیٹھے بلال کو احساس تھیا جو کوئی بیاوی اُتھ موجود اے۔ اکھیں کھلیاں تاں  
 اڈا دے سامڑیں مراد عجیب چے ڈاواؤن دے انداز وچ مُسکدا کھڑا ہا۔ کھلیاں دروازہ لنگھ کراہیں پتا  
 نی کیہرے ویلے دا اُتھ آیا کھڑا ہا۔ بچھلیاں راتیں دے چندر دے مٹھے سو جھلے وچ وی صاف  
 لگدا ایہا جو اُونے نہ صرف پُولا سلوار نواں پاتیا ہو یا بلکہ خط ٹھپوا، حجامت کرا، دھادھوتے آیا  
 کھڑا ہا۔ بلال کوں وٹ تاں بہوں چڑھیا جو اُتھاؤں دا اُتھاؤں ایں بے درد شخص کوں بھجا  
 چھوڑے پر تجس دے ہتھوں مجبور تھی تے اوکوں سامڑیں آ لے موڑھے تے باہون دا اشارہ  
 کیتس۔ مراد اوئیں ہوں انداز وچ مچکدا ہو یا بہہ تھیا۔

بلال چپ رہا۔ اُو کوں توقع ہئی جو مراد خود حال ڈیسی پر مراد ای کافی دیر تئیں مچکدا ہو یا بلال کوں ڈید ہار یہا جو اُو گالہہ کیتھوں شروع کریندے۔ بلال نے آپڑیں اندردی کھت کھت کوں بہوں مشکل نال بدھیا ہو یا۔ اُو کہیں طرحاں وی آج اوندے سامڑیں ہیئڑاں نہ پوؤن چاہندا ہا پر جئیں ویلے مراد کافی دیر تئیں کھسکیا ای ناں تاں اُو کوں بولڑاں پئے گیا۔

”کیا ارادے ہن؟“

”بس تہاڈے کنوں موکل گھڑں آیاں، تھوڑیت آں تہاڈے احسان دا۔“ ایں جملے دے باوجود اوندے انداز وچ کتھاؤں وی احسان مندی نہ نظر دی پئی ہئی۔

”کیا مطلب؟“

”تہا کوں پتا کائے جو تہاڈی واپسی ضمانت دی درخواست منظور تھی گئی اے تے ہن میں آزاد ہاں کہیں وی قسم دی نگرانی دے بغیر۔“

اے اطلاع بلال کیتے کہیں دھماکے توں گھٹ نہ ہئی جو اُوں تئیں خبر پہنچے بغیر اوندی اطلاع مراد کوں پہلے تھی گئی اے۔ بلال ہن دہرے عذاب وچ ہا۔ منیندا تاں گالہہ لکاؤن دا الزام لگدا ہا، فی منیندا تاں سارا بھرم لے مٹی تھیندے۔ ول وی کچھ بولڑاں تاں ہا۔

”میں تاں سُڑیا ہا جو تیکوں ہفتہ وار حاضری ڈیوٹی ہوسی ڈی ایس پی جلال پور کئے؟“

”کیہڑی حاضری سیں! جے حاضری ای ڈیوٹی ہووے ہا تاں ول آزادی دا فائدہ؟ میں وی ہن اُوئیں آزاد ہاں جیویں تہاں خود۔“

بلال کو مراد دیاں گالیں تے یقین نہ آندا یا ہا۔ اُو حیران ہا جو کون ہے ایندے پچھوں تے اُو خود ہے کیا؟ کیا اینے کہیں بنی ایجنسی واسطے تاں کم کرن دا معاہدہ فی کر گھدا؟ بلال کوں لگیا جو جذباتی تھی کراہیں مراد دے معاملے وچ مار کھا گئے۔ کیا اوندے کنوں مراد بارے یقین دہانی تے ضمانت سبھو کچھ ڈراما ہئی جیندا خمیازہ اُو کئی ڈینہہ بھگتیندا رہ گئے۔ کیا مراد دی آڑ وچ اُو کوں تے اوندے مدرسے کوں امتحان وچ پاؤنزاں تاں مطلوب نہ ہا۔ کیا خبر چینل دے رپورٹر

بچوں کوں ہاتے کند و واقعی مرادی کجھ گدی اے یا اے وی اوندے مدر سے دارا ہندا ساہندا  
 کو ٹھین دا کوئی امدادی کردار ہئی۔ خیر جو وی کجھ تھی چکیا ہا اوندی حد تئیں تاں بلال کوں آپڑاں  
 بھرم رکھڑاں بنزدا ہا، نہ تاں نری نموشی ہئی۔

”کل رات کیتھاں ہاویں؟“ اتنے سارے ذہنی جھٹکے کھاؤن دے بعد بلال گالہہ کوں کہیں  
 پاسے لاؤن چاہندا پیا ہا۔

”میڈے ونجن آؤن دا حساب تہاڈے کول تے آجن وی بچھدے اؤ میں کیتھاں ہم۔“ مراد دا  
 لچڑاں بند تے آلا وچ ہلکی جی کڑاہٹ شروع تھیندی پئی ہئی۔ بھاویں جو بلال واسطے اے وی  
 نیکڑا جیہا دھماکہ ای ہئی پر ہن اوندے وی حیران تھیونزاں چھوڑ ڈتا ہا۔ اوندے سامڑیں کوئی  
 معصوم تے مظلوم بندہ نہ بیٹھا ہا بلکہ گوریلا جنگ دا پنجوی سال دا تجربہ کار رکھن والا ہک ای بچھا  
 جنگجو جیڑھا جائز دا ہا جو آپڑیں شکار کوں کیویں زچ کر کرتے ایں طرحاں آدھ مویا کرنے جو اُو  
 خود موت دیاں ارداساں کرے۔

”میں تیڈے کنوں سُنزن چاہندا۔“ بلال نے ول وی آپڑاں بھرم رکھن دی کوشش کیتی۔  
 ”کند و کوں ملن گیا ہم!“

جتنی آسانی نال مراد نے کند و کوں ملن دا اقرار کیتا بلال املک توقع نہ رکھیندا ہا۔ اوند اخیال ہا جو  
 کجھ تاں ا جھکسی، کوئی بہانہ بنڑیسی جو کیوں موئی بھین دی قبر چھوڑتے اُو مشوق کوں ملن چلیا گیا  
 پر انسانی رشتیاں دے معاملیاں وچ تاں اُو ڈھٹائی دی حد تئیں لا غرض تھی چکیا ہا۔ بلال دا  
 واسطے آپڑیں پُوسمیت ایہوں سویں کئی لوکاں نال پیا ہا بھل اے سب توں اتر ہا جیندے کیتے  
 آپڑیں پر اے، ڈکھ سکھ، غمی خوشی تے جیون مرین دی کوئی حیثیت نی رہ ویندی، اُنناں کیتے بس  
 آپڑاں آپ ای سبھو کجھ ہوندے، اُو آپڑیں وچ ای جیندن تے آپڑیں وچ ای مردے  
 راہندن۔ ای بھیاں کوں کیا جتلا و نزاں تے کیا نروار کرنی۔ مراد نے بلال کو خموش تھیا ڈٹھا تاں  
 خود ای اگلا پتا سٹ چھوڑ لیس۔

”میں سوچیا ونج کراہیں مکدی مکلا آواں!“

”میں تاں سوچیا ہاتوں بھین دے مرا کے تے ویسیں!“ بلال ول ای گاہہ کرن توں آپڑیں آپ کو نہ روک سگیا۔

”اے سارے مرا کے تاں ہن، کوئی مرتے دفنیج ویندے تے کوئی مرتے وی نی دفنیدا، زرنیہ تاں دفنیج گئی ہئی میں کندو کوں دفناؤن گیا ہم۔“

”ہناں کیا کندو وی مر گئی؟“ بلال ول تے سدھا تھی بیٹھا۔ اوندے چہرے دارنگ اڈ گیا ہا۔

”آج دی؟ اوں کملی کوں تاں کئی سال تھی گئے موئے ہوئے!“

بلال نے لمبا ساہ اندر ڈو گھدا۔ مراد، کندو دی بربادی کوں مویا بنڑا سٹرنیدا پیا ہا۔ ول کجھ دیر خموشی رہی پراس پھیری بلال بولیا۔

”ول کیا کی گاہہ؟“

”گاہہ کیا کی؟ بس دفنا آیاں، اے کفن اؤ میڈے کیتے سیتی بیٹھی ہئی، میں او کوں بے کفنا دفنا آیاں۔“ مراد نے آپڑیں نویں چولے سلوار آلے پاسے اشارہ کیتا۔

”اے کپڑے کندو نے میڈے ول آؤن دی خوشی وچ بنڑاؤن۔“

بلال کوں لگیا جو اؤ کندو داسیتا جوڑا پاتے ہک پھیری ول اؤ کوں لارا لا آئے۔

”پتانی اے سوہنڑیاں تے اصیل عورتاں ڈٹ بازاں دے ہتھ ای کیوں چڑھدن؟“

ڈٹ بازی دی سوچ ذہن وچ کیا آئی بلال کوں خالد توفیقی یاد آ گیا۔ خالد نے کیا کجھ فی کیتا اوندے خاندان دے نال ول وی آج کتھائیں موج کرینداں پیا ہو سی، کہیں بے خاندان، کئی بیاں سوہنڑیاں تے اصیل عورتاں کوں برباد کرن کیتے۔

”علامہ صاحب اہک گاہہ کراں؟ شئیٹ آج دے بعد ساڈی ول ملاقات نہ تھیوے۔“

”ملاقات دے بارے کجھ نی آکھیا ونج سگدا، ہندوی تاں تھی پئی اے ناں!“ بلال اوندے کنوں جان چھڑاون چاہندا پیا ہاپراؤنے ہک نواں قصہ ٹور چھوڑیا۔

”تساں شادی کر گھنوں! میں ڈیدھا پیاں جو تہاڈیاں آکھیں وچ شہیت پہلی واری عورت جاگ پئی اے۔“

مراد نے تاں گالہ بہوں سہولت نال کر چھوڑی پر بلال وبل گیا جو ایندے بعد پتانی اوکيا آکھن چاہندے پر اوچپ کر گیا، بھل اے گالہ بئی جو اوڈیدھا ہن دی بلال دیاں اکھیں وچ پیاہ۔ بلال گھبرا گیا۔ مراد دی گالہ اوکوں ادھوری لگدی پئی ہئی جیکوں او آکھیں نال پورا کرن چاہندا ہا پر بلال نہ چاہندا ہا جو او گالہ پوری کر سکے تہوں او نے گالہ ای بدل چھوڑی۔

”میڈی کوئی خواہش کائنی جو شادی کرتے کہیں نویں خالد توفیقی کوں آپڑیں بچھوں لا گھناں جو آمیکوں برباد کر۔“

”کوئی خالد توفیقی کہیں دے بچھوں ایویں نی لگدا، اے ساڈی کمزوری دی پیداوار ہوندا، ساڈے اعتبار دا فائدہ چنیدا، ساڈے بھروسے کوں پُرسانگ بنڑیندا تے ساڈی رازداری کوں آپڑیں طاقت۔ خالد توفیقی ہک ڈینہ وچ نی بن ویندے، اے ڈر، خوف، لوبھ لالچ تے نویں نویں خواہاں دے ڈندیں نال ساڈے قدماں تلوں ہولے ہولے اتنی مٹی کھتور گھنندا جو اساں آپڑیں قدماں تے کھڑے تھیون کیتے اناں دے سہارے دے محتاج تھی ویندے ہئیں۔ ہک گالہ یاد رکھو! علامہ صاحب! عورت محتاج نال نی کھڑدی، او ہوندے نال کھڑدی اے جیڑھا آپڑیں قد میں تے کھڑا ہوے۔“

بلال اوندیاں گالیں سن تے دل ای دل وچ حیران تاں ہاپر آپڑیں حیرت لکاون کیتے کھل پیا۔

”مراد! توں کتنیاں عورتاں نال زندگی گزاری جو تیکوں عورت داپتا اے ہک چھڑا چھانڈ، بس ہک رات کیتے ہک عورت کوں مل تے آندا پئے تے گالیں کریندا پے ایڈیاں وڈیاں وڈیاں۔“

”علامہ صاحب! دشمن کوں گول تے مارن تے جچھے ہوئے دشمن دے وار توں بچن، او ہنر اے جیڑھا تہاڈیاں اکھیں سمیت بت دے ہک ہک مسام کوں بندوق دی نال تے لگی دور بین

بنڑاؤ دے جیڑھی نشانے کوں ایں طرحاں بدھیندی اے جو اک چک دا امکان ای ختم تھی  
ویندے۔“

”میں عورت دی گالہہ کیتی اے مراد، توں بندوق دی کرینداں پئیں۔“  
”میں وی عورت دی گالہہ کریندا پیاں، عورت ساری زندگی آپڑیں مرد نال گور یلا جنگ  
کریندی راہندی اے، جھپتے بچدی اے تے گول تے مریندی اے۔ عورت کنوں بے رحم  
شاید ای کوئی بنی مخلوق ہووے۔ جنیں روسی عورتاں نال گور یلا جنگ لڑی ہووے کیا اوکوں  
ہک عام عورت دے ایں ہنر دا پتا کوئنا ہو سی؟ ہک بنی گالہہ کراں! چھیکڑی! عورت ہووے یا  
مرد ڈوہیں کوں سجاؤن واسطے ہک رات تاں کیا ہک لمحہ کافی ہوندے جے تہاڑی اکھ دی بندوق  
اُتے عقل دی دور بین لگی ہوئی اے، نہ تاں پوری حیاتی گزار ڈیو، خالد توفیقیاں کنوں کھلے  
کھا سوو دے۔“

بلال کوں ہک واری ول چپ لگ گئی، پتانی کیوں اوندیاں اکھیں وچوں ہنجوں سم آیاں پر او نے  
اُگھن دی کوشش نہ کیتی۔ خوشی لمبڑاچ گئی تاں مراد اُٹھی کھڑا تھیا۔ شہیت و نجن چاہندا پیا ہا۔  
”بہہ مراد! توں دل داحال کیتی تاں میڈی گالہہ وی سُنو داؤنچ!“  
مراد وِلدا موڑھے تے بہہ تھیا۔

”ہک لاش میں وی کئی مدت توں مونڈھے تے چائی وداں، آپڑیں پیو دی لاش پر دفناؤن کوں جا  
نی ملدی، میکوں اوندے نال لگھ نفرت سی پر جیں طرحاں خالد توفیقی نے ہک جیندے  
جاگدے بندے کوں گنڈھڑی وچ بدھیا گوشت دالو تھڑا بنڑائے، او میکوں نی بھلدا۔ گوشت  
دی او گنڈھڑی بھاویں جو مٹی وچ پور ڈتی گئی ہئی پر آج تیں او میڈے مونڈھے تے رکھی اے،  
دفنا نی سگیا۔“

بلال مراد کوں ڈیدھیاں ہو یاں گالہہ نہ کر سگدا اپنا ہا پر مراد دیاں اکھیں اوندے چہرے تے ہند  
کہیں جھپدے ہوئے شکاری کوں نشانہ بدھن دا موقع ڈیون کیتے۔

”ثنیت میڈے ابے دی بندوق تے دور بین کائنا لگی ہوئی ہی جئیں پاروں او آپڑیاں ذالیں تے سنگت کوں عقل دے نشانے تے نہ رکھ سگیا۔ ڈوہیں افغانزیں خالد توفیقی نے خود پر نائیاں تے دل خود ای نساتے گھسن گیا۔ ثنیت تیکوں پتانہ ہووے ہک ڈینہہ اونے افغانزیں واپس کرن دے بہانے مولوی صاحب کوں کیتھائیں مانسہرے والے پاسے سڈایا تے وعدہ گھدس جو او اتھ کلہا ویسی۔ ثنیت کوئی نواں مل لاون دی گاہہ وی تھئی ہو سی تہوں بابا ڈھگ ساری رقم وی نال چاتے گیا ہاپراتنی احتیاط ضرور کیتی جو آپڑیں اعتبار دا سنگتی وی نال گھسن گیا۔ بھل ایندے باوجود اتھوں افغان ذالیں تاں نہ واپس تھیاں بس بم دھماکے دے بعد گوشت دی گندھڑی واپس تھئی۔“

”تہا کوں تاں پتا ہو سی جو خالد توفیقی آج کل کیتھاں اے؟“ بلال کوں ایوں لگیا جو مراد آپڑیں بندوق تے لگی ہوئی دور بین دے وچوں ڈیدھا پئے۔

”پتا ہووے ہاتاں پیو دے گوشت دی گندھڑی ایویں مونڈھے تے رکھی ودا ہو داں ہا۔“  
 ”خالد توفیقی آج کل شمالی وزیرستان وچ ہے، جے خاص لکانے دی جائیچھسوتاں اووی ڈس ڈیساں!“ مراد نے عادت موجب اے سبھو کجھ وی بہوں سہولت نال ایویں ڈسایا جو بلال دا ادر کانکل گیا۔ پیو دے گوشت دی گندھڑی او ندے مونڈھے توں ڈھانڈی ڈھانڈی پئی۔  
 ”تیکوں کیویں پتا اے؟“

”پتا ہے تاں ڈسیندا پیاں! نہ تاں میکوں کیا لوڑھ اے کہیں دے معاملے وچ آون دی، خاص طور تے اوں بندے کیتے جیندا پیو میڈے تے میڈے پورے خاندان دی بربادی دا موجب ہووے۔“

”مراد! کاکا توں ہیں کیا، اوتاں املک نوی کہ جو ڈسدا پئیں۔“

”میں ایہو کچھ ہاں کہ جو کچھ ڈسدا پیاں، فرق صرف بندوق تے لگی دور بین دا ہے، ایں توں ودھ نہ تہاں بچھوتے نہ میں ڈس سگساں۔“ اے آکھ تے مراد ولد اموڑھے توں اُنھی کھڑا تھیا

”پر او خالد توفیقی؟“ بلال کوں او نے یقین ڈواڈتا ہا جو واقعی او کوں خالد دے لکانے دا پتا ہے۔  
 ”کیا لوڑھ اے کہیں دی زندگی خراب کرن دی، موج کرن ڈیو او کوں! گھٹکی تاں تہاڈے والد نے وی نہ کیتی ہو سی، کیا تھیا جو اوڈو ہائیں افغانزیں ہن داوندیاں ذالیں ہن پر بال تاں جی بیٹھے، جیون ڈیو او کوں، ویسے ٹول خیل دے نیڑے گھر بنڑائی بیٹھے۔“

مراد و نجن کیتے ٹریتاں بلال وی اُنھی کھڑا تھیا۔ لگدا ہا جیویں کوئی گالہہ ادھوری رہ گئی اے۔ پر مراد جھکی جھون گھتی گیٹ توں باہر نکل گیا۔ ہالی بلال ولد اموڑھے تے بیٹھانہ ہا جو مراد اُناں قدماں تے واپس ول آیا۔

”چھیکڑی گالہہ نہ تہاں بچھی نہ میکوں یاد آئی۔“

بلال نے حیران تھی تے اوندے اکھیں ڈوڈٹھا جئناں وچ گالہہ کرن توں پہلے ای پانی سمیا کھڑا ہا۔ بلال نے او کوں باہون کوں اکھیا پر ایں پھیری او بیٹھاناں۔

”تہاں اے تاں بچھیانی جو کند و نال آخر میڈی کی کیا؟“

بلال نے سر اُتوں تے ہلاتے بچھن دا اشارہ کیتا جو کیا کی۔

”او کملی میڈے نال شادی دی تانگھ رکھی بیٹھی ہئی، اے چولا سلوار اُونے میڈے نکاح دے

جوڑے طور خود سیٹلہا پر جئیں ویلے میں اے ڈسیا جو ہک بارودی سُرنگ دے دھماکے وچ میں

آپڑاں مردانہ عضو و نجا بیٹھاتاں اُونے او ہو جے وین شروع کر ڈتے جیڑھے اُونے پہلی واری

میڈی موت دی خبر سُن تے کیتے ہو سن۔“

کئی ڈیناں بعد آندی سردی دی ہک رات چھڑتاں ڈھیر گجیا، کھمن وی کھمی پر کنڑیاں اتلیاں  
پیاں جو گردابہہ گیا۔ اوندے بعد ہلکی لوری گھلی تاں بلال الرحمن لکار ویڑھتے پراہ وچ آپڑیں  
مخصوص موڑھے تے آن بیٹھا۔ ہلکی سردی جس تاں ڈیندی پئی ہئی پر ول وی اُونے کولیاں آلی  
انگٹھی بکھواتے سامڑیں رکھوا گھدی۔

ہک مدت توں بعد اوندیاں مونڈھیاں تے کوئی بار نہ ہا۔ سارے عذاب ٹل گئے پر ہوں ڈینہ  
دے گم تھے محمد مرادی کوئی سمجھ نہ آئی جو کتھوں آیا ہاتے کڈے گیا۔ مذہبی جماعتاں دا اتحاد  
وستی دانان بچاون وچ ناکام تھیا تاں حوصلہ چھوڑ بیٹھا پر ہک ڈینہ صوبائی سیکریٹری محکمہ  
بلدیات طرفوں نوٹیفیکیشن جاری تھیا جو ہند توں وستی دانان ”غازی فضل اللہ پور“ ہوسی۔  
پہلے تاں کہیں کوں کجھ سمجھ نہ آئی جو اے ناں اتلے لیول توں کینے تبدیل کرائے پر جئیں ویلے  
کجھ سمجھ نہ آئی تاں اینداسہراوی مذہبی جماعتاں آپڑیں گل پیا گھدا۔

جینے وی اے کم کرایا، علامہ بلال کوں ایندے نال کیا۔ اوتاں ایس گاہہ تے مطمئن ہا جو  
اوندے پیو دا تجویز تھیا ناں کہیں نہ کہیں شکل وچ بچ گئے۔

نکی نکی کنڈمن وچ بلال دا وجود ہلکا پھل تھیا تاں اُونے آکھیں نوٹ کراہیں جنگاں لمبیاں کرتے  
ڈوجھے موڑھے تے چار کھیاں۔ اوند اول کیتا جو حسین بخش ڈھاڈی دی آواز وچ خواجہ غلام فرید  
دی کافی سنڑیں۔

تتی رور وواٹ نہاراں

کٹریں سانول موڑ مہاراں

بظاہر ایڈے سکون تے اطمینان دے اناں لختیاں وچ وی اوندے اندر شئیت کوئی گنڈھ جی  
ہئی جیڑھی نہ تاں کھلدی ہئی تے نہ اوندی کوئی شکل سامڑیں آندی ہئی۔

کوئی چیرھی گنڈھ ہئی، تانگھ دے تھوئے دی سانگ تے چڑھی ہوئی،

شئیت موت دی کوئی شکل جو تانگھ، وصل تے موت جاڑیاں سڈیندیاں ہن۔ جو وی کجھ ہاؤ  
بلال دی سمجھ دے احاطے وچ آند آند اڑک ویندا ہا۔

اوند اڈل کیتا جو اندر ونج تے خواجہ فرید دادیوان چا آوے تے سکون دے باوجود آپنی بے چینی  
تے چچلا دی پھال کڈھے پر اؤں توں پہلے ای حسین بخش ڈھاڈی دا الاپ اوندے کنڈاں وچ پوؤ  
ن لگ گیا۔ اوا گر گریاں، اوا پاٹ دار آواز تے کافی دے اوبے بول، سب نے رل کراہیں  
اوکوں مست کر ڈتا۔

کیف دی ہک خاص سطح تے ونج تے اوکوں ایویں لگیا جو اوندے اندر اوندیو عبدالحنان موجود  
اے۔ آج اوکوں نہ تاں بیو کنوں نفرت تھیندی پئی ہئی تے نہ اچا ہندا پیا ہا جو اوندیو اوندے  
جسم وچوں نکل و نچیں۔ ہک پوری سنگت اوندے آسوں پاسوں بیٹھی ہئی تے او آپڑیں محبوب  
دے آون دی راہ بھلیندا بیٹھا ہا۔ کجھ دیر بعد ای اوکوں احساس تھیا جو اوندی سنگت تاں ساتھ  
کانتی پر اناں دے نہ ہوندے ہوئے وی کوئی بیا اتھ موجود اے۔ بلال نے سر چھنڈک تے  
ہولے نال اکھیں کھولیاں۔ ماچے اُتے آج اوندی ماٹیٹھی ہئی بختاوری بی۔

بلال نے حیران تھی تے ماکوں ڈٹھا جیڑھی اوکوں ڈٹھے بغیر انگلیٹھی وچ دسے ہوئے کولیاں  
کوں ٹھکور ٹھکور جگیندی پئی ہئی۔

ایں توں پہلے جو اوکوں آلویندا او خود ای بول پئی۔ اوندی آواز ڈکھ نال بھری ہوئی ہئی۔

”بلال! توں چنگانی کیتا!“

”کیا چنگانی کیتا اماں!“

”خالد توفیقی کوں مرا تے توں چنگانی کیتا!“

مادی زبان تے خالد داناں سُنڑں تے بلال ہکا بکارہ گیا۔

نکی نکی کن دمن آسمان تے ای اٹھر تیج گئی۔

اوندے کنلاں وِچ حسین بخش ڈھاڈی دے گاؤن دی آواز پہلے تاں مٹھی تھیندی گئی ول آملک  
بند تھی گئی۔

بلال کوں ایویں لگیا جو اوندے پُورا وجود وی اوندے وجود توں آنج تھی چکے تے او کلہارہ گے،  
آملک کلہا۔



آٹھ ستمبر دو ہزار بائیس

ایک بجے شب

ڈی ایچ اے ٹو، اسلام آباد

## محمد حفیظ خان کی دیگر مطبوعہ کتابیں

- ۱۔ کچ دیاں ماڑیاں (سرائیکی ریڈیائی ڈرامے) ۱۹۸۹ اکادمی ادبیات پاکستان سے صدارتی ایوارڈ یافتہ
- ۲۔ ویندی رت دی شام (سرائیکی افسانے) ۱۹۹۰ اکادمی ادبیات پاکستان سے صدارتی ایوارڈ یافتہ
- ۳۔ ماما جمال خان (بچوں کے سرائیکی ڈرامے) ۱۹۹۰
- ۴۔ اتفاق سے نفاق تک (پاکستانی سیاست) ۱۹۹۳
- ۵۔ یہ جو گورت ہے (اردو افسانے) ۱۹۹۷
- ۶۔ پہلی شب تیرے جانے کے بعد (اردو نظمیں) ۱۹۹۹
- ۷۔ خواب گلاب (بچوں کے سرائیکی ڈرامے) ۲۰۰۳
- ۸۔ اندر لیکھ داسیک (سرائیکی افسانے) ۲۰۰۴
- ۹۔ زٹھڑے پندھ (سرائیکی ریڈیائی ڈرامے) ۲۰۰۵
- ۱۰۔ نوآبادیاتی خطوں کا نیا مکالمہ (تنقید) ۲۰۰۶
- ۱۱۔ خرم بہاول پوری: شخصیت و فن (تحقیق و تنقید) ۲۰۰۷
- ۱۲۔ حفیظ خان کی کہانیاں (سرائیکی سے اردو ترجمہ) ۲۰۰۷
- ۱۳۔ کوئی شہر میں جنگل کو کدرا (سرائیکی ٹیلی ڈراما سیریل) ۲۰۰۸
- ۱۴۔ اس شہر خرابی میں (اردو کالموں کا انتخاب) ۲۰۰۸
- ۱۵۔ سرائیکی ادب: افکار و جہات (تنقید) ۲۰۰۹
- ۱۶۔ آثار ملتان (تاریخ) ۲۰۱۱
- ۱۷۔ کلام خرم بہاول پوری (مدون و انتخاب) ۲۰۱۳
- ۱۸۔ ڈھیر ڈھیرا واقعہ (سرائیکی ادبی تنقید) ۲۰۱۴
- ۱۹۔ رت بچوں کی مراد (تنقید) ۲۰۱۶
- ۲۰۔ تین من سس سرے (اردو کہانیاں) ۲۰۱۶
- ۲۱۔ پٹھانے خاں (شخصیت اور نگاہیں) ۲۰۱۷
- ۲۲۔ ملتان نصف جہان (تاریخ) ۲۰۱۷
- ۲۳۔ سرکشی (اردو کالم) ۲۰۱۷
- ۲۴۔ کافی: سندھ وادی کی شعوری تاریخ (تنقید) ۲۰۱۷ اور ۲۰۱۸
- ۲۵۔ ادھ اورے لوک (سرائیکی ناول) ۲۰۱۸ اکادمی ادبیات پاکستان سے صدارتی ایوارڈ یافتہ
- ۲۶۔ ادھ اورے لوک (اردو ناول) ۲۰۱۸
- ۲۷۔ انو اسی (اردو ناول) ۲۰۱۹
- ۲۸۔ کرک تاتھ (اردو ناول) ۲۰۲۰
- ۲۹۔ لاہور جان (اردو کہانیوں کا انتخاب) ۲۰۲۰
- ۳۰۔ منتارا (اردو ناول) ۲۰۲۱
- ۳۱۔ پک رات دابھ (سرائیکی ٹیلی ڈراما سیریل) ۲۰۲۱

Published "The Competitor" as editor /writer more than  
125 English journals on Current affairs

حفیظ خان کی شکل میں ہمارے اجڑے  
سرائیکی وسیب سے ایک بڑے ناول نگار  
نے جنم لیا ہے۔ جو دھرتی ماں سے جڑا ہوا  
ہے۔ جس نے تل وطنیوں کی کہانی اور ان  
کے صدیوں پرانے دکھوں، پس ماندگی  
اور کچلے ہوئے جذبات کو نئی زبان، نیا لہجہ  
اور نیا رنگ دیا ہے۔  
رؤف کلا سرا

ISBN 978-969-9782-23-7



9 789699 782237



ملتان انسٹیٹیوٹ آف پالیسی اینڈ ریسرچ، ملتان